

# ĪVUKU YA MBOYA KWA ANDŪ ONTHE

## MAŪNDŪ ALA MEVO

|  | <i>Ngatiko</i> |
|--|----------------|
| MBOYA YA KĪOKO   | I              |
| ĪVINDA YA MBOYA YA WĪOO                                    | 14             |
| MBOYA, MAVALŪA NA ŪVOO MŪSEO, MWAKA MŪIMA                  | 16             |
| WALANYO WA KŪTHENGEEA MESA YA MWĪAĪI KANA<br>MŪAMBA MŪTHEU | 52             |
| MŪSEŪVĪLYE WA ĪVINDA YA KŪVAATISA SYANA                    | 70             |
| MOKŪLYO NA MOSŪNGĪO  | 79             |
| MŪSEŪVĪLYE WA KWILĪĪLWA MOKO                               | 86             |
| MŪSEŪVĪLYE WA MŪTWAANO                                     | 91             |

LONDON  
S · P · C · K

1963

## MBOYA YA KĪOKO

*Mwambilitiyoni wa Mboya ya Kioko Kasisi asome na wasya mūnene ūmwe kana mbee wa ūmwe, wa mīsoa ino ya Maandiko Matheu.*

**Y**ĪLA mūdū mūthūku ūkethyūūa na kūtia ūthūku wake ūla wekie, na kwika ūla wos anaa na mīao na ūla wa w'o, akeetangīa ekale thayū. *Esekieli 18. 27.*

Ninīmesī mavītyo makwa, na naī yakwa yī mbee wakwa mavinda onthe. *Savulī 51. 3.*

Vitha ūthyū waku, ūeke kwona naī syakwa, na ūivuta mothūku makwa onthe. *Savulī 51. 9.*

Tembūangai ngoo syenyu, na ti ngūa syenyu, na mūkithyūūia Yeova Ngai wenyu: nūdū we nī mūseo, na e tei: ti mūthati wa mītūkī, na e na ūseo mwingī wī wendo: na etūngaa ndakeke ūla ūthūku. *Yoeli 2. 13.*

Kwa Mwīaīi Ngai waitū ve matei na ūkeo; nūdū nītūmūng'endeete: o na tūineew'ite wasya wa Yeova Ngai waitū, nī kana tūendae mīaonī yake, ūla waiie mbee waitū. *Ndanieli 9. 9-10.*

Ame Yeova, nganya, indī ūthimīte; ti ūthatunī waku, ndūkese kūmina nyie. *Yelemia 10. 24.*

Alyūlai ngoo; nūdū ūsumbī wa itu nī mūthengeeu.

*Mathayo 3. 2*

Nīngūkīla nīthi kwa asa, na ngīmwiā, "Asa, nīnīvītītye itunī na mbee waku: na yu ndyailītwe nī kwītwa mwana waku." *Luka 15. 18-19.*

Ndūkakwatye sila na mūthūkūmi waku, ame Mwīaīi, nūdū methonī maku vaiī mūdū wī thayū mūlūngalu.

*Savulī 143. 2.*

Ethwa twīasya tūi na naī, nītūkwikenga ene, na ūla w'o ndwī nthīnī waitū. Ethwa nītūkumbūla naī sitū, we e kīthito, na nī mūlūngalu wa ūtūekea naī sitū, na kūtūthesya ūndū ūte ūlūngalu w'onthe. *1 Yoana 1. 8-9.*

**I**NYWĪ ana-a-ia makwa mwendetwe mūno, twonetwe nthini wa maandiko matheu kūdū kūna, ūndū wa kwitikila na kumbūla nai sitū na mothūku maitū ma kila mūthemba vate kūvitha kana kūvw'ika mbee wa ūthyū wa Yeova Ngai waitū wa itunī: twonetwe kumbūla kwa ngoo ya ūnini na winyivyo na ūuu, na kumbūla na kūatīia; nī kana kwa ūseo wake na tei wake ūte mūminūkilyo twone ūkeo. Naitū o na vala mavinda onthe nitwailitwe ni kwitikilaa nai sitū mbee wa Ngai kwa winyivyo indī nitwailitwe nī kwika ūu mūno mbee, yila twakomana na kūmbana vamwe kwondū wa kūtunga mūvea nūndū wa moseo ala twosete mokonī make, kūmūnenga ndaia ila imwailite mūno mbee, kwiw'a ndeto yake ila netheu mūno, na kūmūvoya mavata ala manene mūno ma mwīnī na ngoonī. Kwondū wa ūu, nīngūmūvoya na kūmwisūva inywī ala mwī vaa tūvikilane ithyonthe na ngoo ntheu na wasya wī na winyivyo, tūthengeee kivila kya mumo kya itunī, mūkineena itina wakwa:

*Ii nī ndeto sya andū onthe, sya kumbūla mavityo, nāsyo ineenawa nī andū vamwe na Kasisi matulitye ndu.*

**A**ME Asa Mwene vinya w'onthe na tei mwingī, ithyī nitūvititye na kūtia nzia syaku ta malondu mau. Nitūatīe mūno maūdū ma itomo ya ngoo sitū ene. Nitūvititye miao yaku mītheu. Tūyikite maūdū ala twailwe nī kwika, na twikite ala tūtailwe nī kwika, o na tūii na mūuo nthini waitū ene. Indī we, ame Mwīaii, ūtwiw'ie tei ithyī avitan'ya avinyu. Ame Ngai, ūmaekeee ene kumbūla nai syoo. Ūmetikile ala melilite, tondū mavuanīw'e andū watho waku nthini wa Klīsto Yesū, Mwīaii waitū. Na ingī, Asa mwene tei mwingī, ūtūnenge kwondū wake we, ithyī kwikala kuma ūmūnthī mwikalile wa kikio kya Ngai, na ūlūngalu na maūdū meanie, kwa kūtaia syitwa yaku itheu. Amenī.

*Ūkeo wa nai ūneenwe nī Kasisi e weka andū matulitye ndu nake Kasisi aīngyi.*

**N**GAI Mwene vinya w'onthe, Ithe wa Mwīaii waitū Yesū Klīsto, ūla ūtendaa kikw'ū kya mwene nai, na mūno mūno wendaa aeke ūthūku wake ethwe thayū: nake

nūmanengete athūkūmi make mwīao ūmeaie kūmanyisya na kūtavya andū make ala melilite ūndū wa kūekewa na kūvetewa nai syoo: we nūmaekeaa na kūmavetea nai onthe ala melilaa vyū, ala metikilite ūvoo wake mūseo vate nzika. Kwondū wa ūu nitūmūvoya atūnenge ūalyūlo wa w'o wa ngoo, na Veva Mūtheu wake, nī kana o ūndū tūkwika yuyu ūmwendeese; na nī kana atūme mīkalile yaitū ya kuma yu ithwe myailu na mītheu, na nī kana matukū maitū mathela tūvike ūtanunī wa tene na tene: nūndū wa Yesū Klīsto Mwīaii waitū. Amenī.

*Kana ethwa vaii Kasisi, mūtongosya nūtonya kūneena mboya ino.*

**M**ANENGE, nitūūkwisūva we Mwīaii wa tei, andū maku ew'i ūkeo na mūuo nī kana mathew'e kuma nainī syoo, na maikūthūkūma na ngoo ya ūuu, katī wa Yesū Klīsto, Mwīaii waitū. Amenī.

*Vaa na kila mūminūkilyo wa kūvoya andū masye, Amenī.*

*Yu indī vaa kasisi atulasya ndu na aineena mboya ya Mwīaii na wasya ūkwīw'ika na andū nao matulitye ndu, maneene vamwe nake: ivinda yūu na mavinda onthe katī wa ūthaithi wa Ngai.*

**A**SA Waitū ūla wī itunī, syitwa yaku yithwe itheu. Ūsumbī waku wūke, wendo waku wikwe kūū nthi tondū wikawa itunī. Tūnenge ūmūnthī kandū kaitū keanū. Naku ūtūekeee mawathe maitū, ūndū naitū tūmaekeaa kila mūdū mavityo make. Ndūkatūtuae katī wa ūtatwa, indī twovosye kwa ūthūku. Nūndū ūsumbī na vinya na ndaia nī syaku, tene na tene. Amenī.

*Na indī kūisomwa:*

*Kasisi.* Ame Mwīaii, vingūa makanywa maitū.

*Andū.* Na makanywa maitū makatavanya ūtheu waku.

*Kasisi.* Ame Ngai, twovosye na mītūki.

*Andū.* Ame Mwīaii, tūtethye na mītūki.

*Ivinda ya andū maīngama onthe, kasisi asomaa:*

Ndaia yithwe kwa Asa, na kwa Mwana, na kwa Veva Mūtheu.

*Andũ.* O tondũ kwailiyi mwambililyoni, na yuyu: kũvika tene na tene no ũu. Amenĩ.

*Kasisi.* Mũtaĩei Mwĩaii.

*Andũ.* Syĩtwa ya Mwĩaii Yĩtaĩwe.

*Vaa nikũsomwe kana kwĩnwe Savulĩ ino iatĩie: ate o iwinda ya ũthayũkyo, nĩvo wathi ũngĩ ũnyuvawa. Na ingĩ kila itukũ ya mwei ikũmi na keenda vaisomawa vaa, indĩ kũsomawa kati wa mũseũwĩlye wa Savulĩ o tondũ kwĩkawa.*

## VENITE, EXULTEMUS DOMINO

## Savulĩ 95

**Ū**KAI tũmwinĩe Yeova na ũtanu: nĩtũmũkathe ivia ya ũtangĩo witũ.

Tũthi tũkaũgame mbee wa ũthyũ wake na mũvea: tũmũkathe na mbathi sya ndaĩa.

Nũndũ Yeova nĩwe Ngai mũnene: nĩ mũsumbĩ mũnene iũlũ wa ngai syonthe.

Nũndũ ikonyo syonthe sya nthĩ syĩ kwokonĩ kwake: na motũlu ma iĩma o namo nĩ make.

O na ũkanga nĩ wake, nĩwe mwene waseũvisye: moko make nĩmoombie nthĩ nyũmũ.

Ūkai tũkathaithe, twĩname: tũtulye ndu mbee wa Yeova mwene kũtũmba.

Nũndũ nĩwe Ngai waitũ: naitũ twĩ andũ ma ndĩthya yake, twĩ malondu ma kwoko kwake.

Ūmũnthĩ, ethiwa nĩmũkwĩw'a wasya wake, mũikomye ngoo syenyu: tondũ mweekie na kũu Meliva, ta mũthenya ũla wa Masa, kũya weũnĩ.

Yĩla aaithe menyua mandatie na kũnthima: na moona wĩa wakwa.

Myaka mĩongo ina nĩnew'ithiw'e woo nĩ ũsyao ũsu na nasya: Nĩ mbaĩ ya andũ mavĩtisye ngoonĩ syoo na maya-manyanya nzĩa syakwa.

Nĩvo neevĩtie mwene kati wa ũthatu wakwa: maikalika ũthũmũonĩ wakwa.

Ndaĩa yĩthwe kwa Asa, na kwa Mwana, na kwa Veva Mũtheu:

O tondũ kwailiyi mwambililyoni, na yuyu: kũvika tene na tene no ũu. Amenĩ.

*Na vau iatĩia Savulĩ kwĩanana na ũndũ kwĩaitwe. O na itina wa mũminio wa kila wathi mwaka mũima, na mũminio wa Benedicite, na Benedictus, na Magnificat, na Nunc Dimittis, kũneenawa ndeto ii:*

Ndaĩa yĩthwe kwa Asa, na kwa Mwana, na kwa Veva Mũtheu:

*Andũ.* O tondũ kwailiyi mwambililyoni, na yuyu: kũvika tene na tene no ũu. Amenĩ.

*Nĩvo indĩ kũsomawa kwa wasya ũkwĩw'ika kũsoma kwa mbee, ivukuni ya Ūtiano Mũkũũ, o tondũ kwĩaitwe nthini wa matukũ ma mwei, ate o mũthenya wĩaitwe wailwe masomo angĩ. Nake mwene kũsoma nũũngamaa elekele na kũsisya ngali ũla ya andũ nĩ kana mamwĩw'e mũno kwĩanana na ala me vo. Na itina nũũsomwa kana kwĩnwa ũseũwoyo witawa Te Deum Laudamus kila mũthenya wa mwaka mũima.*

*SŪVIA: Mbee wa kwambililya kũsoma ũla mwene kũsoma aneene, Mwambililyo wakilun gu kina kya ivuku ina, kana mwambililyo wa mũsoa mũna. Na mũminio wa kila isomo, ayasya, Isomo ya mbee, kana ya kelĩ, yathelela vau.*

## TE DEUM LAUDAMUS

**T**WĪŪKATHA Ngai: twĩkwĩtikĩla kana we nue Mwĩaii.

Nthĩ yonthe nĩnĩũkũthaithe: Asa wa tene na tene.

Alaĩka onthe nĩmeũkũkĩlilya wasya: itunĩ na vinya w'onthe ũla wĩ vo.

Makeluvi na Maselavi mavinda onthe: mekũkĩlilya wasya we.

Mũtheu, mũtheu, mũtheu: Yeova Ngai wa nguthu.

Ītu na nthĩ: syusũite vinya wa ndaĩa yaku.

Nĩmeũkũkathwa we: nguthu ya ũtaĩo ya atũmwa.

Nĩmeũkũkathwa we: kĩkalo kya ndaĩa kya athani.

Nĩmeũkũkathwa we: nguthu nthu ya ngũsi.

Īkanĩsa ithe, nthĩ yonthe: nĩyĩũkwĩtikĩla we.

Asa mwene vinya: ũte mũminũkĩlyo.

Mwana waku wa kũtaĩwa: ũla wa w'o, na ũla wĩ weka.

Na ingĩ Veva Mũtheu, Mũtetheesya.

We nue mũsumbĩ wa ndaĩa: we Klĩsto.

We nue Mwana wa tene na tene: wa Asa.

We yĩla weelĩkilye kati wa kũmovosya andũ: ndwaavũthya ivu ya mwĩtu.

We yila wakililye woo wa kĳkw'ũ vinya: nĳwamavuanisye ũsumbĩ wa ĳtunĩ ene mũikĩlo.

We wĩkalaa ngalĩ ya kwoko kwa aũme kwa Ngai: ũsumbĩnĩ wa Asa.

Nĳtwĩtikĩlaa kana ũkooka: kwĩthĩwa mũsili waitũ.

Na ĳndĩ twĩũvoya we ũmatethye atũmwa makũ: ala wovooisye na nthakame yaku ya vata.

Ūmanenge kũtalwa ndaĩanĩ ya tene na tene: vamwe na atheu maku.

Ūmaie ũsũvionĩ andũ maku, Mwĩaiĩ: ũũathime ũtiĩwa waku.

Naku ũmasumbike: ũmokĩlye mo tene na tene.

Mũthenya na mũthenya: twĩkũkumya We.

Na syĩtwa yaku tũyĩtaĩaa: tene na tene.

ĳtikĩla Mwĩaiĩ: mũthenya ũũ wa ũmũnthĩ ũtũvathane na naĩ.

Twĩw'ie tei, Mwĩaiĩ: twĩw'ie tei ithyĩ.

Tei waku, Mwĩaiĩ, ũthee ĳũlũ waitũ: o tondũ tũkwik-watasya We.

Nĳnikwĩkwatĩtye We, Mwĩaiĩ: ndikasonoka tene na tene.

*Kana Ūseũvyo ũũ:*

#### BENEDICITE, OMNIA OPERA

**I**NYWĪ wĩa wonthe wa Mwĩaiĩ; mũtũngĩei mũvea Mwĩaiĩ: mũkathei na mũkumyei tene na tene.

Inywĩ alaĩka ma Mwĩaiĩ, mũtũngĩei mũvea Mwĩaiĩ: mũkathei na mũkumyei tene na tene.

Inywĩ matu, mũtũngĩei mũvea Mwĩaiĩ: mũkathei na mũkumyei tene na tene.

Inywĩ manzĩ ala me ĳũlũ wa yayaya; mũtũngĩei mũvea Mwĩaiĩ: mũkathei na mũkumyei tene na tene.

Inywĩ mavinya onthe ma Mwĩaiĩ, mũtũngĩei mũvea Mwĩaiĩ: mũkathei na mũkumyei tene na tene.

Inywĩ syũa na mwei, mũtũngĩei mũvea Mwĩaiĩ: mũkathei na mũkumyei tene na tene.

Inywĩ ndata sya ĳtunĩ, mũtũngĩei mũvea Mwĩaiĩ: mũkathei na mũkumyei tene na tene.

Inywĩ ũnyenyeũ na ĳmwe, mũtũngĩei mũvea Mwĩaiĩ: mũkathei na mũkumyei tene na tene.

Inywĩ iseve sya Ngai, mũtũngĩei mũvea Mwĩaiĩ: mũkathei na mũkumyei tene na tene.

Inywĩ mwaki na muutĩa, mũtũngĩei mũvea Mwĩaiĩ: mũkathei na mũkumyei tene na tene.

Inywĩ nundu na thano, mũtũngĩei mũvea Mwĩaiĩ: mũkathei na mũkumyei tene na tene.

Inywĩ ĳmwe na mbevo nene, mũtũngĩei mũvea Mwĩaiĩ: mũkathei na mũkumyei tene na tene.

Inywĩ mbevo nene na ũthithu, mũtũngĩei mũvea Mwĩaiĩ: mũkathei na mũkumyei tene na tene.

Inywĩ mbalavu na ĳya, mũtũngĩei mũvea Mwĩaiĩ: mũkathei na mũkumyei tene na tene.

Inywĩ motukũ na mũthenya, mũtũngĩei mũvea Mwĩaiĩ: mũkathei na mũkumyei tene na tene.

Inywĩ kyeni na kĳvindu, mũtũngĩei mũvea Mwĩaiĩ: mũkathei na mũkumyei tene na tene.

Inywĩ ũtisu na matu, mũtũngĩei mũvea Mwĩaiĩ: mũkathei na mũkumyei tene na tene.

Na nthĩ nayo ĳmũtũngĩei mũvea Mwĩaiĩ: mũkathei na mũkumyei tene na tene.

Inywĩ ĳĩma na tũlĩma, mũtũngĩei mũvea Mwĩaiĩ: mũkathei na mũkumyei tene na tene.

Inywĩ syĩndũ syonthe ĳla imeaa kũũ nthĩ, mũtũngĩei mũvea Mwĩaiĩ: mũkathei na mũkumyei tene na tene.

Inywĩ ĳthĩma sya kĳw'ũ, mũtũngĩei mũvea Mwĩaiĩ: mũkathei na mũkumyei tene na tene.

Inywĩ maũkanga na tũũkanga, mũtũngĩei mũvea Mwĩaiĩ: mũkathei na mũkumyei tene na tene.

Inywĩ miungumĩ na syonthe ĳla ĳendaa kĳw'ũnĩ, mũtũngĩei mũvea Mwĩaiĩ: mũkathei na mũkumyei tene na tene.

Inywĩ nyũnyi sya yayayanĩ, mũtũngĩei mũvea Mwĩaiĩ: mũkathei na mũkumyei tene na tene.

Inywĩ ĳnywonthe nyamũ sya kĳthekani na sya mĩsyĩ, mũtũngĩei mũvea Mwĩaiĩ: mũkathei na mũkumyei tene na tene.

Inywī andū, mūtūngīei mūvea Mwīaīi: mūkathei na mūkumyei tene na tene.

Īsilaeli nake namūtūngīei mūvea Mwīaīi: amūkathe na amūkumyei tene na tene.

Inywī athembi ma Mwīaīi, mūtūngīei mūvea Mwīaīi: mūkathei na mūkumyei tene na tene.

Inywī syuu na maveva ma ene ūlūngalu, mūtūngīei mūvea Mwīaīi: mūkathei na mūkumyei tene na tene.

Inywī andū atheu me wīnyivyo wa ngoo, mūtūngīei mūvea Mwīaīi: mūkathei na mūkumyei tene na tene.

Inywī Anania na Asalia na Mīsaeli, mūtūngīei mūvea Mwīaīi: mūkathei na mūkumyei tene na tene.

Ndaīa yīthwe kwa Asa, na kwa Mwana, na kwa Veva Mūtheu: o tondū kwailyī mwambīlilyonī, na yuyu: kūvika tene na tene. Amenī.

*Vau nīkūsomawa ta ūu isomo ya keli, katī wa Ūtianio Mweū. Na itina wathi ūū ūatīe, ate o yīla kūsomwa katī wa kilungu kīla kyāile mūthenya wakyo kana kūsomwa Ūvoo Mūseo mūthenya wa Mūvatīsi Yoana.*

## BENEDICTUS

Luka 1. 68

**M**WĪAĪI Ngai wa Īsilaeli nakathwe: nūndū nūmokīe andū make na kūmovosya.

Na nūtūkilīlye ūvya wa ūtangīio: nyūmbanī ya Ndaviti mūthūkūmi wake.

Tondū waneenie na makanywa ma athani make atheu: ala maī kw'o kuma tene.

Ūtangīio kuma amaithanī maitū: o na kuma mokonī ma onthe ala matūmenaa,

Amonyē aasa maitū tei: na kūlīlikana ūtianio wake mūtheu.

Wīvīto ūla wevītie asa waitū Avalaamu: akatūnenga ithyī,

Kana, twavonoka mokonī ma amaitha maitū: tūmū-thūkūme tūte na vw'ia,

Twī na ūtheu na ūlūngalu kwake: mīthenya yaitū yonthe.

Naku We, kaana, ūkeetawa mwathani wa Ūla wī iūlū wa Onthe: nūndū ūkatongosya mbee wa Mwīaīi ūmūseūvīsyā nziā syake,

Na kūnenga andū make ūmanyi wa ūtangīio: kwondū wa kūekewa naī syoo.

Nūndū wa īnee īnene ya Ngai waitū: yīla kwondū wayo kyeni kya kūikya kyumite iūlū nīkitūvikīe.

Kīmamūlike ala mekalaa kīvīdunī na kyūunī kya kīkw'ū: kītūtongoesya maūū maitū nziānī ya mūuo.

Ndaīa yīthwe kwa Asa, na kwa Mwana, na kwa Veva Mūtheu: o tondū kwailyī mwambīlilyonī, na yuyu: kūvika tene na tene. Amenī.

*Kana Savulī īno:*

## JUBILATE DEO

Savulī 100

**M**ŪTANĪEI Yeova, nthī yonthe: mūthūkūmei Yeova na ūtanu, ūkai mbee wake mwinīte wathi.

Mūmanyēi Yeova nīwe Ngai: nīwe watūmbie, naitū twī make: twī andū make, twī malondu ma ndīthya yake.

Likai mīvianī kwake na mūvea, nza kwake na ngatho: mūtūngīei mūvea, mūathime syītwā yake:

Nūndū Yeova nī mūseo, īnee yake nī ya tene na tene: kīthito kyake kīvikīaa nzyawa syonthe.

Ndaīa yīthwe kwa Asa, na kwa Mwana, na kwa Veva Mūtheu: o tondū kwailyī mwambīlilyonī, na yuyu: kūvika tene na tene. Amenī.

*Vau nīkwīnawa kana kūsomwa Witikīlo wa Atūmwa nī ūla Kasīsi, na andū onthe maūngeme: ate o kūsomawa witikīlo ūū matukū asu meaitwe kūsomwe Mūikīio wa Mūtheu Athanasio.*

**N**YE NĪNGWĪTĪKĪLA Ngai Asa Mwene Vinya W'onthe, Mūmbi wa itu na nthī: Na Yesū Masia, Mwana wake e ūmwe, Mwīaīi waitū, ūla wekīiwe ivunī nī Veva Mūtheu, asyaiwe nī Mwīitu Meli, nīwathīniw'e yīla Vondio Vilato waī mūsumbī, nīwambiwe na akw'a na athikwa, alika vala maveva ma ala akw'ū mekalaa. Na mūthenya wa katatū akīthayūka kuma akw'ūnī, akyambata

MBOYA YA KĪOKO

ituni, nivo ūilyi ngali ya kwoko kwa aume kwa Ithe Ngai Mwene vinya w'onthe; nivo ūkauma asilile ala me thayū na ala akw'ū.

Nye ningwitikila Veva Mūtheu, ikanisa itheu yila yi nthi yonthe, mūamba wa atheu, ūkeo wa mavityo, ūsyūko wa mwii, na thayū ūtathela. Amenī.

*Na indī nikūvoyawa mboya isu iatianiē vaa, andū o matulitye ndu kwa winyivyo, ūla Kasisi akymbililya kūweta kwa wasya mūtūlu:*

Mwīaii nīethwe vamwe nenyu.

*Andū.* Nīethwe vamwe na ngoo yaku.

*Kasisi.* Nītūvoyei.

Mwīaii, twīw'ie tei.

*Andū.* Klīsto, twīw'ie tei.

*Kasisi.* Mwīaii, twīw'ie tei.

*Vau Kasisi na aini na andū maneēnaa Mboya ya Mwīaii na wasya mūtūlu.*

**A**SA waitū ūla wī ituni, syitwa yaku yithwe itheu. Ūsumbī waku wūke, wendo waku wīkwe kūū nthi tondū wīkawa ituni. Tūnenge ūmūnthi kandū kaitū keanū. Naku ūtūekeē mawathe amitū, ūndū naitū tūmaēkeā kīla mūndū mavityo make. Ndūkatūtwaē katī wa ūtatwa, indī twovosye kwa ūthūku. Amenī.

*Kasisi aūngyi ayasya ūū:*

Ame Mwīaii, onan'ya tei waku iūlū waitū.

*Andū.* Na ūitūnenga wovosyo waku.

*Kasisi.* Ame Mwīaii, maathime ala malanasya maundu ma nthi.

*Andū.* Naku twithukīisye kwa tei ivinda yila tūūkwīkaīla.

*Kasisi.* Ūmavwike ūlūngalu athūkūmi maku.

*Andū.* Ūmekalye na ūtanu anyuve maku.

*Kasisi.* Ame Mwīaii, ūmatangīe andū maku.

*Andū.* Na ūiathima ūtiīwa waku.

*Kasisi.* Ame Mwīaii, ūtūnenge mūuo mavinda aa maitū.

*Andū.* Nūndū vaii ūngī wa kūtūkitīa ate o we, Ngai Mwene vinya w'onthe.

MBOYA YA KĪOKO

*Kasisi.* Ame Ngai, ūtūthesye ngoo sitū nthini.

*Andū.* Na ndūkatūvetee Veva waku Mūtheu.

*Vau nikūatiīaa mboya itatū: ya mbee ya mūthenya ūsu, ūla yīaitwe katī wa Mūamba: ya keli, nī ya kūkoyea mūuo: ya katatū, nī kūvoyea ūathimo wa kwīkala nesa. Na mboya isu ilī sya mūminūkīlyo itialyūkaa, nīneenawa matukū onthe ivinda ya kīoko mwaka mūima, o tondū iatianiē vaa, namo andū methiawa o matulitye ndu.*

MBOYA YA KELĪ, YA KŪVOYEA MŪUO

**A**ME NGAI, Mwene kwambīlilya mūuo na kwenda wīw'ano, mwīkalīle wītū wa tene wī katī wa kūūmanya we, kūkūthūkūma we nīw'o ūthasyo mwīanū: ūtūsesee athūkūmi maku menyivitye yila twokīlīlwa nī amaitha: nī kana kwa kwīkwatya mūno ūsūvīo waku, tūikakīe vinya wa amaitha maitū o na meva, kwa ūtonyi wa Yesū Klīsto, Mwīaii waitū. Amenī.

MBOYA YA KATATŪ, YA KŪVOYEA MUMO

**A**ME MWĪAĪI, Asa waitū wa ituni, Ngai Mwene vinya w'onthe, ūla ūtūaa tene na tene, ūla ūtūvikīsyē mwambīlīlyonī wa mūthenya ūū nesa: tūtethye ūmūnthi kwa vinya waku mūnene; tūikavalūke nainī, kana kūlīka katī wa mūisyō o na wīva, indī kwīthwe meko maitū onthe makīaiwa nī ūtongoi waku, na twīke mavinda onthe ūla wailu methonī maku, kwondū wa Yesū Klīsto, Mwīaii waitū. Amenī.

*Vala vainawa, vau nīvaetawe wathi.*

*Na indī vaisomwa mboya ii itaano iatūe, ate o ivinda yila kūūsomwa Litania: na ivinda yīu, mboya ila isomawa nī isu ilī syī mūminūo, o tondū siitwe vau.*

MBOYA YA KUMAVOYEA ONTHEALA MALANASYA  
MAUNDU MA KĪSILIKALĪ

**M**WĪAĪI mwene vinya wonthe isumbike ngo na mbai syonthe, nakwīaiā kwīananīsyā na wendo waku; nī-tūkwīsvā ūmasīsyē kwa tei waku atongosya onthe ma silikali yaitū; nī kana matukū onthe makue ūtonyiūla

MBOYA YA KĪOKO

ūmanengete kwondū wa mūuo wa nthi na kwa ndaia na ūima na maendeeo ma mbaī, ino na kwa ūseo wa ikanisa yaku itheu, nūndū wa Yesu Klisto Mwiaīi waitū.  
*Ameni.*

MBOYA YA KŪMAVOYEA ANDŪ MA NYŪMBA YA  
MŪSUMBĪ

**A**ME NGAI Mwene vinya w'onthe, kitina kya ūseo w'onthe, ithyī twiūvoya mūno kwa winyivyo ūmūathime Elizabeth Mūsumbī waitū, na Elizabeth nyinya wa Mūsumbī, Charles Mwana wa Kiūsumbī wa Wales, Vilivu Mūnene wa Edinburgh, na nzyawa syonthe sya Kiūsumbī: ūmane Veva waku mūtheu: ūmathusye na mumo waku wa itunī: ūmanenge kwonaa ūseo w'onthe: ūmavikye ūsumbīni waku wa tene na tene: kwa Yesū Klīsto Mwiaīi waitū. *Ameni.*

MBOYA YA KŪMAVOYEA MAKASISI MA İKANISA NA  
ANDŪ MOO

**A**ME NGAI Mwene Vinya W'onthe, ūla wikalaa Mwiaīi wa tene na tene, we wī weka niwe wīkaa maūndū ala manene ma ūseng'ya: twimavoyea maasikovu maitū na asūvīi ma mathayū ma andū, na nguthu syonthe sya andū ila manengetwe mo kūsūvīa, nī kana ūmatheesye Veva waku, ūla nī Mūnengani wa ūathimo waku: na indī, nī kana andū asu makwendeesye we, ūmatulūile imwe yitathelaa ya ūathimo waku: tūnenge isu, twiūvoya Mwiaīi, kwondū wa ndaia ya Mūtūtethya, na Mūtūvoyei waitū Yesū Klīsto Mwiaīi waitū. *Ameni.*

MBOYA YA MŪTHEU CHRYSOSTOM

**A**ME NGAI Mwene Vinya W'onthe, ūla ūtūnengie ūathimo kwa ivinda yīi, tūkūtee we mboya sitū ithyonthe kwa kililikano o kīmwe: nīwathanīte kana yīla andū elī kana atatū makomanīte vamwe kwa syitwa yaku, ūkamanenga kila meūkwītya: ūtwianīsyē yuyu, Mwiaīi, ithyī athūkūmi maku, mavata maitū na mboya sitū o tondū

MBOYA YA KĪOKO

ūtwaile, ūkitūnenga kūūmanya w'o waku nthini wa nthi ino, na thayū ūtathela katī wa nthi ila yūkīte. *Ameni.*

2 Akolintho 13

**M**UMO wa Mwiaīi waitū Yesū Klīsto, na wendo wa Ngai, na Mūamba wa Veva Mūtheu, nīsyithwe vamwe naitū ithyonthe tene na tene. *Ameni.*

*Mūseūvilye wa Mboya ya Kīoko ya kila mūthenya mwaka mūima, yavika vaa.*



## ĪVINDA YA MBOYA YA WĪOO

MAGNIFICAT

Luka 1. 46-55

**N**GOO yakwa nīnīūmūtaīa Mwīaīi: na veva wakwa nūmūtanīe Ngai Mūtangīīi wakwa.

Nīkwīthīwa asyaītye: ūnini wa ngombo yake.

Nūndū sisya, kuma yu: nzyawa syonthe ikambītaa mūathime.

Nī kwīthīwa ūla wī vinya nūmbikīte maūndū manene: na syītwa yake nī ītheu.

Na tei wake nūkwoneka nī nzyawa na nzyawa: kwa ala mamūkīaa.

Nīwonanītye vinya na kwoko kwake: na nūmanyaīīkītye ala mekwīng'athīlīīlya mesilyani ma mgoo syoo.

Ala anene nūmaumītye ivīlanī sya ūsumbī: na nūman-enevetye ala anini.

Ala me na nzaa nūmavūnītye na maūndū maseo: na ala athwīi nūmalūngītye me athei.

Nūmūtethetye Īsilaeli mūthūkūmi wake: nī kana ūndū wamathie aaīthe maitū tei Avalaamu na ūsyao wake tene na tene.

Ndaīa yīthwe kwa Asa, na kwa Mwana, na kwa Veva Mūtheu: o tondū kwailyī mwambīlīlyonī, na yuyu: kūvika tene na tene no ūu. Amenī.

NUNC DIMITTIS

Luka 2. 29-32

**Y**U ĪNDĪ, Mwīaīi, ngombo yaku nīthi na mūuo: tondū waneenie.

Nīkwīthīwa metho makwa nīmoona: ūtangīīo waku.

Ūla ūseūvītye mbee wa andū onthe: kyeni kya kūma-vuanīsyā andū-ma-mbaī-ingī, na ūtaīo wa andū maku Isilaeli.

## MBOYA YA WĪOO

Ndaīa yīthwe kwa Asa, na kwa Mwana, na kwa Veva Mūtheu: o tondū kwailyī mwambīlīlyonī, na yuyu: kūvika tene na tene no ūu. Amenī.

MBOYA YA KELĪ YA WĪOO

**A**ME NGAI, ūla kwaku ve mwambīlīlyo wa wendi mūseo w'onthe, na motao maseo onthe, na mawīa maseo onthe, tūnenge athūkūmi maku ūsu mūuo nthī ītatonya ūtūnenga, nī kana ngoo sitū syelekele kūkwata mīao yaku, na īngī nī kana o ūndū tūsūvīawa nue kwa w'īa wa amaitha maitū, twīthwe ithyī kūtwaīīa matukū maitū ūthūmūonī na ūuunī; kwondū wa wailo wa Yesū Klīsto Mūtangīīi waitū. Amenī.

MBOYA YA KATATŪ, YA ŪVOYEA ŪTETHYO ĪVINDA YA MŪISYO

**T**WĪKĪĪE kyeni nthīnī wa kīvindu kitū, nītūūkūvoya yonthe na mathīna onthe ma ūtukū ūū: kwondū wa wendo wa Mwana waku o ūmwe, Mwīaīi waitū Yesū Klīsto.

MBOYA, MAVALŪA NA ŪVOO  
MŪSEO

MWAKA MUIMA

WA KYUMWA WA MBEE ĪVINDA YA  
KŪKA

MBOYA

**A**ME NGAI Mwene Vinya W'onthe, ūtūnenge ūathimo tūvete mawia ma kivindu, na twikie mīio ya kyeni, ivinda yīi twi kati wa mwikalile ūū ūkwatawa nī kikw'ū, naw'o nīw'o wailyi Mwana waku Yesū Klīsto, ivinda yīla wookie kūtūsisya, etw'ite mwinyivya mūno: nī kana, mūthenya wa mūminūkilyo, ivinda ya kūka kwake ingi na ndaia nene, kūmasilila ala me thayū na ala akw'ū nao, twithwe ithyī andū ma kūthayūka nthini wa mwikalile ūtakwatawa nī kikw'ū, kwondū wake we, Ūla wikalaa vamwe naku na Veva Mūtheu, yuyu na tene na tene. *Ameni.*

VALŪA. Alomi 13. 8-14.

ŪVOO MŪSEO. Mathayo 21. 1-13.

WA KYUMWA WA KELI ĪVINDA YA  
KŪKA

MBOYA

**M**WĪAĪI Mūathime, weaie maandikwe Maandiko Matheu onthemethwe momanyisyo maitū: ūtūnenge kūmew'a, na kūsoma, na kwimanyisya mo, na kūmalilikanaa ngoonī sitū, nī kana, nūndū wa kūmakwata na wūmīisyo na ūkiakisyo wa ndeto syaku ntheu, twithwe tūikwata na kūsūvia tene na tene wīkwatyo ūsu wī na

MBOYA, MAVALŪA NA ŪVOO MŪSEO

ūathimo wikalaa ūte na mūminūkilyo ūla twanengiwe nue kati wa Mūtangīi waitū Yesū Klīsto. *Ameni.*

VALŪA. Alomi 15. 4-13.

ŪVOO MŪSEO. Luka 21. 25-33.

WA KYUMWA WA KATATŪ ĪVINDA YA  
KŪKA

MBOYA

**A**ME YESŪ Klīsto, ūla yīla wookie vau mbee waumisye mūtūmwa waku, wamūete mbee waku nī kana akūseūvisye nzia: ūnenge athūkūmi maku na aūngamīi ma kimbithi kyaku, maseūvye nzia yaku o tondū we weekie, kwa kūalyūla ngoo sya alei melekele ūmanyi wa ene ūlūngalu, nī kana yīla wīuka ivinda ya keli kūmīsilila nthi, twoneke kwithwa andū ma kwitikilwa methoni maku, ūla wikalaa na kūsumbika vamwe na Asa na Veva Mūtheu matukū onthe, Ngai ūmwe tene na tene. *Ameni.*

VALŪA. I Akolintho 4. 1-5.

ŪVOO MŪSEO. Mathayo 11. 2-10.

WA KYUMWA WA KANA ĪVINDA YA  
KŪKA

MBOYA

**O**NAN'YA vinya waku nītūūkūvoya Ame Mwīaii, naku wūke kwitū, ūtūete ūtethyo wa ūtonyi mwingi, nī kana indī o na kau nītūsiīiawa mūno nī nai sitū na ūthūku witū makilan'yoni ala twīaiwe, vamwe na ūu w'onthe ndūketeele kwondū wa ūseo na mumo waku na tei waku kūtūtethya na kūtūtangīia, nūndū nīwendee'wa nī mwana waku Yesū Klīsto, Mwīaii waitū, nake nī wa kūtaiwa na kūkathwa vamwe naku na Veva Mūtheu, tene na tene. *Ameni.*

VALŪA. Avilivi 4. 4-7.

ŪVOO MŪSEO. Yoana 1. 19-28.

MBOYA, MAVALŪA NA ŪVOO MŪSEO

ISYAWA YA MWIAĪI WAITŪ

KANA

MŪTHENYA WA KŪSYAWA KWA YESŪ

WĪTAWA

KĪLĪSIMASI

MBOYA

**A**ME NGAI Mwene Vinya W'onthe, ūla watŭnengie ithyĭ Mwana waku ūla wĭ e weka atonye kwosa mwĭkalile witŭ ethwe naw'o we, na ta ĭvinda yĭi ya yuyu kŭsyawa nĭ mwĭitu mŭtheu, ūtŭnenge ithyĭ tondŭ twasyaiwe ĭsyawa ya kelĭ na kŭtuwa kwĭthwa syana syaku kwa kŭnyuvwa nĭ mumo waku, tŭtŭngawe eŭ kĭla mŭthenya nĭ Veva waku Mŭtheu; kwondŭ wake we ūla Mwĭaĭi waitŭ Yesŭ Klĭsto; ūla wĭkalaa na kŭsumbĭka vamwe naku na Veva Mŭtheu, Ngai ūmwe mavinda onthe kŭvika tene na tene. *Ameni.*

VALŪA. Aevelania I. 1-12.

ŪVOO MŪSEO. Yoana I. 1-14.

MŪTHENYA WA MŪTHEU SITEVANO

MBOYA

(NDISEMBA 26)

**Ī**TĪKĪLA, Ame Mwĭaĭi, kana ithyĭ kwĭanana na yĭla ĭtŭŭkwatwa nĭ mathĭna vaa nthĭ, kwondŭ wa kumbŭla w'o waku, tŭendee na kŭkĭlya metho ĭtunĭ, nĭ kana kwa mŭĭkĭio twone ūla ūtheu ūkavuanwa ĭtina; na ĭngĭ kwondŭ wa kusŭwa nĭ Veva Mŭtheu, twĭmanyĭsyee kŭmenda na kŭmavoyea ūathimo ala matŭthĭnasya, na kŭatĭia ngelekan'yo ya ngŭsĭ yaku ya mbee, Sitevano ūla mŭtheu, ūla wamavoyeie kwaku ala mamŭaie, ame Yesŭ Mwene ūathimo, ūla ūŭngeme ngalĭ ya kwoko kwa aŭme kwa Ngai Mwene Vinya W'onthe, ūla ūmaetee ūtethyo andŭ

MBOYA, MAVALŪA NA ŪVOO MŪSEO

onthe ala meŭthĭn'wa kwondŭ waku we, Mŭtŭvoyei wĭ weka, Mŭtethya waitŭ. *Ameni.*

*Vau vaatĭaa Mboya ya Mŭthenya wa ĭsyawa ya Mwĭaĭi waitŭ, nayo ndĭkatiwe kĭla mŭthenya kŭvika mŭthenya wa mŭminŭkĭlyo wa mwaka.*

VANDŪ VA VALŪA. Meko ma Atŭmwa 7. 55-60.

ŪVOO MŪSEO. Mathayo 23. 34-39.

MŪTHENYA WA MŪTHEU YOANA  
MŪTAVAN'YA WA ŪVOO MŪSEO

MBOYA

(NDISEMBA 27)

**T**WĪŪVOYA mŭno ame Mwĭaĭi Mwene tej, ūyĭtee ĭkanisa yaku ūtheu wa kyeni kyaku, nĭ kana ĭndĭ kwa kŭtĭsiwa nĭ ūmanyi wa Yoana ūla mŭthŭkŭmi waku mŭtheu, mŭtŭmwa waku mŭathimwa, ūla mŭtavanya waku, kwondŭ wayo kŭendee kati wa kyeni kyaw'o, yĭvikie mŭminŭkĭlyo o kati wa kyeni kya thayŭ wa tene na tene, kwa Yesŭ Klĭsto Mwĭaĭi waitŭ. *Ameni.*

VALŪA. I Yoana I. 1-10.

ŪVOO MŪSEO. Yoana 21. 19-25.

MŪTHENYA WA ALA MATE NA  
MAVĪTYO

MBOYA

(NDISEMBA 28)

**A**ME NGAI Mwene Vinya W'onthe, nue ūla weanĭsyee ūtonyi kwa makanywa ma syana nini na ala mekwonga, wainenga syana nini kŭkŭtaĭa we kwa kĭkw'ŭ kyasyo: ūaa na ūiveta mothŭku onthe nthĭnĭ waitŭ, na ūitwĭkĭa vinya mŭno na ūathimo waku, nĭ kana kwondŭ wa mĭendele yaitŭ ĭte na nthoni na mĭĭkĭio yaitŭ mĭlŭmŭ kŭvika kĭkw'ŭ, twĭthwe ithyĭ kŭyĭkatha syĭtwa yaku ĭtheu mavinda onthe; kwa Yesŭ Klĭsto Mwĭaĭi waitŭ. *Ameni.*

VANDŪ VA VALŪA. Uvuanyo 14. 1-5.

ŪVOO MŪSEO. Mathayo 2. 13-18.

MBOYA, MAVALŪA NA ŪVOO MŪSEO

WA KYUMWA ŪLA ŪATIĪAA ĪTINA WA  
KŪSYAWA KWA MWĪAĪI

MBOYA

**A**ME NGAI Mwene Vinya W'onthe, ūla watūnengie ithyī Mwana waku ūla wī weka atonye kwosa mwikalile witū ethwe naw'ō we, na ta ivinda yī ya yuyu kūsyawa nī mwītu mūtheu, ūtūnenge ithyī tondū twasyaiwe isyawa ya kelī na kūtuwa kwīthwa syana syaku kwa kūnyuvwa nī mumo waku, tūtūngawe eū kīla mūthenya nī Veva waku Mūtheu; kwondū wake we ūla Mwīaīi waitū Yesū Klīsto, ūla wīkalaa na kūsumbika vamwe naku na Veva Mūtheu, Ngai ūmwe mavinda onthe kūvika tene na tene. *Ameni.*

VALŪA. Akalatia 4. 1-7.

ŪVOO MŪSEO. Mathayo 1. 18-25.

MŪTHENYA WA NZAĪKO YA KLĪSTO

MBOYA

(YANUALI 1)

**A**ME NGAI Mwene Vinya W'onthe, nīweeaīe ūsu Mwana waku ūla mūathime aīkwe nī kana aatīe mīao kwondū wa andū: ūtūnenge naitū nzaīko yaw'ō ya Veva, nī kana kwondū wa kwaīkwa ngoonī sitū na mamutha maitū onthe, na kūkw'a mawendenī ma nthī na ma mwīi, tūatīe maūndūnī onthe wendo waku ūla mūathime; kwa Mwana waku Yesū Klīsto, Mwīaīi waitū. *Ameni.*

VALŪA. Alomi 4. 8-14.

ŪVOO MŪSEO. Luka 2. 15-21.

MŪTHENYA WA MAŪVUAN'YO

MBOYA

(YANUALI 6)

**A**ME NGAI, wavuanīsyē andū ma mbaī ite sya Ayuti Mwana waku ūla wasyaiwe e weka kwa ūtongoi wa ndata: naku kwa matei maku, itikīla kana

MBOYA, MAVALŪA NA ŪVOO MŪSEO

ithyī ala tūkwīsi yuyu kwa mūkīfō, mūminīo, itina wa kūmina thayū ūū wa yuyu, tūtanīe ūngainī waku wī na ūtaīo; kwa Yesū Klīsto Mwīaīi waitū. *Ameni.*

VALŪA. Aeveso 3. 1-12.

ŪVOO MŪSEO. Mathayo 2. 1-12.

WA KYUMWA WA MBEE ĪTINA WA  
MAŪVUAN'YO

MBOYA

**T**WĪKŪVOYA Mwīaīi, kwa matei maku wītikile mboya ila andū maku enyivya meūkūvoya: ūmanenge kūlīlikana na kūmanya maūndū ala maīlwe nī kūmeka, na īngī, ūmanenge ūathimo waku na ūtethyo waku, nī kana meanīsyē onthe kwa kīthito; kwa Yesū Klīsto, Mwīaīi waitū. *Ameni.*

VALŪA. Alomi 12. 1-5.

ŪVOO MŪSEO. Luka 2. 41-52.

WA KYUMWA WA KELĪ ĪTINA WA  
MAŪVUAN'YO

MBOYA

**A**ME NGAI Mwene Vinya W'onthe, mwīkali wa tene na tene, ūla ūmeaīaa maūndū onthe ma itunī na ma nthī; ūtee matū maku ma tei kwa mboya sitū andū maku, ūtūnenge mūuo waku matukū onthe ma mathayū maitū; kwa Yesū Klīsto Mwīaīi waitū. *Ameni.*

VALŪA. Alomi 12. 6-16.

ŪVOO MŪSEO. Yoana 2. 1-11.

WA KYUMWA WA KATATŪ ĪTINA WA  
MAŪVUAN'YO

MBOYA

**A**ME NGAI Mwene Vinya W'onthe, Mwīkali wa tene na tene, twīūvoya ūsisyē kwa tei waku ūla ūvūthū witū, na yīla tūūvivinywa nī mīisyo na mathīna

MBOYA, MAVALŪA NA ŪVOO MŪSEO

ūtambūūkye kwoko kwaku kwa aūme, wīthwe ūtethyo kwitū na ūsūvīo witū, kwa Yesū Klīsto Mwīaii waitū.  
*Ameni.*

VALŪA. Alomi 12. 16-21.

ŪVOO MŪSEO. Mathayo 8. 1-13.

WA KYUMWA WA KANA ĪTINA WA  
MAŪVUAN'YO

MBOYA

**A**ME NGAI, nīwīsī mwīkalile witū, ūndū twekalile maūndūnī ma mīsyo mingī ĩla yatūthyūlūlūkīte ngalī syonthe, tweethwa tūtatonya kūūngama nesa, kwondū wa ūleelu wa mwīkalile witū ūla twaī naw'o; twīūvoya ūtūsūvīe na ūtūvonokye yīla tūūtatwa; kwa Yesū Klīsto, Mwīaii waitū. *Ameni.*

VALUA. Alomi 13. 1-7.

ŪVOO MŪSEO. Mathayo 8. 23-34.

WA KYUMWA WA KATANO ĪTINA WA  
MAŪVUAN'YO

MBOYA

**T**WĪŪVOYA mūno, ame Mwīaii, ūsūvīe ĩkanisa yaku na nyūmba yaku kīla ĩvinda katī wa ūthaihi waku wa w'o: nī kana ala mekwatasya wīkwatyo wa ūathimo waku wa ĩtunī, o w'o tū, masūvīwe nī ūtonyi waku mūnene tene na tene. *Ameni.*

VALŪA. Akolosai 3. 12-17.

ŪVOO MŪSEO. Mathayo 13. 24-30.

WA KYUMWA WA THANTHATŪ ĪTINA  
WA MAŪVUAN'YO

MBOYA

**A**ME NGAI, Mwana waku Mwene ūathimo nīwoo- naniw'e nī kana anange mawīa ma Satani, na aitūtwa ĩthyī kwīthwa syana sya Ngai, atīwa ma thayū wa tene na tene; twīūvoya, ūtūnenge kwondū wa kwīthiwa

MBOYA, MAVALŪA NA ŪVOO MŪSEO

na wīkwatyo ūsu ĩthyī, twīthesye ene tondū we nī mūtheu; o na yīla ūkaumila ĩvinda ya kelī na ūtonyi mūnene na ndaīa nyingī, twīthwe naitū tūivwananw'a nake, na twīthīwe vo katī wa ūsumbī wa ndaīa yake wa tene na tene: vau wīkalaa na kūsumbīka vamwe naku Asa na Veva Mūtheu, Ngai ūmwe tene na tene. *Ameni.*

VALŪA. 1 Yoana 3. 1-8.

ŪVOO MŪSEO. Mathayo 24. 23-31.

WA KYUMWA WĪTAWA  
SEPTUAGESIMA

KANA WA KYUMWA WA KATATŪ MBEE WA KŪTĪĪA

KŪYA

MBOYA

**A**ME MWĪAĪI, twīūvoya wīthukīsyē kwa ūseo waku mboya sya andū maku; nī kana ĩthyī, ala tūkūnitwe na ūkūno wa w'o, kwondū wa mavītyo maitū, tūtangīwe na kwīw'īwa tei nue kwa ūuu waku, kwa ndaīa ya syītwā yaku; kwa Yesū Klīsto, Mūtangīi waitū, ūla wīkalaa na kūsumbīka matukū onthe vamwe naku na Veva Mūtheu, Ngai ūmwe tene na tene. *Ameni.*

VALŪA. 1 Akolintho 9. 24-27.

ŪVOO MŪSEO. Mathayo 20. 1-16.

WA KYUMWA WĪTAWA  
SEXAGESIMA

KANA WA KYUMWA WA KELĪ MBEE WA KŪTĪĪA

KŪYA

MBOYA

**A**ME MWĪAĪI Ngai, we nūtwonaa kana tūyīkwat- asya mawīa maitū ala twīkaa o na meva onthe: ĩtikīla kwa tei waku kana tūsesewe na kīla ūthūku: kwa Yesū Klīsto, Mwīaii waitū. *Ameni.*

VALŪA. 2 Akolintho 11. 19-31.

ŪVOO MŪSEO. Luka 8. 4-15.

MBOYA, MAVALŪA NA ŪVOO MŪSEO

WA KYUMWA WĪTAWA

QUINQUAGESIMA

KANA WA KYUMWA WA MBEE, MBEE WA KŪTĪĪA

KŪYA

MBOYA

**A**ME MWĪĀĪI, we nīwatūmanyīsyē kana mawīa maitū onthe matyaile twalea kwendana; mūtūme kwitū Veva waku Mūtheu, oke atwītikīsyē nthīnī wa ngoo sitū ūsu mūthīnzīo waku mūseo mūno wa kwendana, naw'o nīw'o wovo wa mūuo na kīla mūthemba wa ūseo, ūla mūndū ate naw'o atwīkīte kimba methonī maku, o na kau e thayū: ūtūnenge maūndū asu nūndū wa Yesū Klīsto Mwana waku e ūmwe. *Ameni.*

VALŪA. I Akolintho 13. 1-13.

ŪVOO MŪSEO. Luka 18. 31-43.

MŪTHENYA WA MBEE WA KŪTĪĪA KŪYA, WĪTAWA

MŪTHENYA WA KATATŪ WA MŪU

MBOYA

**A**ME NGAI Mwene Vinya W'onthe, Mwīkali wa tene na tene, ndūmenete kīndū o na kīmwe kīla woombie, na nue ūmūekeaa kīla mūndū mavītyo make aalyūlite ngoo; ūmba na wīkīe nthīnī waitū ngoo nzaū na mbevenzeku, nī kana kwondū wa kūmaīia mavītyo maitū o tondū twaīlwe, na kumbūla ūvinyu witū, twose kwaku we Ngai mwene tei w'onthe, ūkeo na kūvetewa naī kwīanīwe: kwa Yesū Klīsto Mwīāīi waitū. *Ameni.*

*Mboya isu isomawa kīla mūthenyamavinda onthe ma kūtiia kūya, īina wa mboya īla yaīle mūthenya ūsu.*

VANDŪ VA VALŪA. Yoeli 2. 12-17.

ŪVOO MŪSEO. Mathayo 6. 16-21.

MBOYA, MAVALŪA NA ŪVOO MŪSEO

WA KYUMWA WA MBEE ĪVINDA YA  
KŪTĪĪA KŪYA

MBOYA

**A**ME MWĪĀĪI, nūndū witū We nīwekalile ūteūya mīthenya mīongo īna na matukū mayo; ūtūnenge ūathimo wa Veva, nī kana kwīanana na ūndū tūkwenda kwīvata maūndū maitū ene, mīī yaitū īsumbīkwe nī Veva waku, tūkūatīe we mavinda onthe; kwa ūu twīkīe kīthing'īisyō kya kīkīo kya Ngai katī wa ūlūngalu na ūtheu waw'o, nī kana twīthwe ene kūkūtaīaa na kūkūkatha We, ūla wīkalaa na kūsumbīka vamwe na Asa na Veva Mūtheu, Ngai ūmwe tene na tene. *Ameni.*

VALŪA. 2 Akolintho 6. 1-10.

ŪVOO MŪSEO. Mathayo 4. 1-14.

WA KYUMWA WA KELĪ ĪVINDA YA  
KŪTĪĪA KŪYA

MBOYA

**A**ME NGAI Mwene Vinya W'onthe, we nūūtswana kana nthīnī wa mathayū maitū tūīī na vinya wa kwītethya ithyī ene; ūtūsūvie nza mīīnī yaitū na nthīnī mathayūnī maitū; tūtōnye kūsūvīwa na mīisyō yonthe īla yīthīaa mwīī na malīlikano mathūku onthe ala mokītaa na mathayū na kūmananga; kwa Yesū Klīsto, Mwīāīi waitū. *Ameni.*

VALŪA. I Athesalonika 4. 1-8.

ŪVOO MŪSEO. Mathayo 15. 21-28.

WA KYUMWA WA KATATŪ ĪVINDA YA  
KŪTĪĪA KŪYA

MBOYA

**A**ME NGAI Mwene Vinya W'onthe, twīūvoya nī kana wītīkīle mboya sya andū maku isu meūkūvoya kwa mgoo, naku ūtūtambūūkīsyē kwoko kwaku kwa aūme

MBOYA, MAVALŪA NA ŪVOO MŪSEO

kwa ūnene, ūtūtetee na kūtūsesea na amaitha maitū o na meva onthe; kwa Yesū Klīsto, Mwīaii waitū. *Ameni.*

VALŪA. Aeveso 5. 1-14.

ŪVOO MŪSEO. Luka 11. 14-28.

WA KYUMWA WA KANA ĪVINDA YA  
KŪTĪĪA KŪYA

MBOYA

**A**ME NGAI Mwene Vinya W'onthe, twiūvoya, ona kau nītwailītwe mūno ithyī kūkūnwa nūndū wa ūthūku witū, īndī kwa kūvīndīthwa mathayū maitū nī ūathimo waku, itikīla kana tūvītwe nī īnee yaku; kwa Yesū Klīsto, Mūtangīi waitū. *Ameni.*

VALŪA. Akalatia 4. 21-31.

ŪVOO MŪSEO. Yoana 6. 1-16.

WA KYUMWA WA KATAANO ĪVINDA  
YA KŪTĪĪA KŪYA

MBOYA

**T**WIŪVOYA, ame Ngai, Mwene Vinya W'onthe, ūmasisye na īnee andū aa maku; nī kana īndī masum-  
bīkwe nue kwa ūseo waku mwingī, na kwiwa ūsūvionī mavīnda onthe, mīi yoō na mathayū moo; kwa Yesū Klīsto, Mwīaii waitū. *Ameni.*

VALŪA. Aevelania 9. 11-15.

ŪVOO MŪSEO. Yoana 8. 46-59.

WA KYUMWA ŪLA WĪ MBEE WA  
MŪTHENYA WA ŪTHAYŪKYO

MBOYA

**A**ME NGAI Mwene Vinya W'onthe, Mwikali wa tene na tene, we ūndū wendie andū na wendo wa nthīnī mūno, wamūtūma Yesū Klīsto Mwana waku Mūtangīi waitū, oke kūwosa wīi witū, o na oonwa nī

MBOYA, MAVALŪA NA ŪVOO MŪSEO

kīkw'ū ngelan'yoni; nī kana andū onthe syana sya Atamu maatiie ngelekan'yo yake isu watūnengie ya wīnyivyo mūnene: itikīla kwa īnee yaku ithyī tūtōnye kūatiia ngelekan'yo yake ya kūmīisya na kwīth'wa osantīi nake ma kūthayūka kwake; kwa Yesū Klīsto, Mwīaii waitū. *Ameni.*

VALŪA. Avilivi 2. 5-11.

ŪVOO MŪSEO. Mathayo 27. 1-54.

WA KWAMBĪLĪLYA ŪLA WĪ MBEE WA  
ŪTHAYŪKYO

VANDŪ VA VALŪA. Isaia 63. 1-19.

ŪVOO MŪSEO. Maliko 14. 1-72.

WA KELĪ ŪLA WĪ MBEE WA  
ŪTHAYŪKYO

VANDŪ VA VALŪA. Isaia 50. 5-11.

ŪVOO MŪSEO. Maliko 15. 1-39.

WA KATATŪ ŪLA WĪ MBEE WA  
ŪTHAYŪKYO

VALŪA. Aevelania 9. 16-28.

ŪVOO MŪSEO. Luka 22. 1-71.

WA KANA ŪLA WĪ MBEE WA  
ŪTHAYŪKYO

VALŪA. I Akolintho 11. 17-34.

ŪVOO MŪSEO. Luka 23. 1-49.

WA KATAANO MŪSEO

MBOYA

**T**WIKŪVOYA mūno, ame Ngai Mwene vinya w'onthe, ūsisye na tei ūsyao ūū waku, ūla kwondū waw'o Mwīaii waitū Yesū Klīsto etikīlile kūkwatwa na

kūnenganwe mokonī ma andū athūkū, oawe ngelanyonī; nake yu e thayū na asumbikaa vamwe naku na Veva Mūtheu, Ngai ūmwe tene na tene. *Ameni.*

**A**ME NGAI Mwene vinya w'onthe, Mwikali wa tene na tene, naku kwondū wa Veva waku ikanisa yonthe nīyisumbikiwe na kūthew'a; twiūvoya ūsyithuki-isyē mboya sitū na ūthaithi witū ila tūūkūetee yu, tūkima-voyea andū ma mīthemba yonthe nthīnī wa Ikanisa yaku itheu, kīla mūdū wianī wake ūla ūthūkūmaa katī wa w'o na ūlūngalu kwa Mwīaii waitū na Mūtangiīi waitū Yesū Klīsto. *Ameni.*

**A**ME NGAI Mwene tei, Mūmbi wa andū onthe, andūmenaa kindū o na kīmwe katī wa ila wombīe, o na ndwendaa mūdū mwene nai akw'e, wonaa nī ūseo mbee aalyūle ngoo na ekele e thayū, mew'ie tei onthe, Ayuti na Aisilamu na Alei na ala masīaa ūvoo wa w'o, ūmavetee ūtumanu woo w'onthe na wūmū ūla me naw'o wa ngoo, ūmaumye katī wa kūvūthya ndeto syaku naku ūmatongo-esyē, ame Mwīaii wa tei, ūmenūkye nthīnī wa ndithya yaku, nī kana makavonokw'a vamwe na ala matiele ma Isilaeli wa w'o, methwe iithya yīmwe na Mūithi ūmwe, nake nīwe Yesū Klīsto, Mwīaii waitū, ūla ūsumbikaa vamwe naku na Veva Mūtheu, Ngai ūmwe tene na tene. *Ameni.*

VALŪA. Aevelania 10. 1-25.

ŪVOO MŪSEO. Yoana 19. 1-37.

## ŪSEŪVYO WA ĪVINDA YA KŪTHAYŪKA KWA MWĪAIĪ

MBOYA

**Ī**TĪKĪLA, ame Mwīaii, nī kana o ūndū tūvaatisitwe nthīnī wa kīkw'ū kya Mwana waku Mwene ūathimo, Mūtangiīi waitū Yesū Klīsto, o ūu tūtonye kwīthwa vamwe nake, tūimekiā kīkw'ūnī maūdū maitū mathūku ma

itomo, nī kana kwondū wa kwīsīla mbīianī katī wa mūomo wa kīkw'ū, tūvikīe ūthayūkyo witū wī na ūtanu; kwondū wa waīlu wake we, ūla wakw'ie na athikwa na athayūka kwondū witū, Mwana waku Yesū Klīsto, Mwīaii waitū. *Ameni.*

VALŪA. I Vetelo 3. 17-22.

ŪVOO MŪSEO. Mathayo 27. 57-66.

## MŪTHENYA WA ŪTHAYŪKYO

*Īvinda ya Mboya ya Kioko, vandū va Savuli Īndī tūmwiniē Yeova na ūtanu, nīkūsomawa kana kwīnwa mbathi ii.*

**V**ASAKA witū naw'o nūthembetwe, naw'o nī Klīsto: kwondū wa ūu, tūvokae mboka, ti na ilawa ikūū, o na ti na ilawa ya ūmaitha na ūthūku; ĩndī na kīmūtū kīte ilawa, kītheu na kya w'o. *I Akolintho 5. 7-8*

**K**LĪSTO nīwathayūkiw'e kuma kwa akw'ū, ndakakw'a ĩngī: kīkw'ū kīkamūsumbika ĩngī. Nūdū kīkw'ū kīla wakw'ie, akw'īe nai o ĩmwe tū: ĩndī thayū ūla wī naw'o, e naw'o kwa Ngai.

Nenyu no ta ūu, ĩtalei kwīthwa ene mwī akw'ū kwa nai, ĩndī mwī thayū kwa Ngai katī wa Yesū Klīsto, Mwīaii waitū. *Alomi 6. 9-11*

**Ī**NDĪ yuyu Klīsto nīwathayūkiw'e kuma kwa akw'ū, ūsayao wa mbee wa asu makomete.

Nūdū nīkwīthīwa kīkw'ū nīkyookie kwondū wa mūdū, kūthayūka kwa akw'ū nakwo nīkwookie kwondū wa mūdū.

Nūdū o ūndū onthe makusaa katī wa Atamu, o ta ūu katī wa Klīsto onthe makatwīkīthw'a kwīthwa thayū.

*I Akolintho 15. 20-22*

Ndaia yīthīwe kwa Asa, na kwa Mwana, na kwa Veva Mūtheu;

O tondū kwailyī mwambīlilyonī, na yuyu; kūvika tene na tene no ūu. *Ameni.*



MBOYA, MAVALŪA NA ŪVOO MŪSEO

MBOYA

**A**ME NGAI Mwene vinya w'onthe, we kwondū wa Mwana waku mūsyawa weka Yesū Klīsto nīwakīlīlye kīkw'ū vinya, nīwatūvingūīe mūomo wa thayū ūtathela, ithyī twī maūūnī maku, nītūūkwītya, o tondū we ūtwīkīīe ngoo sitū mawendi ala maseo ūndū wa ūseo waku, o ūu tūma ithyī kwondū wa ūtethyo waku wa kīla īvinda twīanīsyē nesa mawendi asu; kwondū wa Yesū Klīsto, Mwīaīi waitū, ūla wīkalaa na kūsumbīka vamwe naku na Veva Mūtheu, ūla wī Ngai ūmwe tene na tene. *Ameni.*

VALŪA. Akolosai 3. 1-7.

ŪVOO MŪSEO. Yoana 20. 1-10.

WA KWAMBĪLĪLYA ĪTINA WA  
MŪTHENYA WA ŪTHAYŪKYO

MBOYA

**A**ME NGAI Mwene vinya w'onthe, we kwondū wa Mwana waku mūsyawa weka Yesū Klīsto nīwakīlīlye kīkw'ū, nīwatūvingūīe mūomo wa thayū ūtathela; ithyī twī maūūnī kwaku, o tondū we ūtwīkīīe ngoo sitū mawendi ala maseo kwondū wa ūseo waku, o ūu tūma ithyī kwondū wa ūtethyo waku wa kīla īvinda twīanīsyē nesa mawendi asu; kwondū wa Yesū Klīsto, Mwīaīi waitū, ūla wīkalaa na kūsumbīka vamwe naku na Veva Mūtheu, Ngai ūmwe tene na tene. *Ameni.*

VANDŪ VA VALŪA. Meko ma Atūmwa 10. 34-43.

ŪVOO MŪSEO. Luka 24. 13-35.

WA KELĪ ĪTINA WA MŪTHENYA WA  
ŪTHAYŪKYO

MBOYA

**A**ME NGAI Mwene vinya w'onthe, we kwondū wa Mwana waku mūsyawa weka Yesū Klīsto nīwakīlīlye kīkw'ū vinya, nīwatūvingūīe mūomo wa thayū ūtathela; ithyī twī maūūnī kwaku, o tondū we ūtwīkīīe ngoo sitū

MBOYA, MAVALŪA NA ŪVOO MŪSEO

mawendi ala maseo kwondū wa ūseo waku, o ūu tūma ithyī kwondū wa ūtethyo waku wa kīla īvinda twīanīsyē nesa mawendi asu; kwondū wa Yesū Klīsto, Mwīaīi waitū, ūla wīkalaa na kūsumbīka vamwe naku na Veva Mūtheu, Ngai ūmwe tene na tene. *Ameni.*

VANDŪ VA VALŪA. Meko ma Atūmwa 13. 26-41.

ŪVOO MŪSEO. Luka 24. 36-48.

WA KYUMWA WA MBEE ĪTINA WA  
ŪTHAYŪKYO

MBOYA

**A**ME ASA Mwene vinya w'onthe, watūnengie Mwana waku mūsyawa weka akw'e nūndū wa mavītyo maitū, athayūke īngī kwondū wa kūtūnenga ūlūngalu; itīkīla tūyīkye ilawa ya ūmaitha na ūthūku, mūvaka ithyī twīthīwe tūiūthūkūma kīla īvinda na mwīkalīle mūseo katī wa w'o, kwa wailu wake ūsu Mwana waku, Yesū Klīsto, Mwīaīi waitū. *Ameni.*

VALŪA. 1 Yoana 5. 4-12.

ŪVOO MŪSEO. Yoana 20. 19-23.

WA KYUMWA WA KELĪ ĪTINA WA  
ŪTHAYŪKYO

MBOYA

**A**ME NGAI Mwene vinya w'onthe, watūnengie Mwana waku mūsyawa weka ethwe nthembo kwitū kwondū wa naī, na ngelekan'yo ya mwīkalīle wa kīoko kya Ngai; tūnenge ūathimo tūtōnyē kūendeeā na mawailu maku matathooeka, twī na mūvea mwingī mūno, na īndī twīthangaasye tūatīīe matambya maathime ma mwīkalīle wake mūtheu mūno; kwa Yesū Klīsto mwene, Mwīaīi waitū. *Ameni.*

VALŪA. 1 Vetelo 2. 19-25.

ŪVOO MŪSEO. Yoana 10. 11-16.

MBOYA, MAVALŪA NA ŪVOO MŪSEO

WA KYUMWA WA KATATŪ ĪTINA WA  
ŪTHAYŪKYO

MBOYA

**A**ME NGAI Mwene vinya w'onthe, ūla wonanasya kye ni kya w'o waku kwa asu mavitasya ni kana matonye kūsyokea nzia ya ūlūngalu: ūmanenge onthe ala metikilawa mūambani wa ūthaithi wa Ūklisto, matonye kūlea maūndū onthe ala masiianaa na ūatiii ūsu ūla maatiūe, ūmanenge kūendeeaa na maūndū ala mamaūle: kwondū wa Mūtangiii waitū, Yesū Klisto. *Ameni.*

VALŪA. I Vetelo 2. 11-17.

ŪVOO MŪSEO. Yoana 16. 16-22.

WA KYUMWA WA KANA ĪTINA WA  
ŪTHAYŪKYO

MBOYA

**A**ME NGAI Mwene vinya w'onthe ūla ūtonya wi weka kwatha ngoo mbai na mawendi mathuku ma andū athe, manenge andū maku kwenda ūndū ūla ūmeaūe, na kwendeew'a ni ila ūmathie, ni kana kwa ūu, o na vaa kati wa moalyūko ma mithemba ya nthi, ngoo sitū syithwe na ūlūmu vu vala ūtanu wa w'o ūtonya kwoneka: kwondū Yesū Klisto, Mwiaii waitū. *Ameni.*

VALŪA. Yakovo 1. 17-21.

ŪVOO MŪSEO. Yoana 16. 5-15.

WA KYUMWA WA KATAANO ĪTINA WA  
ŪTHAYŪKYO

MBOYA

**A**ME MWIAII, nue kitina kya moseo onthe: ūtūnenge ithyi ala twakūkia twi maūūni maku tūveveewe nue ūla wi mūtheu, ni kana tūnengwe kūmalilikana maūndū maseo; ūtūnenge kwondū wa kūtongew'a

MBOYA, MAVALŪA NA ŪVOO MŪSEO

ni inee yaku twikae maūndū asu: kwa Yesū Klisto, Mwiaii waitū. *Ameni.*

VALŪA. Yakovo 1. 22-27.

ŪVOO MŪSEO. Yoana 16. 23-33.

MŪTHENYA WA KWAMBATA KWA  
MWIAII WAITŪ

MBOYA

**T**ŪNENGE, twiūvoya ame Ngai Mwene vinya w'onthe, o tondū ithyi twitikilite ati Mwana waku mūsyawa weka Mwiaii waitū Yesū Klisto niwambatie iūlū alika ituni, kwithiwe ithyi naitū twambate o ūu ngooni na malilikanoni maitū, na kwikalaa kūū vamwe nake mavinda onthe; ūla wikalaa na kūsumbika vamwe naku na Veva Mūtheu, Ngai ūmwe tene ne tene. *Ameni.*

VANDŪ VA VALŪA. Meko ma Atūmwa 1. 1-11.

ŪVOO MŪSEO. Maliko 16. 14-20.

WA KYUMWA ŪLA ŪATIĪAA ĪTINA WA  
KWAMBATA

MBOYA

**A**ME NGAI Mūsumbi wa ndaia, niwamūnenevisye Yesū Klisto Mwana waku mūsyawa weka, wamwambatya kūvika ūsumbini waku wa ituni na ūtanu mūnene wa ūkilyo: twiūvoya ndukatutie vate na ūtethyo, indū ūtūetee Veva waku Mūtheu, oke atūkiakisyee, atonye kūtūkilya vau ndaianū, vala wambie kwambata mbee waitū, we Mūtangiii waitū Yesū Klisto; nake niwe wikalaa na kūsumbika vamwe naku na Veva Mūtheu, ūla wi Ngai ūmwe tene na tene. *Ameni.*

VALŪA. I Vetelo 4. 7-11.

ŪVOO MŪSEO. Yoana 15. 26-16, 4.

MBOYA, MAVALŪA NA ŪVOO MŪSEO  
MŪTHENYA WA VENDEKOSITO

MBOYA

**A**ME NGAI, we ūla ivinda ta yīi wamanyīisye ngoo sya andū ene kīthito kwondū wa kūmaetee kyeni kya Veva waku Mūtheu; ūtūnenge naitū nūndū wa ūsu Veva, twīthwe na ūmanyi mūseo wa maūndū onthe, tūtānīe ūkiakisyo wake mūtheu; kwa wailu wake Yesū Klīsto, Mūtangīi waitū, ūla wīkalaa na kūsumbika vamwe naku katī wa mūamba wa ūla Veva, Ngai ūmwe tene na tene. *Ameni.*

VANDŪ VA VALŪA. Meko ma Atūmwa 2. 1-11.

ŪVOO MŪSEO. Yoana 14. 15-31.

WA KWAMBĪLĪLYA ĪTINA WA  
VENDEKOSITO

MBOYA

**A**ME NGAI, we ūla ivinda ta yīi wamanyīisye ngoo sya andū ene kīthito kwondū wa kūmaetee kyeni kya Veva waku Mūtheu; ūtūnenge naitū nūndū wa ūsu Veva, twīthwe na ūmanyi mūseo wa maūndū onthe tūtānīe ūkiakisyo wake mūtheu; kwa wailu wake Yesū Klīsto, Mūtangīi waitū, ūla wīkalaa na kūsumbika vamwe naku katī wa mūamba wa ūla Veva, Ngai ūmwe tene na tene. *Ameni.*

VANDŪ VA VALŪA. Meko ma Atūmwa 10. 34-48.

ŪVOO MŪSEO. Yoana 3. 16-21.

WA KELĪ ĪTINA WA VENDEKOSITO

MBOYA

**A**ME NGAI, we ūla ivinda ta yīi wamanyīisye ngoo sya andū ene kīthito kwondū wa kūmaetee kyeni kya Veva waku Mūtheu; ūtūnenge naitū nūndū wa ūsu Veva, twīthwe na ūmanyi mūseo wa maūndū onthe, tūtānīe ūkiakisyo wake mūtheu; kwa wailu wake Yesū Klīsto,

MBOYA, MAVALŪA NA ŪVOO MŪSEO

Mūtangīi waitū, ūla wīkalaa na kūsumbika vamwe naku katī wa mūamba wa ūla Veva, Ngai ūmwe tene na tene. *Ameni.*

VANDŪ VA VALŪA. Meko ma Atūmwa 8. 14-17.

ŪVOO MŪSEO. Yoana 10. 1-19.

WA KYUMWA WA ŪTATŪ

MBOYA

**A**ME NGAI Mwene vinya w'onthe, Mwikali wa tene na tene, ūla ūtūnengete ithyī athūkūmi maku ūathimo wa kwītikīla ndaīa ya ūtatū wa ūngai waku ūte mwambīlīlyo kana mūminūkīlyo, kwondū wa kumbūla mūkīkīo wa w'o; na wa kūūthaiha ūla ūmwe nūndū wa kūvw'ikwa vinya wa Ūngai wī na ūtaio: twīūvoya mūno, ūtwīkalye vau ūlūmunī wa mūkīkīo ūū, ūtūsesee mothūku mavinda onthe; naku nue wīkalaa na kūsumbika ūla wī Ngai ūmwe tene na tene. *Ameni.*

VANDŪ VA VALŪA. Ūvuan'yo 4. 1-11.

ŪVOO MŪSEO. Yoana 3. 1-15.

WA KYUMWA WA MBEE ĪTINA WA  
ŪTATŪ

MBOYA

**A**ME NGAI, we nue vinya wa ala makwīkwatasya; ūsyītikīle mboya sitū kwa tei: naku kwondū wa wonzu wa ūmūndū witū tūitonya kwīka ūndū ūseo o na wīva ūte vo we, ūtūnenge ūtethyo wa ūathimo waku nī kana ithyī kwondū wa kwīanīisya mīao yaku, tūkwendeesye kwa kwenda kwitū na kwa meko maitū: kwa Yesū Klīsto Mwīaīi waitū. *Ameni.*

VALŪA. I Yoana 4. 7-21.

ŪVOO MŪSEO. Luka 16. 19-31.

MBOYA, MAVALŪA NA ŪVOO MŪSEO

WA KYUMWA WA KELI ITINA WA  
ŪTATŪ

MBOYA

**A**ME MWIAI, we mavinda onthe ndũekaa kũma-  
tetheesya na kũmatongoesya asu metikilite kũewa  
katĩ wa ũlũmu wa kikĩo kyaku na wendo waku: ũtũsũvie  
ithyĩ, twĩũvoya, katĩ wa ũsũvio na ũsyaĩsyo waku mũseo,  
ũtwie na mwikalile wa kũyikĩa na kũyenda mavinda onthe  
syĩtwa yaku itheu: kwa Yesũ Klĩsto Mwĩaii waitũ. *Ameni.*

VALŪA. I Yoana 3. 13-24.

ŪVOO MŪSEO. Luka 14. 16-24.

WA KYUMWA WA KATATŪ ITINA WA  
ŪTATŪ

MBOYA

**A**ME MWIAI twĩũvoya mũno ũtwĩthukĩsye nũndũ  
wa tei: ũtũnenge ithyĩ, nũndũ nĩwatwikĩie itomo  
yĩte nzika ya kũvoya, kũsũviwa na kwikĩwa vinya n  
ũtethyo waku mũnene katĩ wa miĩsyo na mathĩna onthe:  
kwa Yesũ Klĩsto, Mwĩaii waitũ. *Ameni.*

VALŪA. I Vetelo 5. 5-11.

ŪVOO MŪSEO. Luka 15. 1-10.

WA KYUMWA WA KANA ITINA WA  
ŪTATŪ

MBOYA

**A**ME NGAI, ũla ũmasũviaa andũ ala makwikwatĩtaye  
onthe, we ũte vo vaiĩ kindũ kĩ na vinya, vaiĩ kĩi  
kĩtheu: ũtwongelele na kũtwingĩvisya tei waku, nĩ kana  
kwondũ waku kwĩthĩwa mũsumbĩ na mũtongoi waitũ  
tũvitũke maũndũ ma nthĩ, na ingĩ tũikaiwe nĩ maũndũ ma  
tene na tene. Ūmetikile maũndũ asu, ame Asa wa ituni,  
kwondũ wa Yesũ Klĩsto Mwĩaii waitũ. *Ameni.*

VALŪA. Alomi 8. 18-23.

ŪVOO MŪSEO. Luka 6. 36-42.

MBOYA, MAVALŪA NA ŪVOO MŪSEO

WA KYUMWA WA KATANO ITINA WA  
ŪTATŪ

MBOYA

**I**TIKILA ame Mwĩaii, twĩũvoya mũno, kana mũendo  
wa vaa nthĩ ũtongoewe nue katĩ wa ũuu, nĩ kana Ikanisa  
yaku yĩũthũkũme na ũtanu, katĩ wa mwikalile wa kikĩo kya  
Ngai na mũuo, kwa Yesũ Klĩsto, Mwĩaii waitũ. *Ameni.*

VALŪA. I Vetelo 3. 8-15.

ŪVOO MŪSEO. Luka 5. 1-11.

WA KYUMWA WA THANTHATŪ ITINA  
WA ŪTATŪ

MBOYA

**A**ME NGAI, nũmaseũvisye ala makwendaa maũndũ  
maseo ala mavitũkite ũmanyi wa andũ, ũtũtulũile  
wendo ngoonĩ sitũ, mũthemba ũla wa kũkwenda we mbee  
wa syonthe nĩ kana tũtonye kũvikĩa mawatho maku namo  
mavitũka ũndũ ithyĩ tũtonya kũmew'ĩa vata: kwa Yesũ  
Klĩsto, Mwĩaii waitũ. *Ameni.*

VALŪA. Alomi 6. 3-11.

ŪVOO MŪSEO. Mathayo 5. 20-26.

WA KYUMWA WA MŪONZA ITINA WA  
ŪTATŪ

MBOYA

**A**ME MWIAI, ũla wĩ ũtonyi w'onthe na vinya  
w'onthe, na nue mwambĩlilyo wa maũndũ maseo  
onthe na mũnengani wamo, ikia wendo wa syĩtwa yaku  
ngoonĩ sitũ; ian'ya nthĩnĩ waitũ ũthaithi wa w'o, na  
ũitũete katĩ wa mwikalile mũseo ũla mwĩaniũ: naku  
ũtwikalaye o ũu nũndũ wa tei waku mũnene: kwa Yesũ  
Klĩsto, Mwĩaii waitũ. *Ameni.*

VALŪA. Alomi 6. 19-23.

ŪVOO MŪSEO. Maliko 8. 1-9.

MBOYA, MAVALŪA NA ŪVOO MŪSEO

WA KYUMWA WA NYAANYA ĪTINA WA  
ŪTATŪ

MBOYA

**A**ME NGAI, ūsŭvio waku ūla ūtanyivaa nīw'o wīaa maŭndū onthe nesa ala ma ĩtunī na ala ma kŭū nthī: ithyī ala twī maŭnī maku twīŭvoya ūtŭvetee maŭndū onthe ala matonya kŭtŭthŭkya: ūtŭnenge syīndū syonthe ila itonya kŭtwaila: kwa Yesū Klīsto Mwīaīi waitū. *Ameni.*

VALŪA. Alomi 8. 12-17.

ŪVOO MŪSEO. Mathayo 7. 15-21.

WA KYUMWA WA KENDA ĪTINA WA  
ŪTATŪ

MBOYA

**T**WĪKŪVOYA mŭno Mwīaīi, ūtŭnenge ngoo ya kŭlilikana maŭndū ala maīle na kŭmekaka mo mavinda onthe; nī kana ithyī ala tŭtatonya kwīka ūndū ūseo o na wīva ūtevo we, twīkalae ūndū wendete kwondū wa kŭtonyethwa nue; kwa Yesū Klīsto, Mwīaīi waitū. *Ameni.*

VALŪA. 1 Akolintho 10. 1-13.

ŪVOO MŪSEO. Luka 16. 1-9.

WA KYUMWA WA ĪKŪMI ĪTINA WA  
ŪTATŪ

MBOYA

**M**ATŪ ma tei waku, ame Mwīaīi, nīmethukīsyē mboya sya athŭkŭmi maku ala me maŭnī maku: na ĩngī nī kana mose kīla meŭkŭvoya, ūmatwīkīthye methwe andū ma ūkŭvoya ūndū ūkwendeeasya; kwa Yesū Klīsto, Mwīaīi waitū. *Ameni.*

VALŪA. 1 Akolintho 12. 1-11.

ŪVOO MŪSEO. Luka 19. 41-48.

MBOYA, MAVALŪA NA ŪVOO MŪSEO

WA KYUMWA WA ĪKŪMI NA KĪMWE  
ĪTINA WA ŪTATŪ

MBOYA

**A**ME NGAI, we wonanasya vinya waku ūtatonyeka katī wa tei waku na ĩnee yaku: kwa tei waku ūtŭnenge ūathimo waku mwīanī, ūla ūtonya kŭtŭtwaa na mītŭkī nzīanī ya mīao yaku, o mŭvaka tŭvikīe mawatho ma ūathimo waku, tŭtuwe kwīthīwa na kīanda kya ūthwīi waku, wa ĩtunī, kwa Yesū Klīsto, Mwīaīi waitū. *Ameni.*

VALŪA. 1 Akolintho 15. 1-11.

ŪVOO MŪSEO. Luka 18. 9-14.

WA KYUMWA WA ĪKŪMI NA ILĪ ĪTINA  
WA ŪTATŪ

MBOYA

**A**ME NGAI Mwene vinya w'onthe, ndwī mwambīlīyo kana mŭminŭkīlyo, we ūla wī mītŭkī wa ūtwīw'a mavinda onthe kŭvīta ithyī kŭŭvoya, na ūkothaa kŭtŭnenga kŭvītŭka ūndū tŭkwenda na ūndū ūtwaile kŭnengwa; ūtwītīkīsyē wīngī wa tei waku ĩlŭ waitū, ūtŭekee maŭndū ala meŭtŭma tŭŭkīa nŭndū nītŭŭmanya kana twī na mavītyo, ūtŭnenge o na syīndū nzeo ila ithyī tŭtāilwe nī kŭŭvoya, nŭndū wa wailu wa Mwana waku, Yesū Klīsto, Mwīaīi waitū. *Ameni.*

VALŪA. 2 Akolintho 3. 4-9.

ŪVOO MŪSEO. Maliko 7. 31-37.

WA KYUMWA WA ĪKŪMI NA ITATŪ  
ĪTINA WA ŪTATŪ

MBOYA

**A**ME MWĪAĪI Ngai, Mwene tei, kwa kwīthīwa nī kwa matei maku ūtumaa andū ala maīkīwe maŭthŭkŭma kwa wailu na kŭtāiwa: ūtŭnenge ithyī nītŭŭkŭvoya mŭno, tŭŭthŭkŭmae kwa kŭkīiwa mŭno vaa nthī, nī kana

MBOYA, MAVALŪA NA ŪVOO MŪSEO

mūminūkilyo tūikalee kūmavikīa mawatho maku ma itunī:  
kwa wailu wake Yesū Klīsto, Mwīaii waitū. *Ameni.*

VALŪA. Akalatia 3. 16-22.

ŪVOO MŪSEO. Luka 10. 23-37.

WA KYUMWA WA IKŪMI NA INYA  
ITINA WA ŪTATŪ

MBOYA

**A**ME MWĪAII Ngai, ndwī mwambililyo kana  
mūminūkilyo; ūtūnenge ithyī kūneena na mūikīo  
na wīkwatyo na wendo: na nī kana tūsyose ila ūtwathīe,  
ūtume twenda maūndū ala we wendete: kwa Yesū Klīsto,  
Mwīaii waitū. *Ameni.*

VALŪA. Akalatia 5. 16-24.

ŪVOO MŪSEO. Luka 17. 11-19.

WA KYUMWA WA IKŪMI NA ITANO  
ITINA WA ŪTATŪ

MBOYA

**Ū**YĪSŪVĪE ikanisa yaku, twīkūvoya mūno ame  
Mwīaii, kwa inee yaku ya kīla ivinda na kwa kwīthīwa  
ūleelu wa andū ūte vo we ndwī ndii ya ūvalūka, ūtwie na  
ūseo kīla ivinda kwa ūtethyo waku, ūtūsūvie na kīla  
ūthūku, ūtūtongoesye na kūatīia, w'o, na ūla ūtonya  
ūtwailya kwa ūtangīo witū: kwondū wa Yesū Klīsto,  
Mwīaii waitū. *Ameni.*

VALŪA. Akalatia 6. 11-18.

ŪVOO MŪSEO. Mathayo 6. 24-34.

WA KYUMWA WA IKŪMI NA  
THANTHATŪ ITINA WA ŪTATŪ

MBOYA

**T**WĪŪVOYA mūno, ame Mwīaii kwa tei waku wa  
kīla ivinda ūthesye ikanisa yaku na kūyīkalya itheu:  
na nūndū ndīsūviwa vate ūtethyo waku, wīkale ūiisūvia

MBOYA, MAVALŪA NA ŪVOO MŪSEO

na kūyenda kwa ūseo waku: kwa Yesū Klīsto, Mwīaii  
waitū. *Ameni.*

VALŪA. Aeveso 3. 13-21.

ŪVOO MŪSEO. Luka 7. 11-17.

WA KYUMWA WA IKŪMI NA MŪONZA  
ITINA WA ŪTATŪ

MBOYA

**T**WĪKŪVOYA, ame Mwīaii, mumo waku wīkale  
katī waitū na ūtūtongoesye na kūtūvikīla, ūtūne  
kīthito twīthīwe ene kūtethya wīa mūseo mīthenya yonthe,  
kwondū wa Yesū Klīsto, Mwīaii waitū. *Ameni.*

VALŪA. Aeveso 4. 1-6.

ŪVOO MŪSEO. Luka 14. 1-11.

WA KYUMWA WA IKŪMI NA NYAANYA  
ITINA WA ŪTATŪ

MBOYA

**N**ĪTŪŪKŪVOYA, ame Mwīaii, ūmane andū maku  
mumo wa kūkīlya matatwa ma nthī, na mwīi, na  
Satani; tūkūatīe we Ngai wī weka na mathayū matheu  
na kīlīko kyaile: kwondū wa Yesū Klīsto, Mwīaii waitū.  
*Ameni.*

VALŪA. I Akolintho 1. 4-8.

ŪVOO MŪSEO. Mathayo 22. 34-46.

WA KYUMWA WA IKŪMI NA KENDA  
ITINA WA ŪTATŪ

MBOYA

**A**ME NGAI, kwa kwīthīwa tūte naku tūitonya  
kūkwendeesya, ūtūne kwa inee nī kana Veva waku  
Mūtheu atūtongoesye na kūmasumbīka mathayū maitū,  
kwondū wa Yesū Klīsto Mwīaii waitū. *Ameni.*

VALŪA. Aeveso 4. 17-32.

ŪVOO MŪSEO. Mathayo 9. 1-8.

WA KYUMWA WA MĪONGO ĪLĪ ĪTINA  
WA ŪTATŪ

MBOYA

**A**ME MWĪAĪI Ngai, we wī mwingī wa inee: kwondū wa kwenda kwaku kwingī ūtūsūvie, nītū-ūkūvoya mūno, kwa maūdū onthe ala meūtūthūkya; nī kana ithyī twiyūmban'ye kati wa mwīi na ngoo kwianīisa kwa ūtanu maūdū onthe ala ūkwenda mekwe: kwondū wa Yesū Klīsto, Mwīaīi waitū. *Ameni.*

VALŪA. Aeveso 5. 15-21.

ŪVOO MŪSEO. Mathayo 22. 1-14.

WA KYUMWA WA MĪONGO ĪLĪ NA  
KĪMWE ĪTINA WA ŪTATŪ

MBOYA

**T**WĪKŪVOYA, ame Mwīaīi, we mwene wa inee, ūtūne ithyī andū maku ene kīthito ūkeko na mūuo, nī kana tūthew'e mavītyo maitū onthe, tūkūthūkūme na ngoo sya mūuo: kwondū wa Yesū Klīsto, Mwīaīi waitū. *Ameni.*

VALŪA. Aeveso 6. 10-20.

ŪVOO MŪSEO. Yoana 4. 46-54.

WA KYUMWA WA MĪONGO ĪLĪ NA ĪLĪ  
ĪTINA WA ŪTATŪ

MBOYA

**Y**ĪU Īkanisa yaku, nayo nīyo andū ma nyūmba yaku, twiūvoya, ame Mwīaīi, ūyīsūvie na mwikalīle wa ūkūkiā mavinda onthe; yītonye kūsūviwa nue na mathīna o na meva onthe, na īngī yīthwe na kīthing'īisyo kingī kya ūkiīwa-Ngai kati wa kūūthūkūma we kwa wīa mūseo, nī kana yītonye kūtaīa syītwa yaku: kwondū wa Yesū Klīsto, Mwīaīi waitū. *Ameni.*

VALŪA. Avilivi 1. 3-11.

ŪVOO MŪSEO. Mathayo 18. 21-35.

WA KYUMWA WA MĪONGO ĪLĪ NA  
ITATŪ ĪTINA WA ŪTATŪ

MBOYA

**A**ME NGAI, wīvitho witū nue, vinya witū noue, naku nue kītina kya ūseo w'onthe; twikūvoya mūno wīw'e tei kwa mītūki kwondū wa mboya sya kīthito sya ĩkanisa yaku: ūtūnenge kana ala tūūvoya kwa kīthito tūmose kwa wīaniū: kwa Yesū Klīsto, Mwīaīi waitū. *Ameni.*

VALŪA. Avilivi 3. 17-21.

ŪVOO MŪSEO. Mathayo 22. 15-22.

WA KYUMWA WA MĪONGO ĪLĪ NA INYA  
ĪTINA WA ŪTATŪ

MBOYA

**T**WĪKŪVOYA mūno, Mwīaīi, ūtūvetee mavītyo maitū ithyī andū maku, nī kana ithyī ithyonthe kwa wingī wa ūseo wa kwenda kwaku tūthaswe syovonī sya mavītyo maitū onthe ala tūvītasya kwa ūmosu witū: ūtūekeke aa onthe, ame Asa wa itunī, kwondū wa Yesū Klīsto, Mwīaīi waitū, Mūtūtangīi waitū mwene ūathimo. *Ameni.*

VALŪA. Akolosai 1. 3-12.

ŪVOO MŪSEO. Mathayo 9. 18-26.

WA KYUMWA WA MĪONGO ĪLĪ NA  
ITANO ĪTINA WA ŪTATŪ

MBOYA

**A**ME MWĪAĪI, nītūūkūvoya mūno, ūmaamūkye asu andū maku aikīi, nī kana, kwondū wa ūla mesyaa mosyao maingī ma wīa mūseo, methwe mo

kūtanīthwī'a nue o ūu kwa wingī: kwondū wa Yesū Klīsto, Mwīāī waitū. *Ameni.*

VANDŪ VA VALŪA. Yelemia 23. 5-8.

ŪVOO MŪSEO. Yoana 6. 5-14.

*Ethwa vatiele syumwa ingi mbee wa wa-Kyumwa wa Kūka ūtanavika, mosawa moseŭvyo ma ūthaihi wa mitherya ya kyumwa ila ikilitwe itina wa Movuanyo, kwa ūtalo wa ūndū itialite vaa. Na ethwa syumwa nī mbūthū, maiindū ala matialu nīmakilaw'a: indī mboya isu na valūa ūsu na Ūvoo Mūseo ūsu isomawa mavinda onthe Wa-Kyumwa ūla wī mbee wa Ivinda ya Kūka.*

MŪTHENYA WA MŪTHEU ANDALEA

(NOOVEMBA 30)

MBOYA

**A**ME NGAI Mwene vinya w'onthe, we nue wamū-nengie mumo ūla mūtūmwa waku Mūtheu Andalea, naw'o wamūnenga kwitika wītano wa Mwana waku Yesū Klīsto na mītūkī, amūvikīla vate kwīkala: ūtūsūvie ithyī ithyonthe, kana kwondū twetiwe nī ndeto yaku ntheu, kwambilīya yu tūyumye mathayū maitū tūmeanīsye motw'io maku matheu: kwondū wake Yesū Klīsto, Mwīāī waitū. *Ameni.*

VALŪA. Alomi 10. 9-21.

ŪVOO MŪSEO. Mathayo 4. 18-22.

MŪTHENYA WA MŪTHEU THOMA

MŪTŪMWA

(NDISEMBA 21)

MBOYA

**A**ME MWĪĀĪ Ngai, ndwī mwambilīyo kana mūminūkīlyo, nī kwondū wa kūūikīthya mūno mūkīkīo witū we wamūtīe ūla Thoma, mūtūmwa waku Mūtheu, alikw'e nī kyeva kwondū wa kūhayūka kwake Mwānau: ūtūne kwīthīwa, ūndū tūkamwitīkīla Mwānau Yesū Klīsto na wīānū mūno, tūkethīwe na nzika kwa

ndeto o na yīva yonthe; nī kana mūkīkīo witū ndūkavītye mbee waku. Naku Mwīāī, ūtūthukīīsye kwondū wake ūsu Yesū Klīsto, ūla ūtāiawa na kūkathwa vamwe naku na Veva Mūtheu, yuyu na tene na tene. *Ameni.*

VALŪA. Aeveso 2. 19-22.

ŪVOO MŪSEO. Yoana 20. 24-31.

KŪTANGĪĪWA KWAKE MŪTHEU VAULO

(YANUALI 25)

MBOYA

**A**ME NGAI, nthī yonthe nīwonanītye kyeni kyaku kya Ūvoo Mūseo kwa kūtavanya kwake Mūtheu Vaulo mūtūmwa waku mūathimwa: twiūvoya mūno ūtūsūvie ithyī kwondū wa ūla twilīlikanaa mavinda ma ūseng'ya wa kūtangīīwa kwake, twīthīwe ene kūtūngīa mūvea kwa ūndū ūsu na kūatīa momanyīsyo ala ma ūtheu ala wamanyīasya we: kwa Yesū Klīsto, Mwīāī waitū. *Ameni.*

VANDŪ VA VALŪA. Meko ma Atūmwa 9. 1-22.

ŪVOO MŪSEO. Mathayo 19. 27-30.

ĪVINDA YA KŪTAWA KWAKE

KLĪSTO ĪKALUNĪ

NAYO YĪTAWA

KŪTHEW'A KWAKE MWĪĪTU MŪTHEU

MELI

ĪTINA WA KŪSYAA

(VEVULUALI 2)

MBOYA

**A**ME MWĪĀĪ Ngai, ndwī mwambilīyo kana mūminūkīlyo, nītūkwīnyivya tūkīūvoya we wī Mūsūmbī waitū nī kana, tondū Mwana waku mūsūyawa weka waetiwe īkalunī ta īvinda yīī ya mūthenya ūū wa



MBOYA, MAVALŪA NA ŪVOO MŪSEO

ūmūnthī, nake aī na mwīi mūvwano witū, kwithwe ta ūu naitū kŭetwe kwaku wī na mathayū matheu na mathesye: kwondū wake ūsu Mwana waku Yesū Klīsto, Mwīaīi waitū. *Ameni.*

VANDŪ VA VALŪA. Malaki 3. 1-5.

ŪVOO MŪSEO. Luka 2. 22-40.

MŪTHENYA WA MŪTHEU MATHIA

(VEVULUALI 24)

MBOYA

**A**ME MWĪAĪI Ngai, Mwene vinya w'onthe, we wamūnyuvie mūthūkūmi waku mūthingu wetawa Mathia, asyoke vandū va ūla mūvunyanīi Yutasi, ethwe mūdū wa nguthu ya atūmwa ikūmi na elī; itikīla nī kana ikanisa yīi yaku, ūndū wa ūla wikalaa ūsūvie nesa na itekūthūkw'a nī atūmwa ma ūvūngū, nī kana yathawe nī ūtongoi wa aīthi ase na ma w'o: kwondū wa Yesū Klīsto, Mwīaīi waitū. *Ameni.*

VANDŪ VA VALŪA. Meko ma Atūmwa 1. 15-26.

ŪVOO MŪSEO. Mathayo 11. 25-30.

ĪVINDA YA MWĪITU MŪATHIME MELI  
KŪETEWA ŪVOO

(MAKYI 25)

MBOYA

**A**ME MWĪAĪI nītūkūvoya mūno ūtwitīkīsyē mumo waku ngoonī sitū: nī kana o tondū twīsī kūka na kūsya wa kwa Mwana waku Yesū Klīsto kwondū wa ūtūmane wa mūlaika, o tou kwa ngelekan'yo yake na kūnyamaw'a kwake tūvikīe ūtheu wa kūthayūka kwake; kwa ūsu Yesū Klīsto Mwīaīi waitū. *Ameni.*

VANDŪ VA VALŪA. Isaīa 7. 10-15.

ŪVOO MŪSEO. Luka 1. 26-38.

MBOYA, MAVALŪA NA ŪVOO MŪSEO

MŪTHENYA WA MŪTHEU MALIKO

(EVULYU 25)

MBOYA

**A**ME MWĪAĪI Ngai, nūtūmanyīitye ithyī andū ma ikanisa yaku itheu kwa ūi wa itunī, ūla waī naw'o ūla mūtavan'ya waku Mūtheu Maliko: ūtūenge mumo ūsu nī kana tūkethīwe mūvw'ano wa syana, tūkatwawe nī iseve sya ūmanyīsyō wa ūvūngū; īndī kīla īvinda twithīwe na ūtonyi ūla wī katī wa w'o, na ūvo vo waku mutheu: kwondū wa Yesū Klīsto Mwīaīi waitū. *Ameni.*

VALŪA. Aveso 4. 7-16.

ŪVOO MŪSEO. Yoana 15. 1-11.

MŪTHENYA WA ATHEU VILIVU NA  
YAKOVO

(MEI 1)

MBOYA

**A**ME MWĪAĪI Ngai, kūmānya we nīkw'o kwikala tene na tene: ūtūenge ithyī kūmūmānya kwa wīanū Mwana waku Yesū Klīsto, kwithīwa we nī nzīa, na nīwe w'o, na nīwe thayū: nī kana kwa kūatīa nyāīa sya ala atūmwa maku Atheu Vilivu na Yakovo, twithīwe ithyī andū ma kūendaa kwa kwilūlūmīlya tūatīe nzīa īla ya kūvikīa thayū wa tene na tene: kwondū wa Yesū Klīsto Mwīaīi waitū. *Ameni.*

VALŪA. Yakovo 1. 1-12.

ŪVOO MŪSEO. Yoana 14. 1-14.

MŪTHENYA WA MŪTHEU VALANAVA

(YUNI 11)

MBOYA

**A**ME MWĪAĪI Ngai nīwamūvw'īkie mūtūmwa waku Mūtheu Valanava mīthīnzīo ya Veva Mūtheu: twīkūvoya mūno ndūkatūeke ithyī tūlee kūmyona mīthīnzīo mīthemba na mīthemba, o na tūikalee kwona ūathimo

MBOYA, MAVALŪA NA ŪVOO MŪSEO

waku, tūtonye kūmyosa mīthinzio isu kwa kūūtaia na kūūkumya: kwondū wa Yesū Klīsto, Mwīaīi waitū. *Ameni.*

VANDŪ VA VALŪA. Meko ma Atūmwa 11. 22-30.

ŪVOO MŪSEO. Yoana 15. 12-16.

MŪTHENYA WA MŪVATISI YOANA

(YUNI 24)

MBOYA

**A**ME NGAI Mwene vinya w'onthe, ūsūvio waku niw'o wamūnengie mūtūmwa waku Mūtheu Yoana Mūvatisi kūsya kwa ūseng'yo, wamūtūma kūmūseūvisya nzia Mwanau Mwovosya waitū, kwa kūtavya andū ūndū wa kumbūla: ūtūnenge ithyī kūatiia momanyīsyo make na mwikalile wake mūtheu mūno, mūvaka twithīwe andū ma kumbūla na w'o kwīanana na ūndū wamanyīasya we: na ingī tondū watūnengie ngelekan'yo, twithīwe matukū onthe ene kūneena ūla w'o, tūkan'ye ūthūku vate kūkia andū, naitū tūmīsye katī wa mathina kwondū wa ūla w'o: nūndū wa Yesū Klīsto, Mwīaīi waitū. *Ameni.*

VANDŪ VA VALŪA. Isaia 40. 1-11.

ŪVOO MŪSEO. Lūka 1. 57-80.

MŪTHENYA WA MŪTHEU VETELO

(YUNI 29)

MBOYA

**A**ME MWĪAĪI Ngai, we kwondū wa Mwana waku Yesū Klīsto nue wamūnengie ūla mūtūmwa waku mūtheu Vetelo mīthinzio mingī mīseo, wamwīaīa mūno kūithya nguthu yaku, twiūvoya mūno ūmane ūtonyi mavisovu onthe na makasisi onthe, methīwe andū ma ūtavan'ya ndeto yaku ntheu na kīthing'īsyo: na asu andū nao methwīe ene kūatiia na kūikiia ūla ndeto: nī kana

MBOYA, MAVALŪA NA ŪVOO MŪSEO

matonye kwosa kila ūmwe ngovia ya ūsumbī ūte mūminūkilyo: kwondū wa Yesū Klīsto, Mwīaīi waitū. *Ameni.*

VANDŪ VA VALŪA. Meko ma Atūmwa 12. 1-11.

ŪVOO MŪSEO. Mathayo 16. 13-19.

MŪTHENYA WA MŪTHEU YAKOVO  
MŪTŪMWA

(YULAI 25)

MBOYA

**Ū**TŪNENGE, ame Ngai Mwene inee, o tondū ūla Mūtheu Yakovo mūtūmwa waku, ūndū watiie ūthe na ūla waī nasyo syonthe, eethukīsyā wasya wa Mwana waku Yesū Klīsto vate kwikala, amūatiia: kwithīwe ūū naitū kūekana na mawendi ma nthī na mīi yonthe tūtonye kwikala twiyūmbanītye na kūatiia motao maku matheu: kwondū wa Mwīaīi waitū Yesū Klīsto, Mūtangīi waitū. *Ameni.*

VANDŪ VA VALŪA. Meko ma Atūmwa 11. 27-12. 3.

ŪVOO MŪSEO. Mathayo 20. 20-28.

MŪTHENYA WA MŪTHEU  
VALITHOLOMAYO

(ANGOSTI 24)

MBOYA

**A**ME MWĪAĪI Ngai, we ndwī mwambīlilyo kana mūminūkilyo, we wamūnengie ūathimo ūla Mūtūmwa waku Valitholomayo kūmītīkila ūla ndeto yaku na kūmītavanya, nītūkūvoya mūno ūinenge ūkanisa yaku kūmyenda ndeto isu ūla wetīkilile we, na kūmītavan'ya na kūmītīkila: kwondū wa Yesū Klīsto Mwīaīi waitū. *Ameni.*

VANDŪ VA VALŪA. Meko ma Atūmwa 5. 12-16.

ŪVOO MŪSEO. Luka 22. 24-30.

MBOYA, MAVALŪA NA ŪVOO MŪSEO

MŪTHENYA WA MŪTHEU MATHAYO  
MŪTŪMWA

(SEVUTEMBA 21)

MBOYA

**A**ME NGAI Mwene vinya w'onthe, we kwa kanywa wa Mwana waku Mwene ūathimo wamwitie laũ Mathayo, nĩ kana aeke kumya koti ethiwe mūtũmwa na mūtavan'ya: ūtũtonyethye ithyĩ kũmatia maũndũ ma wendi, kũtia kwenda mũno mothwii ma kũũ nthĩ, nĩ kana ithyĩ tũtonye kũmũatiĩa we ūsu Mwana waku Yesũ Klĩsto, ūla wĩkalaa na kũsumbĩka vamwe naku na Veva Mũtheu, Ngai ō ūmwe tene na tene. *Ameni.*

VALŪA. 2 Akolintho 4. 1-6.

ŪVOO MŪSEO. Mathayo 9. 9-13.

MŪTHENYA WA MŪTHEU MIKAEI NA  
ALAIKA ONTHE

(SEVUTEMBA 29)

MBOYA

**A**ME NGAI we wĩkalaa tene na tene, nue wambĩli-ilye wĩa ūsu wa andũ na alaika na ūwia kwa mũseũ-vĩlye wa ūseng'yo: ūtũsũvie ithyĩ kwa ĩnee yaku, o ūndũ maũthũkũmaa kĩla mũthenya alaika maku atheu kũũ ĩtunĩ, naitũ matũtethye na ūtũsũvia vaa nthĩ o ūndũ wĩmeaĩa, kwondũ wa Yesũ Klĩsto, Mwĩaiĩ waitũ. *Ameni.*

VANDŪ VA VALŪA. Ūvuan'yo 12. 7-12.

ŪVOO MŪSEO. Mathayo 18. 1-10.

MŪTHENYA WA MŪTHEU LUKA  
MŪTAVAN'YA

(OKŪTOVA 18)

MBOYA

**A**ME MWĨAIĨ Ngai, ūla wetie mũiiti Luka, ūla nguma yake ĩ nthĩnĩ wa Ūvoo Mũseo, ethwe mũtavan'ya wa Ūvoo Mũseo na ūvosya maveva ma andũ:

MBOYA, MAVALŪA NA ŪVOO MŪSEO

nĩtũkũvoya nĩ kana ithyĩ tũvowe mowau onthe ma maveva maitũ, nũndũ wa momanyĩsyo maseo ala we wamanyĩsye: kwondũ wa wailu wa Mwana waku Yesũ Klĩsto, Mwĩaiĩ waitũ. *Ameni.*

VALŪA. 2 Timotheo 4. 5-15.

ŪVOO MŪSEO. Luka 10. 1-7.

MŪTHENYA WA ATHEU SIMEONI NA  
YUTA ATŪMWA

(OKŪTOVA 28)

MBOYA

**A**ME NGAI vinya w'onthe, ūla wakie ikanisa yaku ĩũlũ wa kĩtina kya atũmwa na athani, nayo ĩvia yayo ĩnene ya kikotonĩ nĩ Yesũ Klĩsto: ūtũnenge kũkwatanw'a mũno kati wa ngwatanĩo ya veva kwondũ wa momanyĩsyo moo, kũvikia tũtwĩkĩthw'e ĩkalu ĩtheu yĩla yĩtikĩlitwe nue: kwondũ wa Yesũ Klĩsto Mwĩaiĩ waitũ. *Ameni.*

VALŪA. Yuta 1-8.

ŪVOO MŪSEO. Yoana 15. 17-27.

MŪTHENYA WA ATHEU ONTHE

(NOOVEMBA 1)

MBOYA

**A**ME NGAI Mwene vinya w'onthe, we nĩwama-kwatanĩthisye anyuve maku onthe kwa ūkwatan'yo ūmwe na ngwatanĩo kati wa mwĩ wa kĩmbithĩ wa Mwanau Klĩsto Mwĩaiĩ waitũ: ūtũnenge naitũ mũno kũmaatĩa atheu maku aathĩme kwa ūseo wa kĩla mũthemba na mũendo wa w'o, mũvaka tũvikĩe motanu ala mataweteka, namo wamaseũvisye asu ala makwendaa na w'o: kwondũ wa Yesũ Klĩsto, Mwĩaiĩ waitũ. *Ameni.*

VANDŪ VA VALŪA. Ūvuan'yo 7. 2-12.

ŪVOO MŪSEO. Mathayo 5. 1-12.

WALANYO WA KŪTHENGEEA

MESA YA MWĪAĪI

KANA

MŪAMBA MŪTHEU

*O asu mekwenda kŭlika kati wa mŭamba mŭtheu nimaile kŭnengane masyitwa moo kwa ūla Kasisi mŭthenya ūmwe mbee wa mŭamba mŭtheu.*

*Na ethwa kati wa andŭ asu vakooneka mŭndŭ ūmwe wŭ na mwikalile mŭthŭku ūmanyikite, kana ūla ūthŭnitye mŭndŭ ūngi kati wa ndeto kana kati wa kwika, na kwondŭ wa ūu akew'ithya ikanisa woo: indŭ ūla Kasisi amina kŭmanya ūwoo ūsu nesa, namwite mŭndŭ ta ūsu na aimwonya vyŭ kana ndakatate kŭthengeea Mesa ya Mwĭaĭi, mŭwaka yila ūkonan'ya nesa vyŭ mwikalile wa w'o wa umbŭlo wake na kwonan'ya kana nŭtiite ūla mŭendo wake mŭthŭku, na kŭatŭa mŭendo ūngi mŭseo: nŭ kana asu meew'ie woo matonye kwendeew'a ūngi, na ala meekŭtwe nai nŭwe atonye kŭmaŭva kila kyaile: kana ethwa ti ūu, eyathane kana akamanenga kila kyaile kŭnengwa o yila wiona ūthei.*

*Na no ta ūu, ethwa ve andŭ mekalanitye me na ūndŭ kana kŭmenana ene kwa ene, ūla Kasisi akamon'ya o kwa mŭthembo o ūsu ndakametikile kati wa mŭamba wa Mesa ya Mwĭaĭi metambite kwŭw'ana. Na ala monanitye kŭvathŭkanŭyo kya kwitŭkila kŭmŭekea ūla ūngi kuma ngoonŭ ntheu kwianana na ūndŭ ūla ūmŭvitŭsye akaumya ndŭvi nŭndŭ we nake nŭnamŭthatisye ūsu ūngi: na ethwa ūsu ūngi ndekwitŭkila ūekee na Mŭamba wa kŭkio kya Ngai, na ethwa aendeeaa o na ūndŭ ūsu kwaa na kŭmena: vau indŭ ūla Kasisi nŭtonya kŭmŭnenga ūsu ūminite kŭmbŭla ūthei wa kŭlika Mŭambanŭ Mŭtheu, na aimŭwata ūsu ūngi wŭ na wŭmu wa ngoo. Indŭ vamwe na kwika ūu ni ūseo ūla Kasisi aendee na kŭmwon'ya na kŭmŭtaa kati wa mŭiao ūsu na wonan'yo ūsu, na ni ūseo amŭmanyithye ūla Mŭnene na Mwene mŭiao kati wa wŭa, mbee wa matukŭ ikŭmi na ana matanamba ūthela. Nake ūla Mwene mŭiao amŭtw'ŭia ūsu ūla ūvitŭtye o kwianana na ūndŭ kŭtwitwe kati wa Mŭiao.*

*Ūvinda ya Mŭamba Mŭtheu mesa niyithiawa yalanitwe ngŭa nzeo nzaŭ ya katani, nayo yŭawa ūkanisani kana o vala vavoyeawa mboya sya kŭoko na sya wŭoo. Na ūla Kasisi ethiawa aŭngamite vau vakwŭ na Mesa ya Mwĭaĭi ngali ya ūlŭlŭ ya Mesa, na indŭ aineena Mboya ya Mwĭaĭi na ūsu ūngi iatiie, namo andŭ methiawa matulitye ndu.*

MŪAMBA MŪTHEU

**A**SA waitŭ ūla wŭ itunŭ, syitwa yaku yithiwe itheu. Ūsumbŭ waku wŭke, wendo waku wikwe kŭŭ nthŭ tondŭ wikawa itunŭ. Tŭnenge ūmŭnthŭ kandŭ kaitŭ keanŭ. Naku ūtŭekee mawathe maitŭ, ūndŭ naitŭ tŭmaekeaa kila mŭndŭ mavŭtyo make. Ndŭkatŭtwae kati wa ūtatwa, indŭ twovosye kwa ūthŭku. Nŭndŭ ūsumbŭ na vinya na ndaia nŭ syaku, tene na tene. *Ameni.*

MBOYA

**W**E MWĪAĪI Ngai Mwene vinya w'onthe, ngoo sya andŭ onthe syŭ ūtheinŭ kwaku na kila vata nŭwisikie, o na vai ndeto ivithitwe kwaku: ūmathesye malilikano ma ngoo sitŭ kwa kŭtŭveveea Veva waku Mŭtheu, nŭ kana tŭkwende na wendo mwianŭ, na tŭyŭkathe syitwa yaku itheu o tondŭ kwaile; kwondŭ wa Klŭsto Mwĭaĭi waitŭ. *Ameni.*

*Na vau indŭ ūla Kasisi amelekele andŭ na aimawetea Mŭiao Ikŭmi yonthe na wasya mŭtŭlu ūtonya kwŭw'ika: na kŭwikŭa mŭminŭkŭlyo wa kila mwĭao, andŭ asu nimethiawa o matulitye ndu, na indŭ nimamwitŭye Ngai ūekee wa mavŭtyo ma kŭtŭla mwĭao ūsu kati wa mavinda asu mavitu, na mavoya ūathimo nŭ kana matonye ūmikwata mŭiao ūsu na kŭmŭlŭmya nŭ kana mbeenŭ maikamŭtŭle tondŭ manamŭtŭlite.*

*Kasisi.* Ngai aneena ndeto ii syonthe akyasya, Nye ninye Yeova Ngai waku: ndŭkethiwe na ngai ūngi ate o nyie.

*Andŭ.* Mwĭaĭi twŭw'ie tei na ūinenga ngoo sitŭ kŭkwata mwĭao ūŭ.

*Kasisi.* Ndŭkeseŭvisye mŭvwanano mwasŭvye, o na ngelekan'yo o na yŭva ya kŭndŭ kŭ matunŭ kana kila kŭ kŭŭ nthŭ, kana kila kŭ kiw'ŭnŭ itheo wa nthŭ: ndŭkatulye ndu mbee wasyo, o na ndŭkaithŭkŭme: nŭndŭ nyie Yeova Ngai waku nŭ Ngai wŭ kiwŭ, ngŭivanŭsya syana ūthŭku wa aaithe masyo, kŭvika nzyawa ya katatŭ o na ya kana sya ala mamenete, na ngŭmew'ia inee kŭvika ngili na ngili sya ala mambendete na kŭkwata mŭiao yakwa.

*Andŭ.* Mwĭaĭi twŭw'ie tei, na ūinenga ngoo sitŭ kŭkwata mwĭao ūŭ.

*Kasisi.* Ndŭkawete syitwa ya Yeova Ngai waku mana: nŭndŭ Yeova ndakasya ūsu nde ivŭtyo ūla ūwetaa syitwa yake mana.

*Andũ.* Mwĩaii twĩw'ie tei, na ũinenga ngoo sitũ kũkwata mwĩao ũũ.

*Kasisi.* Lilikana mũthenya wa Savato, ũwikalye wĩ mũtheu. Tethya wĩa mũthenya thanthatũ, ũmine wĩa waku w'onthe: indĩ mũthenya wa mũonza nĩ savato wa Yeova Ngai waku: mũthenya ũsu ndũkatethye wĩa o na wĩva, we, o na mwanau, o na mwĩitu waku, o na mũthũkũmi waku mũndũũme, o na mũthũkũmi waku mwĩitu, o na indo syaku, o na mũeni waku ũla wĩ kwaku: nũndũ mũthenya thanthatũ Yeova nĩwombie itu na nthĩ, na ũkanga, na syonthe ila syĩ nthĩni wasyo, na athũmũa mũthenya wa mũonza: kwondũ wa ũũ aathima mũthenya wa Savato, na aũthesya.

*Andũ.* Mwĩaii twĩw'ie tei, na ũinenga ngoo sitũ kũkwata mwĩao ũũ.

*Kasisi.* Taĩa au na mwenyu nĩ kana matukũ maku maingĩve nthĩ ila Yeova Ngai waku ũkũnengae.

*Andũ.* Mwĩaii twĩw'ie tei, na ũinenga ngoo sitũ kũkwata mwĩao ũũ.

*Kasisi.* Ndũkoe.

*Andũ.* Mwĩaii twĩw'ie tei, na ũinenga ngoo sitũ kũkwata mwĩao ũũ.

*Kasisi.* Ndũkalaalae.

*Andũ.* Mwĩaii twĩw'ie tei, na ũinenga ngoo sitũ kũkwata mwĩao ũũ.

*Kasisi.* Ndũkoye.

*Andũ.* Mwĩaii twĩw'ie tei, na ũinenga ngoo sitũ kũkwata mwĩao ũũ.

*Kasisi.* Ndũkamũkũsĩe ũvũngũ mũtũi waku.

*Andũ.* Mwĩaii twĩw'ie tei, na ũinenga ngoo sitũ kũkwata mwĩao ũũ.

*Kasisi.* Ndũkew'ie nyumba ya mũtũi waku itomo, ndũkew'ie mũka wa mũtũi waku itomo, o na mũthũkũmi wake mũndũũme, o na mũthũkũmi wake mwĩitu, o na ng'ombe yake, o na ing'oi yake, o na kĩndũ o na kĩa kya mũtũi waku.

*Andũ.* Mwĩaii twĩw'ie tei na ũimĩandĩka ngoonĩ sitũ mĩao ĩno yaku yonthe, ithyĩ twĩũvoya mũno.

*Ve ũthei wa kũlea kũsoma Miao Īkũmi ate o nĩyaile kũsomwa ivinda yĩmwe kila mwei: indĩ ivinda yĩla miao isu ĩteũsomwa, nĩkũsomwe ila ilungu sya miao ĩla yaumiwe nĩ Mwĩaii vandũ vayo.*

*Kasisi.* Mwĩaii waitũ Yesũ Klĩsto aisye, "Īw'ai, Īsilaeli: ũla Mwĩaii Ngai waitũ nĩ ũmwe: naku ũmwende ũla Mwĩaii Ngai waku na ngoo yaku yonthe, na thayũ waku w'onthe, na kililikano kyaku kyonthe, na vinya waku w'onthe: mwĩao wa mbee nĩ ũsu. Na wa kelĩ no ta ũũ: mwende mũtũi waku o ũndũ wiyendete mwene. Vaii mwĩao ũngĩ ũvĩtite isu. Katĩ wa miao ũsu ĩlĩ nĩyĩanĩe miao yonthe na athani onthe."

*Andũ.* Mwĩaii, twĩw'ie tei, na ũimĩandĩka ngoonĩ sitũ mĩao ĩno yaku yonthe, ithyĩ twĩũvoya mũno.

*Vau vaatũawa nĩ mboya ĩmwe katĩ wa isu syelĩ sya kũmũvoya Mũsumbi na Kasisi aũngeme ũu akyasya:*

Nĩtũvoyei.

**A**ME NGAI Mwene vinya w'onthe, ũsumbi waku ndwĩ mũminũkĩlyo, na ũtonyi waku ndũnyivaa: athima ĩkanisa yaku yonthe, na ũmĩsumbike ngoo ya mũthũkũmi waku mũnyuve Elizabeth Mũsumbi waitũ, nĩ kana amanye ũla ũmũthũkũmaa na mbee wa maũndũ onthe ambae kũmantha maũndũ ma ndaĩa yaku na ũtheu waku: naitũ ithyĩ ala twĩ nthĩni wa ũsumbi wake tũlilikanae ũla ũmũnengete miao ĩla wĩ nayo na twĩthĩwe tũimũthũkũma na kĩthito na kũmũnenga ndaĩa na kũmwĩw'a vamwe na wĩnyivyo, nthĩni waku na kwondũ waku, kwĩanana na ndeto yaku na miao yaku mĩseo; kwondũ wa Yesũ Klĩsto Mwĩaii waitũ ũla wĩkalaa na kũsumbika mavinda onthe vamwe naku na Veva Mũtheu, Ngai o ũmwe, tene na tene.

*Ameni.*

*kana,*

**A**ME NGAI Mwene vinya w'onthe, Mwikali wa tene na tene, ithyĩ twĩmanyĩasya nthĩni wa ndeto yaku ntheu kana ngoo sya asumbi syĩ mokonĩ maku naku nĩwĩthyũũaa na kũitongoesya ũndũ wonaa kwaile kwa ũmanyi waku wa Ũngai: ithyĩ twĩ vaa maũũni maku,

twiŭvoya kwondū wa Mūsombi waitū Elizabeth mūthū-kūmi waku, ni kana nthini wa malilikano make na ndeto syake na meko make onthe ethiwe aimantha ndaia yaku na ūtheu waku, na ethiwe na kithing'iisyo kūmasūvia andū maku asu ala ūmaiite mokoni make, atonye kumekalya na ūthwii, mūuo na kikio kya Ngai: tūenge maūndū asu, ame Asa Mwene inee, kwondū wa Mwana waku Mwendwa Yesū Klisto Mwiaii waitū. *Ameni.*

*Na vau indi vasomawa mboya ya mūthenya o ūsu, nayo yamina ūsomwa ūla Kasisi nūsomaa Valūa, akyasya, Valūa (kana kilungu kya maandiko kila kinyuvitwe vandū va ū valūa) ūandikitwe nthini wa kilungu kina kya ivuku yina, tūkyambililya na mūsoa mūna. Na amina kūsoma valūa ūsu niasye, Valūa wathelela vau. Na indi vau nikūsomwe Ūvoo Mūseo andū maūngamite onthe, akyasya, Ūvoo Mūseo ūandikitwe nthini wa kilungu kina kya ivuku yina, na tūkyambililya na mūsoa mūna.*

*Na Ūvoo Mūseo wamina kūsomwa nikwinawa kana kūkaneenwa witikilo ūū ūatīe, andū o maūngeme.*

**N**ITIKILITE Ngai ūmwe Asa Mwene vinya w'onthe, Mūmbi wa itu na thi, na syindū syonthe ila syonekaa na ila itonekaa:

Na Mwiaii ūmwe Yesū Klisto, Mwana wa Ngai, mūsyawa weka, ūla wasyaiwe ni Ithe mbee wa syindū syonthe, Ngai nthini wa Ngai, Kyeni nthini wa Kyeni, Ngai wa w'o nthini wa Ngai wa w'o, ūla wasyaiwe na ti wa kūmbwa, mwikalile wake no ūmwe na wa Asa, na kwondū wake syindū syonthe nisyoombiwe: nake kwondū witū na ūtangio witū niwaumie ituni atheea kūū nthi, aseŭvw'a mwii ni Veva Mūtheu nthini wa mwiiitu Meli, atwika mūdū na athinw'a kwondū witū ivinda ya Vondio Vilato, ambwa, na athikwa, na mūthenya wa katatū aūngama ingi tondū kwandikitwe maandikonī, na indi ambata alika ituni, nake ekalite ngali ya kwoko kwa aume kwa Asa, na ingi akasyoka na ūtheu asilile ala me thayū na ala akw'ū: na ūsombi wake ndwi mūminūkiyo.

Na ingi nitikilite Veva Mūtheu, Mwiaii na Mūnengani wa thayū, ūla wumaa kwa Asa na Mwana, nake vamwe na Asa na Mwana nūthaithawa na kūtaiwa, nake niwe waneenie na makanywa ma athani. Na ingi nitikilite

Ikanisa yimwe yila yi nthi yonthe tondū waiiwe ni Atūmwa. Nikiie ūvatiso ūmwe wa kūekewa nai, nakwa neteele akw'ū kūthayūka, na thayū wa nthi ila yūkite. *Ameni.*

*Na indi ūla Kasisi asyokaa vava mesani ya Mwiaii, na kwambililya kumithya mathembo, na aneenaa ilungu ii, kimwe kana mbee wa kimwe ila iatianie vaa, o tondū we wiona kwaiile kuma ngooni yake.*

**N**O ta ūu kyeni kyenyu nikikenae mbee wa andū, ni kana mone mawia menyu maseo, na kūmūtaia Ithe wenyu ūla wi ituni. *Mathayo 5. 16.*

Mūikeyiie ūthwii kūū nthi, vala lungulu na nganga syanangaa, na vala ing'ei ivūthūaa na kūya: indi iyiei ūthwii ituni, vala lungulu na nganga itananga, na vala ing'ei itavūthūa kana kūya. *Mathayo 6. 19-20.*

Maūndū onthe indino o na meva ala mūkwenda andū mamwike inywi, nenyu mekei o ta ūu: nūdū ūū niw'o miao na athani. *Mathayo 7. 12.*

Ti kila mūdū ūmbitaa, Mwiaii, Mwiaii, ūkavota ūsombini wa itu; indi ni ūla wika wende wa Asa wakwa ūla wi ituni. *Mathayo 7. 21.*

Na Sakayo aūngama, na amwia Mwiaii, Sisyaa, Mwiaii, nyunzu ya syindū syakwa ningūnenga nya; na ethiwa ninivenete mūdū kindū na nzia ya ūkengani, ningū-mūtūngia kūdū kūna. *Luka 19. 8.*

Ni mūskalī wiva ūla ūthūkūmaa na syindū syake mwene, o na indii? Nūū ūla ūvandaa mūūnda wa misavivū, na ndaisaa ūsyao wayo? Kana nūū ūla ūthasya ndithya ya indo na ndanyusaa iia yasyo? *I Akolintho 9. 7.*

Ethiwa ithyi twamūvandie inywi syindū sya veva, ni ūndū ūnene ethiwa tūkaketha syindū syenyu sya mwii? *I Akolintho 9. 11.*

Mūtyisi kana ala mathūkūmaa maūndūni ma ikalū nimaaisaa syindū sya ikalū, kana ala mathūkūmaa kithe-mbeoni me na kianda kyoo vamwe nakyo?

*I Akolintho 9. 13-14.*

Ūla ūvuiaa nini akethaa nini: na ūla ūvuiaa nyingi akethaa nyingi. Kila mūdū nieke o tondū ūtw'ite

ngoonū yake: ti kwa kŭlea kwenda, kana kwa kŭingŭw'a, nŭndŭ Ngai endete mŭndŭ ũnenganae na ũtanu.

2 *Akolintho* 9. 6-7.

Īndī mŭmanyŭw'a wa ūla ndeto namŭaie mŭmanyŭsya syŭndŭ syake syonthe nzeo. Mŭikakengeke; Ngai nda-vuŭawa ngŭi: nŭndŭ o kŭla mŭndŭ ũvuŭaa, nokyo ũkaketha.

*Akalatia* 6. 6-7.

O ũndŭ twiŭthwa na ũthei, twikei andŭ onthe nesa, ĩndī mŭno ala ma nyŭmba ya mŭikŭio.

*Akalatia* 6. 10.

Īndī kŭmŭkŭia Ngai vamwe na kwŭaniwa nŭ kŭla twi nakyō nŭ ũtandithyo mŭnene: nŭndŭ tŭtyaaŭka kŭŭ nthi twi na kŭndŭ, o na tŭitonya kuma na kŭndŭ.

1 *Timotheo* 6. 6-7.

Meaie ala me na ũthwii wa nthi ĩno, maikekathŭie, o na maikekwatye ũthwii ūla wanangŭkaa, ĩndī mekwatye Ngai, ūla ũtŭnengae syŭndŭ syonthe na wingŭ, tŭtanaw'e nŭsyo; kana mekae nesa, methwe meyŭmbanŭitye kumya syŭndŭ syoo: meyiie ene mwambŭlŭyo mŭseo wa ĩvinda yŭla yŭkŭite, nŭ kana makwate ūla thayŭ wa tene na tene.

1 *Timotheo* 6. 17-19.

Ngai ti ūla ũte mŭlŭngalu ũndŭ ũtonya kŭlwa nŭ wŭa wenyu na wendo, ūla mwonanŭitye kwondŭ wa syŭtwa yake, nŭ kwithŭwa nŭmwamathŭkŭmie ala atheu, o na yu nŭmŭmathŭkŭmaa.

*Aevelania* 6. 10.

Mŭikolwe nŭ kwika nesa na kŭolanŭla: nŭndŭ Ngai nŭwendeeaw'a nŭ nthembo ta isu.

*Aevelania* 13. 16.

O ūla wŭ na syŭndŭ sya kŭŭ nthi, nake aimwona mwana-a-ŭthe e na vata, na ailea ũmwŭw'ia tei, wendo wa Ngai ũtwie nthŭnŭ wake ata?

1 *Yoana* 3. 17.

Nŭ mŭathime ūla ũtetheeasya nya: Yeova akamŭ-tangŭia mŭthenya wa thŭna wa mŭminŭkŭlyo.

*Savuli* 41. 1.

*Īvinda yŭla ilungu isu ikŭsomwa, ala atetheesya kana atumŭa ma ikanisa, kana o mŭndŭ waile, nŭmose na kasandŭkŭ kaitwe kwondŭ wa wŭa ũsu maŭtethyo ala andŭ maumasya kwondŭ wa kŭnenga nya, na mathembo angŭ ala maumasya kwondŭ wa ũthaithi, ĩndī mamŭtwaie ūla Kasisi me na ndaia, nake ayosa kala kasandŭkŭ e na wŭnyivoyo na aikailŭla ŭlŭ wa ūla Mesa Ntheu.*

*Na ethwa kwŭ Mesa ya Mwŭaŭi mŭthenya ũsu, ūla Kasisi aiaa kimŭtŭ ŭlŭ wa Mesa na Mbinyu o kwŭanana na ũndŭ vata wŭana.*

*Na ũu w'onthe weania, nŭvo ūla Kasisi waasya:*

Nŭtŭvoyeei mwikalŭle w'onthe wa ĩkanisa ya Klŭsto yŭla yŭ kaunŭ nthi yonthe,

**M**WĪAĪI Ngai wa tene na tene, ūla ũtŭmanyŭitye kwa Mŭtŭmwa waku mŭtheu kŭvoyaa na kŭtŭngŭiaa mŭvea kwondŭ wa andŭ onthe; Nŭtŭŭkwŭsŭva kwa wŭnyivyo nŭndŭ wa tei waku mŭnene wŭtikile [nthe-  
mbo situ] na ũkŭsyŭwa mboya ii sitŭ tŭŭkŭ-  
voya we Mwŭaŭi Ngai; Nŭtŭŭkŭvoya mŭno  
ŭyŭivevee ikanisa ya nthi yonthe na veva  
wawo na wa ngwatanŭo, na kwŭwana,  
mavinda onthe; ũmanenge onthe ala

*na ethwa vai-  
kumw'a nthembo-  
kana maelo, ndeto  
isu, ŭsyose nthe-  
mbo sitŭ na maelo  
maitŭ na itŭwe.*

maumbŭlaa syŭtwa yaku ĩtheu mewane katŭ wa wo wa Ndeto yaku ntheu, na kwŭkala na ngwatanŭo na wendo. Ingŭ nŭtŭŭkwŭsŭva umatethye na kŭmasŭvia Anene onthe ma Silikalŭ ala matŭsumbŭkŭite ni kana masumbŭike kwa ũuu. ũmatethye ala masumbŭkaa nungu woo masile na kŭtwa katŭ vate kwendeesya na kŭŭngamya ũthaithi waku wawo na maŭndŭ ala maŭlite. Ame Asa wa ĩtŭnŭ manenge ũathimo mavisovu na onthe ala masŭviaa ngoo sya andŭ nŭ kana mŭendelenŭ yoo na ũmanyŭsyonŭ woo manyaŭkŭye Ndeto yaku yawo na ūla yŭ thayŭ na kwŭanŭsya Sakalamendi syaku ntheu kwa wŭlu. Manenge andŭ maku onthe ũathimo wa ĩtŭnŭ; na mŭno kwa aa mombanŭite vaa, nŭkana kwa ngoo sya kŭkŭio na wŭnyivyo mewe na kwosa Ndeto yaku ntheu, makŭthŭkŭme kwa wo na ũtheu mŭthenya yonthe ya thayŭ woo. Naingŭ nŭtŭŭkwŭsŭva kwa wŭnyivyo kwondŭ wa ŭseo waku Mwŭaŭi ũmakiakisye na kŭmatethya onthe ala mena mathŭna, kŭthikŭi, ŭwan kana thŭna ona wŭva nthŭnŭ wa thayŭ ŭŭ ũtatŭaa. Nŭtŭŭyŭkumya syŭtwa yaku ĩtheu kwondŭ wa athŭkŭmi maku onthe ala makwie me mŭikŭionŭ waku na kŭkŭionŭ kyaku, nŭtŭŭkŭvoya ũtŭnenge ũathino waku tŭa-tŭie ngelekanyo yoo nzeo nŭkana twithŭwe na ngwataŭio nao ya ŭsumbŭi waku wa ĩtŭnŭ. Tŭnenge ũu Asa nŭndŭ wa Yesŭ Klŭsto ūla eweka nŭwe mwiwanŭthya na mŭvoyei waitu. *Ameni.*



*Nivo indi ūla Kasisi ūneenaa na ala meūthengeea Mesa akyasya:*

**I**NYWĪ ala mumbūlaa naī syenyu na w'ō, ala mwī na ūalyūlo wa ngoo, na ala me katī wa kwendana kūeke-anīa na anyanyae menyu, mwī na ililikano sya kwenda kūtūwa eū katī wa mwikalile wenyu, kwondū wa kūatiīa mīao ya Ngai, mūkyenda kuma yuyu kūenda nzianī ntheu: thengeeai vaa mwī na mūikīio mūke mwose Sakalamendi īī ntheu ya kūmūkiakisyā inywī; mūmumbūlile Ngai Mwene vinya w'onthe naī syenyu, mwīnyivītye mūtulītye ndu na ūuu.

*Vaa nīmeaiwe nī ūmwe nthini wa Makasisi ala me vo, mawumbūlo ma ala mevo onthe, na masyitwa ma onthe ala me na kililikano kya kwīthiwa vo nthini wa Mūamba Mūtheu; ūla Kasisi annene atulītye ndu katī wa wīnyivyo, vamwe na andū onthe, makyasya:*

**A**ME NGAI Mwene vinya w'onthe, Īthe wa Mwīaiī waitū Yesū Klīsto, Mūmbi wa syīndū syonthe, Mūsili wa andū onthe, nītūkumbūla na kūīa naī sitū na mothūku maitū ma kīla mūthemba, ala twīkaa kīla ivinda katī wa malilikano na katī wa ndeto na katī wa meko, kwondū wa kūkwīw'ithya woo mūno, We Mwene ūtonyi w'onthe wa Ūngai, o na tweethiwa tūkiūthatya ūndū wa w'ō na kūkwīw'ithya woo ki. Nītūkwīlilīla mūno, nītūkwīw'a woo ki nūndū wa kwīka kwitū kūthūku; maūndū asu yīla tūmalilikana ni ma ūtwīw'ithya woo ithyī ene, mūio wamo ndūkuīka. Twīw'ie tei, twīw'ie tei, ame Asa Mwene tei w'onthe; kwondū wa Mwana waku Mwīaiī waitū Yesū Klīsto, ūtūeke maūndū onthe mathūku ala twīkīte; na ūtūnenge ūtonyi wa kūkūthūkūma kuma yu na kūkwendeesya katī wa weū wa thayū, na kūyītaīa syītwa yaku, na kūyīkatha: kwondū wa Yesū Klīsto, Mwīaiī waitū. Amenī.

*Na ivinda yīu Kasisi aūngeme (kana Mūvisovu, ethwa nīvo ūi) na amina kwelekela ngalī ūla yī andū, aneene ndeto īī sya kūvetewa naī:*

**N**GAI Mwene vinya w'onthe, Asa waitū wa itunī, ūla kwondū wa wingī wa manee make nīwanenganie watho wa ūiekeo wa naī kwa asu ala methyūūaa kwake we kwa

ūalyūko wa ngoo na mūikīio wa w'ō: amwīw'ie tei, amūekeke naī syenyu syonthe aimūtangīa nasyo: amūlūmī-īlye na kūmūnenga vinya wa kwīka maūndū onthe maseo: amūlikye katī wa thayū ūtathela: kwondū wa Yesū Klīsto Mwīaiī waitū. Amenī.

*Indi Kasisi ayasya ūu:*

Īw'ai ndeto sya ūkiakisyo ila Mūtangīi waitū Yesū Klīsto waisye kwondū wa andū onthe ala mamwīthyūūiaa na w'ō.

**Ū**KAI kwakwa inywonthe ala mūthīnīaa wīa na ala mwī na mīio mīito, nakwa ngamūthūmūsyā.

*Mathayo 11. 28.*

Nūndū Ngai nīwendete nthī, nīwanenganie Mwana wake e ūmwe, nī kana o ūla ūmwītikīlaa ndakae, īndī ethīwe na thayū ūtathela.

*Yoana 3. 16.*

Īw'ai īngī ūndū Mūtheu Vaulo waisye.

Nī ndeto ya kūikīiwa, na nīyāilwe nī kwītikīlwa nī andū onthe, kana Klīsto Yesū ookie kūū nthī kūmatangīa andū athe.

*1 Timotheo 1. 15.*

Īw'ai īngī ūndū Mūtheu Yoana waisye.

Ethwa mūndū akeeka naī, twī na Mūtūvoyei kwa Asa, Yesū Klīsto ūla mūlūngalu nake nīwe nthembo ya wīw'anīthyo kwondū wa naī sitū.

*1 Yoana 2. 1.*

*Ītina wa ūu Kasisi naendee ayasya:*

Ūkilyai ngoo syenyu.

*Ūsūngio.* Twīsyūkilīlyā Mwīaiī.

*Kasisi.* Tūmūtūngīei mūvea Mwīaiī Ngai waitū.

*Ūsūngio.* Nīw'ō waile na wa w'ō wa kwīka.

**Ū**U nī ūseo kwitū na nī wa w'ō, na nī ūla ūtwaile mūno, na ūndū wa ūthing'īisya, wa ithyī Ndeto isu, Asa kīla ivinda na kīla vandū kūtūnga mūvea Mūtheu nīkilawa kwaku we Mwīaiī Asa Mūtheu, Mwene vinya w'onthe, Ngai ūla ūte na Mwambī-līlyo kana mūminūkīlyo.

*ikesa ūwetwa kyumwa kya ūtatū.*



*Na vau vaatiāa mwambililyo ūla waile ivinda yīu, ate o matukū ala mate naw'o nūtonya kūendee na kwasya ūu:*

**K**WONDŪ wa ūu, ithyī naitū vamwe na alaika na alaika ala anene, na nguthu yonthe ya itunī, nītū-ūyīkatha na kūyīnenevya syītwa yaku itheu; tūkūtaīae tene na tene tūkyasya, “Mūtheu, Mūtheu, Mūtheu, Yeova Ngai wa nguthu, itu na nthī nīsyusūite ndaīa yakū: ndaīa nīwīthīwe kwaku, Ame Ngai ūla wī iūlū.” Amenī.

### MYAMBĪLĪLYO ĪLA YAĪLE

*Kwa Īsyawa ya Mwīāī waitū, na mīthenya ingī mūonza ĩla ĩatīāa.*

**K**WONDŪ watūnengie Mwana waku Mūsyawa weka Yesū Klisto asyawe kwondū witū o ta ivinda yīi ya yuyu, kwondū wa wīko wa Veva Mūtheu watwīkie mūndū na mwīi wake wāi wa mūthemba ūmwe na mwīi wa Mwīitu Meli nyinyia; na ndaaoneka e na ĩlanga o na yīva ya naī, nī kana atūthambye naī syonthe. Kwondū wa ūu ithyī naitū vamwe na alaika . . .

*Kwa mūthenya wa Ūthayūkyo, na mīthenya ingī mūonza ĩla ĩatīāa.*

**Ī**NDĪ nītwaīlitwe mūno mbee kūkūtaīa kwondū wa kūthayūka kwa Mwana waku Yesū Klisto Mwīāī waitū: nūndū nīwe Kalondu ka Vasaka ki, kala kathembiwe kwondū witū, na nīwosete naī sya nthī, ūla kwa kīkw'ū kyake nīwanangīte kīkw'ū, na kwa kūsyūka kwīthīwa thayū ingī nūtūnete ingī ithyī thayū wa tene na tene. Kwondū wa ūu ithyī naitū vamwe na alaika . . .

*Kwa mūthenya wa kwambata itunī, na mīthenya ingī mūonza ĩla ĩatīāa.*

**N**THĪNĪ wa Mwana mwendwa waku Yesū Klisto Mwīāī waitū; ūla ĩtina wa kūsyūka kwake nīweyō-nanīsyē ūtheinī kūla kwī atūmwa make onthe, na ambata itunī o mamwene akatatūseūvīsyē ithyī vandū va kwīkala, nī kana vala ūī, naitū tūtonye kūthi vo, na kūsumbīka vamwe nake nthīnī wa ūtheu. Kwondū wa ūu ithyī naitū vamwe na alaika . . .

*Kwa mūthenya wa Vendekosito, na mīthenya ingī thanthatū ĩla ĩatīāa.*

**K**WONDŪ wa Yesū Klisto Mwīāī waitū; ūla o ūndū wa kwathana kwake kwa w'o, Veva Mūtheu watūthee e o ta ivinda yīi kuma itunī vamwe na kūumo kīnene kīla kyookīte mītūkī, ta kūutani kīnene kya kīseve, e na mūvw'ano wa nīmī ta sya mwaki, ĩla syekalīle iūlū wa mītwe ya Atūmwa, kwa kūmamanyīsyā na kūmatongoesyā katī wa w'o w'onthe amanenga mīthīnzīo ya ithyomo ingī, na ūkūmbaū na ūthangaau, nī kana matonye kūendee na kūmanyīsyā andū ma mbaī syonthe Ūvoo Mūseo: na kū nīkyo kītumi kya kūtumya ithyī naitū kīvindunī na mavītyonī, na kūtūlikya kyeninī na ūmanyinī wa w'o waku na wa Mwana waku Yesū Klisto. Kwondū wa ūu ithyī naitū vamwe na alaika . . .

*Kwa mūthenya wa Ūtatū: o ūsu tū.*

**Ū**LA we wī Ngai o ūmwe, Mwīāī o ūmwe; ti kana wī thayū o ūmwe wī o weka, ĩndī wī mathayū atatū naku wī o mwīkalīle o ūmwe ūla wa kuma tene. Nūndū maūndū ala tūkwataa na kūmetīkīla katī wa ndaīa ya Asa, nīmo twītīkīlīte katī wa Mwana wake, na katī wa Veva Mūtheu, tūtyīkīāa kīvathūkan'yo kana kūolanga. Kwondū wa ūu ithyī naitū vamwe na alaika . . .

*Na mwambililyo ūsu wathela, o yu nīkwīnawa na kūkaneenwa ndeto isu:*

**K**WONDŪ wa ūu, ithyī naitū vamwe na alaika na alaika ala anene, na nguthu yonthe ya itunī, nītū-ūyīkatha na kūyīnenevya syītwa yaku itheu; tūkūtaīae tene na tene tūkyasya, “Mūtheu, Mūtheu, Mūtheu, Yeova Ngai wa nguthu, itu na nthī nīsyusūite ndaīa yaku: ndaīa nīwīthīwe kwaku, ame Ngai ūla wī iūlū.” Amenī.

*Na ĩndī vau ūla Kasīsi atulasya ndu vau Mesanī ya Mwīāī, na aineena ndeto sya mboya ĩno kwondū wa andū onthe ala mekwīthīwa mūambanī mūtheu.*

**Ī**THYĪ tūtyāīle kūka Mesanī yaku, ame Mwīāī Mwene tei, tūyīkwatya ūlūngalu witū ithyī ene, ate o kwa kwīkwatya tei waku ūla mwingī mūno. O na tūtyāīle kūkolan'ya tūlungu tūla twī ūungu wa Mesa yaku, ĩndī we

nue ūla Mwīaii, nayo ndaia yaku nī kwīthīwa na tei mavinda onthe. Ame Mwīaii Mwene ūathimo, ūtūnenge indī tūye mwīi wa Mwana waku mwendwa waku Yesū Klīsto na kūmīnywa nthakame yake ūndū waile nī kana mīi yaitū yī na nai itonye kūthew'a nī mwīi wake, na maveva maitū kūthambw'a nī nthakame yake yī vata mūno, na nī kana twikalae nthīnī wake nake ekale nthīnī waitū mavinda onthe. *Ameni.*

*Na indī ūla Kasisi amina kūseŭvya Mūkate na Mbinyu o aūngeme mbee wa Mesa Ntheu, nī kana atonye na mitūki na ūi kūtila Mūkate mbee wa andū, na kwosa Kikombe na kwoko kwake, nasome mboya ino iatīe, ya kwia syīndū isu mbee wa Ngai:*

**A**ME NGAI Mwene vinya w'onthe, Asa waitū wa itunī, nī ūndū wa tei na ūseo waku we watūmie Mwana waku e ūmwe Yesū Klīsto akw'a iūlū wa Ngelan'yo nūndū wa wovosyo witū, nayo nīwaumisye nthembo o imwe, nayo nī nthembo ya thayū wake, ūla waumiw'e o imwe tū, enengane kūtwika ta kila kīsīiāa ūthūku, eetw'a nthembo mbīanīu nūndū wa mavītyo ma nthī yonthe: nake nīwaiie na kūtwīaia ithyī katī wa ivuku yake itheu tūendee na kwīthīwa na ūlilikan'yo wa kīkw'ū kyake kya vata mūno, kūvika oke ingī. Twī-  
thukūsyē ithyī twī maūūnī maku, ame Asa Mwene tei; naku tūathīsyē ivinda yī tūyosa syīndū ii ila we woombie, sya Mūkate na Mbinyu, o tondū Mwana waku mūtūtangīi waitū Yesū Klīsto weekie nūndū wa kūlilikanā kūnyamaw'a kwake na kūkw'a: twīthīwe ala me na mūamba katī wa Mwīi wake na nthakame yake ūla yīathimītwē mūno: we ūtukū ūla wathīniwe, <sup>1</sup>oosie Mūkate na, atūngīte Mūvea, <sup>2</sup>atilan'ya, na amanenga amanyīw'a make akyasya, "Osai mūye: <sup>3</sup>ūū nīw'o Mwīi wakwa ūla ūnenganītwē kwondū wenyu: ikaai ūu kwa kūndilikanā nye." No ta ūu itina wa kūya <sup>4</sup>oosa Kikombe, na amina ūtūnga mūvea, amanenga, aimea, "Nywai inywonthe ino: nūndū <sup>5</sup>nīyo

nthakame yakwa ya Ūtianīo Mweū, inīkwītwā kwondū wenyu inywī na kwondū wa andū aingī, kwa ūkeo wa nai: ikaai ūu yīla mūūnywa, kwa kūndilikanāa nye." *Ameni.*

*Na indī vau ūla Kasisi nīwe wambaa kwosa Mūkate na Mbinyu mbee, na amina indī aiendee na kūmanenga Mavisovu na Makasisi na Masyemasi o mūthemba ūsu, ethīwa andū asu nīvo mai, na indī itina aimanenga andū ala angī kwa nzīa ūla yaile, aimanenga mokonī moo ivinda yīu methīwe matulītye ndu me na wīnyīvyo. Na yīla wamūnenga mūndū ūla Mūkate, ūla Kasisi aasyaa ūu,*

**M**WĪI wa Mwīaii waitū Yesū Klīsto, ūla wanenganiwe nūndū waku, nīwikalye mwīi waku na thayū waku ūsūvionī kūvika thayū ūtathela. Osa, ūye, nūndū wa kūlilikanā ūndū Klīsto wakwie kwondū waku, naku ithya ngoo yaku kwake ūyītikīla na ūitūnga mūvea.

*Na Kasisi ūla ūnūnenga andū kīla Kikombe asya ūū,*

**N**THAKAME ya Mwīaii waitū Yesū Klīsto, ila yetiwe kwondū waku, iwīe mwīi waku na thayū waku ūsūvionī kūvikīa thayū ūtathela. Nywa ino kwa kūmīlikana Nthakame ya Klīsto ūndū yetiwe kwondū waku, na ūtūnge mūvea.

*Na ethīwa Mūkate kana Mbinyu ila inenganītwē mbee wa Ngai nīsyathela na andū no matiele ma kūthengeea mesa, ūla Kasisi nīwongele- elaa Mūkate na Mbinyu, o ūndū vau iūlū vaandīkitwe, ayambīlīlya vau ve ndeto isu: Mūtangīi waitū Yesū Klīsto . . . ūtukū ūla wathīniw'e nūndū wa kūathīma Mūkate na isu: No ta ūu itina wa kūya . . . nūndū wa Kūathīma Kikombe.*

*Mamina kūthengeea onthe, ūla Kasisi nūsyokaa ingī o vau Mesani ya Mwīaii na ayīlīla syīndū ila syatīala inenganīwe kwa Ngai kwondū wa wīa ūsu, na akīvw'īka na kitambaa kītheu kya katani.*

*Na indī vau ūla Kasisi nūneenaa Mboya ya Mwīaii, na andū onthe maneenaa itina wake.*

**A**SA waitū ūla wī itunī, syītwā yakū yīthīwe itheu, ūsumbī waku wūke, wende waku wīkwe kūū nthī tondū wīkawā itunī. Tūnenge ūmūnthī kandū kaitū keanīu. Naku ūtūekeke mawathe maitū, ūndū naitū tūmaekeaa kīla mūndū mavītyo make. Ndūkatūtwaē katī wa ūtatwa, indī twovosye kwa ūthūku. Nūndū ūsumbī na vinya na ndaia nī syaku, tene na tene. *Ameni.*

*Na itina asoma ūu.*

**A**ME MWĪAĪI Asa waitū wa itunī, ithyī athūkūmi maku me na wīnyivyo nītūkwenḁa mūno kwondū wa ūseo waku we Asa, ūtwīw'ie tei, naku ūimyosa nthembo īno yaitū ya ndaīa na mūvea; twīkūvoya ūu twī maūūnī maku kwondū wa wailu wa Mwana waku Yesū Klīsto, na kīkw'ū kyake, na nūndū twīkīā nthakame yake, ūtūnenge ithyī na īkanisa yaku yonthe ūekeo wa naī sitū, na maūseo ala angī onthe ma kūnyamaw'a kwake. Naitū yuyu vaa twīnengane mathayū maitū, na nītwehengeesya ithyī ene kwaku, ame Mwīaīi, mīi yaitū na mathayū maitū, tūtonye kwīthīwa nthembo yī thayū na yī na wailu na yī na ūtheu kwaku we; naitū nītūūkwīnyivīsya mūno tūkyenda kwaku, ithyī ithyonthe ala twathengeea Mūamba ūū Mūtheu, tusūwe nī ūathimo waku na ūseo waku wa itunī. O na kau tūtyaīle kūkumīsya nthembo o na yīva kwondū wa naī sitū sya mīthemba na mīthemba, īndī nthembo īno yaitū ya yuyu, twīvoya nī kana ūmyose; na nūndū ndeto īsu nīyo itwaīle, nīw'o ūthūkūmi witū ūla tweaīwe, naku ndūkatale wailu witū, īndī ūtūeke maalyūkanga maitū kwondū wa Yesū Klīsto, Mwīaīi waitū, ūla We vamwe naku Asa Mwene ūtonyi w'onthe katī wa Veva Mūtheu, na kwaku nīkwīthīawa ndaīa yonthe na ūtheu w'onthe, tene na tene. *Ameni.*

*kana īno,*

**A**ME NGAI Mwene vinya w'onthe, ūla wikalaa tene na tene, twīkūtūngīa mūvea na ngoo sitū syonthe nūndū wa kūtūathima ithyī kwosa maūndū aa matheu ma kīmbithī o tondū kwaīle, o na nī līu wa thayū wa Mwīi na wa Nthakame ya Mwana waku Mūtūtangīi Yesū Klīsto, sya ūya īla syī vata mūno; nthīnī wasyo nūtūmanyīthītye īnee yaku na ūseo waku kwitū: na kana twī mamutha ma Mwīi wa kīmbithī wa Mwana waku, naw'o nīw'o nguthu ya onthe ala makwīkwatasya; naitū twī atīwa ma ūsumbī waku ūte mūminūkīlyo kwondū wa wīkwatyo, kwondū wa wailu wa kīkw'ū kya Mwana waku mwendwa, na ūnyamao wake wa vata mūno. Īndī twīkūvoya mūno, ame Asa,

twī vaa maūūnī maku, ūtūtethye nūndū wa īnee yaku nī kana tūtonye kūendee katī wa Mūamba ūsu mūtheu, twīanīsye mawīa maseo, o kwīanana na ūndū watūseūvisye kuma tene, tūendeeae mbee nthīnī wamo; kwondū wa Yesū Klīsto Mwīaīi waitū, ūla kuma tene na tene vamwe naku na Veva Mūtheu e na ndaīa na ūtheu mwīanū. *Ameni.*

*Na vau nīvaneenawa na kwīnwa,*

**N**DAĪA nīyīthīwa kwa Ngai īlū mūno, na mūuo nīwīthīwe kūū nthī andūnī. Nītūūkūtaīa we, nītūūkūthaītha we, nītūūkūnenevya we, nītūūkūngīa mūvea we, kwondū wa ūtheu waku mūnene, ame Mwīaīi Ngai Mwene vinya w'onthe, Mūsumbī wa itunī, Ngai Asa Mwene vinya w'onthe.

Ame Mwīaīi Mwana mūsyawa weka Yesū Klīsto; Mwīaīi Ngai, Kalondu ka Ngai, Mwana wa Īthe, ūla ūvetaa mavītyo ma nthī, twīw'ie tei. We ūla ūvetaa mavītyo ma nthī, twīw'ie tei. We ūla wikalaa ngalī ya kwoko kwa aūme kwa Ngai Asa, twīw'ie tei.

Nūndū noue mūtheu, noue Mwīaīi, noue Klīsto vamwe na Veva Mūtheu ūla wī īlū mūno ūtheunī wa Ngai Asa. *Ameni.*

*Na vau īndī ūla Kasisi (kana Mūvisovu ethīwa e vo) nūmombūūkasya andū na ūathimo ūū.*

**M**ŪUO wa Ngai, ūla ūvītūkīte ūmanyi w'onthe, Mūsumbīe ngoo syenyu na malīlikano menyu katī wa kūmūmanya na kūmwenda Ngai, na Mwana wake Yesū Klīsto Mwīaīi waitū: Na ūathimo wa Ngai Mwene ūtonyi w'onthe, Asa, Mwana na Veva Mūtheu, wīthīwe na inywī na wīkale kwenyu mavinda onthe. *Ameni.*

*Mboya īsu īatīanīe vau, nīneenawa ītina wa kumya nthembo, mīthenya yonthe ūla kūteūthengeew'a Mesa, īmwe kana mbee: nasyo nītunya kūneenwa, o yīla kwī na vata, ītina wa Mboya sya Mboya ya kīoko kana ya Wīoo, Mūamba, kana Litania, o yīla ūla Kasisi wīona kwaīle kūsoma.*

**A**ME MWĪAĪI, twīw'ie tei, ūtūtetheesye, katī wa Mboya sitū na kwīnyivya kwitū na ūitwoneleelya nzīa sitū ithyī athūkūmi maku nī kana tūtonye kūūvīkīa ūtangīio wa tene na tene; o na kau nthī īno tūi

niniūmathyūlūlūka andū na ikimakūna mūno, indī ithyī andū maku twithiwe tūisūviwa mavinda onthe kwondū wa ūtethyo wa ūathimo waku ūla ūtūvikīaa na mītūkī: kwondū wa Yesū Klīsto Mwīaīi waitū. *Ameni.*

**A**ME MWĪAĪI mwene ūtonyi w'onthe Ngai ūte na mwambīlīyo kana mūminūkīlyo, twiūvoya ūathime ngoo sitū na mīi yaitū nī kana itonye ūtongoew'a o ūu na kūthew'a na kūsumbikwa nue katī wa mīao yaku na wīaīi waku, na kwondū waku kūtūsūvīa vaa nthī na tene na tene, tūtangiīwe mīi yaitū na mathayū maitū: kwondū wa Mwīaīi waitū na Mūtangiīi Yesū Klīsto. *Ameni.*

**T**WĪTĪKĪLE ame Ngai Mwene ūtonyi w'onthe, twiūvoya, nūndū wa ndeto isu tweew'a ūmūnthī na matū maitū ma mwīi, ūtonye kūkwatan'ya mūno na ūathimo waku katī wa mathayū maitū nthīnī, nī kana isyae nthīnī waitū mosyao ma mwīkalīle mūtheu, nī kana tūyietee syitwa yaku ndaīa na ūtheu: kwondū wa Yesū Klīsto Mwīaīi waitū. *Ameni.*

**T**ŪTONGOESYE ame Mwīaīi, katī wa meko maitū onthe kwondū wa ūlau wa ūathimo waku, ūtūtwaē na mbee na ūtethyo waku mavinda onthe; nī kana mawīa maitū mambīlīye na kūtwaiīwa na kwīanīw'a nthīnī waku, nī kana tūyinenevye syitwa yaku itheu, na mūminūkīlyo twone thayū ūtathela kwondū wa tei waku: kwa Yesū Klīsto Mwīaīi waitū. *Ameni.*

**A**ME NGAI Mwene vinya w'onthe, mwambīlīyo wa ūmanyi w'onthe nue, we nīwīsī vata witū mbee wa tūtanamba kūkūvoya, na ūtumanu witū yīla tūkūvoya o naw'o nīwīsī: twikūvoya ūtwīw'ie tei kwondū wa ūvūthū witū, na maūndū ala tūtailwe nī ūkūvoya kwondū wa ūthūku witū, vamwe na ala tūtesī kūvoya nī kwīthīwa twī ilalinda, o namo itīkīla ūtūnenga kwondū wa wailu wa Mwana waku Yesū Klīsto Mwīaīi waitū. *Ameni.*

**A**ME NGAI Mwene ūtonyi w'onthe, we nue watūnengie watho kana ūkeanīsyā vata wa onthe ala makūvoya na syitwa ya Mwana waku: twikūvoya ūtee

matū maku ūtwīw'ie tei ithyī ala tūkūthengeea yuyu na mboya sitū na vata witū; wītīkīle kana maūndū asu ala twakūvoya na kīthito kwīanana na kwenda kwaku matonye kūtūkīkīa nī kana mavata maitū meanīw'e na ūtaīo waku wonanw'e, kwondū wa Yesū Klīsto Mwīaīi waitū. *Ameni.*

*Kīla mūthenya wa kyumwa kana mūthenya o ūngī mūnene, ethīwa kūtīi Mūamba Mūtheu, nīkūsomawa maūndū onthe ala meaitwe kūsomwa ivinda ya Mūamba Mūtheu mūvaka ithele mboya ya kūmavoyea andū onthe (Nītūvoyeei mwīkalīle w'onthe wa İkanisa ya Klīsto) vamwe na mboya imwe kana mbee, katī wa isu syandīkītwa vaa iūlū: na kūminīa na ūathimo.*

*Na kūtonyeka kūthengeew'a Mesa ya Mwīaīi nī andū avūthū ate o mūvaka andū maingīvanga ūtalo wa asu meūka Mesanī ya Mwīaīi vamwe na ūsu Kasīsi o kwīanana na ūndū we mwene wīona nīwāile.*

*Na ethīwa andū mainavitūka mīongo ilī kūu ndūani ila syī vakwī na İkanisa, ala maile kūka Mūambanī Mūtheu, kūikethīwe Mesa mūvaka mooneka andū ana (kana andū mate avūthū kwī atatū) mamanyithye Kasīsi.*

*Na nthīnī wa makanisa ala manene ala me na ivila sya ūvisovu, na makanisa ala angī ma mūvīa o ūsu, navo ethīwa Makasīsi aingī me vo na Masyemasi, nīmaile kūka Mūambanī Mūtheu onthe kīla mūthenya wa kyumwa mateūtīa vamwe na Kasīsi ate o makwatitwe nī ūndū ūtuma mateka ūu.*

*Na nī kana kūikethīwe mokūlyo ma mūndū o na wīva ala matonya kūete ngananīo kana kūthūkyā ūthaithī, kwondū wa Mūkate na Mbinyu, nīwīanīwe ethīwa Mūkate nī ūla ūisawa kīla mūthenya: indī nīkwīthīwe Mūkate mūseo wa mītu wa nganū ūla ūtonya kwoneka kwa ūvūthū.*

*Na ethīwa nīvatīala kīndū, Mūkate kana Mbinyu, na ethīwa kīyīī kīnamba ūnenganwe mbee wa Ngai, ūla Kasīsi nūtonya kwosa akaya; indī ethīwa syatīala ila syīnenganītwe kwa Ngai, itikaumaalw'e nza wa nyūmba ya Ngai, indī syamīna ūsomwa ndeto sya ūathimo, ūla Kasīsi na ala angī ala wīmeta moke kwake, nīmaye na mainywa matīalo asu.*

*Mūkate ne Mbinyu sya Mūamba Mūtheu no mūvaka maetwe nī Kasīsi na Asūvīi ma İkanisa; na thooa wasyo umw'e nī andū ma İkanisa yīu.*

*Na indī sisyai, kīla mūndū wa vau İkanisanī ndakatīe kwīthīwa Mūambanī Mūtheu mūvaka imwe mavinda atatū, na katī wamo ivinda ya ūthayūkyo yīkeethīwa yīmwe.*

*Na indī mūvaka ivinda ya ūthayūkyo kīla mūndū asūanie e na Kasīsi kana mūtetheesya wake ūndū wa ūtalo wa ilungu syake sya İkanisa ila syaile kūtōwa ivinda yīu na indī aīva.*

*Mūseūvīlye wa ūthengeea Mesa ya Mwīaīi kana Mūamba Mūtheu wathelēla vau.*

MŪSEŪVĪLYE WA ĪVINDA YA  
KŪVAATISA SYANA

MBEE WA ANDŪ

NAW'O WĪKAWA IKANISANĪ TŪ

*Andū nīmatavwe kana nī ūndū waile Ūvaatiso ndūkethiwe ivinda ying ate o mūthenya wa kyumwa kana mūthenya ūngi mūtheu, nūndū mūthenya isu andū aingi makothaa kūka ūthaithini: naw'o ūvoo ūsu nīweeaīwe nī kana ūmbano wa andū onthe ūtonye kūkūsīa asu ala meūvaatiswa na kūlikw'a kati wa ūtalo wa Īkanisa ya Klisto; na ingi, nī kana ivinda yila syana isu ūvaatiswa ūmbano wa andū aima ala me vo matonye kūlilikanw'a ūndū ūla meevitie mbee wa Ngai, kila ūmwe ivinda yila wavaatisiwe. Kwondū wa ūu yila kūūvaatiswa nīkwaile kūneenawa na kithyomo kila kineenawa nthi isu. Vamwe na ūu, ūvaatiso wa syana nūtonya kwithiwa mūthenya o ūngi (ethiwa kwi vata waw'o).*

*Na sisya, kila kaana keūvaatiswa, ethiwa nī kavisi, kethiwe na aūngamū mako atatū, aīme eli na mūndū mūka ūmwe, na kwa kila kelitu no ta ūu, aka eli na mūndūūme ūmwe.*

*Na yila ve na syana sya kūvaatiswa, nī ūseo asyai ma syana mamū-manyithye Kasisi ūvoo ūsu ta ūmūnthi, naw'o ūvaatiso wī ta wa ūni, kana mūthenya ūsu wa kūvaatisa, kioko mbee wa Mboya sya Kioko. Na indī ala aūngamū na asyai maendaa kwikala vakwī na vondi; methiwe vo itina wa kūsoma kwa keli, ethiwa nī mboya ya kioko kana ya wīoo, kwianana na ūndū Kasisi wīona waile.*

*Nake Kasisi aendaa vau vondini (naw'o vondi wīthiwa wusūte manzi ivindani yūu), na amina kūūngama vau aineena ūu:*

**A**TĪĪ, kaana kaa kaavaatiswa ingi, kana aiee ?

*Masya, Aiee, nīvo indī ūla Kasisi ūendeeaa na kūneena ndeto ii:*

**I**NYWĪ ala mwendetwe mūno, nūndū wa kwithwa landū onthe nīmaitavawa na kūsyaiwa naini, na nūndū Mwīaii waitū Yesū Klisto aisye kana mūndū ndatonya kūlika ūsumbinī wa Ngai, ate o ethiwe asyaītwe ingi ya

KŪVAATISA SYANA

keli ūsyao mweū kati wa manzi na Veva Mūtheu: nīngūmwīsūva inywī mūmwīkaile Ngai Asa kati wa Mwīaii waitū Yesū Klisto, nī kana kwondū wa inee yake inene akanenge kaana kaa kyu kila kwondū wa mwikalile wako wa tene katatonya kūkyosa; na nī kana kose kūvaatiswa na manzi na Veva Mūtheu, na kūthokw'a kati wa Īkanisa ya Klisto itheu, na kūtuwa imutha yī thayū ya Īkanisa.

*Nīvo indī Kasisi ayasya,*

Nītūvoyei.

**A**ME NGAI Mūtonyi wa maūndū onthe, ūla ūte mwambīlīlyo kana mūminūkīlyo, kwondū wa tei waku mūnene wamūvītya Noa na ala ma nyūmba yake kwa ūla ngalawa, wamavītya na ūla wanangīko wa kīw'ū; naku Ngai wamatongoesya nesa andū maku ana ma Īsilaeli kati wa Ūkanga Mūtune kwa kwonanya ngelekan'yo ya ūvaatiso waku mūtheu: na ingi kwa ūvatiso wa Mwana mwendwa waku Yesū Klisto ūsinī wa Yolotane, nīwama-theisye manzi, ngelekan'yo ya kūthambya nai, nūndū wa maūndū ma nthini: ithyī nītūūkwīsūva kwa tei waku mūnene ūsisye kaana kaa, ūkathambye na ūkathesye na Veva Mūtheu, nī kana, vamwe na kūtangīwa kwako kuma ūthatuni waku, kathokw'e ngalawani nayo nī Īkanisa ya Klisto; na ūndū kwikalaa na mūkīio na ūtanu wī na wīkwatyo, na kūlūlūmīlwa kitina kyako nthini wa wendo, katonye kwīia itulumo sya nthi ino ya mathina, na mūmin-ūkīlyo katonye kūmīvikīa nthi ya thayū ūtathela; na kasumbike vamwe naku tene na tene, kwondū wa Yesū Klisto, Mwīaii waitū. *Ameni.*

**A**ME NGAI Mwene vinya w'onthe, maūndū onthe nūmatonya we, o na ndūemwa nī kīkw'ū; we Mūtethe-esyā wa onthe ala me na vata, na ūtethyo wa asu ala mokaa kwaku; na asu ala metīkīlāa; na ūthayūkyo wa ala makw'ie: ithyī nītūūkwīkaīla mūno twīkavoyea kaana kaa, nī kana kayūka ūvaatisoni waku mūtheu katonye kwosa ūkeko wa

naī syako kwa ūsyao mweū wa Veva. Ūkose, ame Mwīaīi, o tondū wathanie na kanywa wa Mwana waku mwendwa waku yīla waisye, “Voyai na mūkanengwa, manthai na mūkoonā, vingūsyai na mūkavingūīwa.” Na oyu kwīthīwe o tou, ūtūenge ūndū tūūkūvoya, ala tūūmantha twone, ūtūvingūīe mūomo ala tūūvingūsyā: nī kana kaana kaa katonye kūūtania ūathimo ūla ūendeeaa kūvikīa ūsumbīnī waku wa tene wa itunī na nī kana katonye kūūvikīa ūsumbī wa tene ūla watwathie kwa nzīa ya Yesū Klīsto Mwīaīi waitū. *Ameni.*

*Itina wa ūu andū onthe maūngame nake Kasisi aineena ūu,*

**I**THUKĪISYEI ndeto sya Ūvoo Mūseo ūla waandī-kiwe nī Mūtheu Maliko, kīlungu kya ikūmi na mūsoa wa ikūmi na itatū.

**N**A mamūetee syana nini nī kana aikiite: na amanyīw’a mamakan’ya. Īndī Yesū oona ūu, athatw’a, na amea, “Ikei syana nini syūke kwakwa; mūikaivate: nūndū ūsumbī wa Ngai nī wa ala mailyī ta isu. Nī w’o nīngūmwīa, O ūla ūtosaa ūsumbī wa Ngai ta kaana kanini, ndakalika vo nongi.” Na aivītiīsyā moko make, na aiathima, akīsīlīla moko iūlū wasyo.

*Itina wa Ūvoo Mūseo kūsomwa Kasisi naalyūle ndeto isu sya Ūvoo Mūseo na ndeto ii syī vaa itheo:*

**I**NYWĪ endwa, nthīnī wa Ūvoo Mūseo nīmweew’a ndeto sya Mūtangīi waitū Klīsto ūndū waisye kana syana nitwawe kwake o na īngī nīmweew’a ūndū wamatavisye andū onthe kwīka tasyo tondū syana ii nini itīi na ūthūku o na īngī nīmwoona ūndū wamanyīthisye andū kana nūsyendete mūno, na nūndū wa maūndū asu weekie oonan’ya kana nī w’o nūsyendete nūndū nīwasīlīle moko make na aiathima. Na nūndū wa ūu ekai kwīthīwa na nzika, itīkīlai naw’o, kana nūnūkwītīkīla syana ii syī vaa nūndū wa ūseo wake, na nūkūsyosa na moko ma tei wake, na nūnūkūinenga ūathimo wake wa thayū wa tene na tene;

o na īngī atume syīkala ūsumbīnī wake ūla ūtakathela, na kwondū wa ūu mūikethīwe na nzika ĩndī itīkīlai kana o ta ūu akīkosa kaana kaa na kūkasūvīa na moko make ma tei, na aikanenga ūathimo wa thayū wa tene na tene, na kūkatwīkīthya kosanii kati wa ūsumbī wake ūte mūminū-kīlyo. Kwondū wa ūu ithyī ala tūnengetwe kūmanya w’o, ūndū Asa waitū wa itunī wasyendie syana ii, tondū kwoonaniw’e nī Mwana wake Yesū Klīsto, ithyī naitū nītwaīle kwītīkīla wīa witū wa wendo kwa kūkaete kaana kaa ūvaatisonī wake mūtheu, na tūimūtūngīa mūvea kwa mūkīkīo na ūthaithi wa w’o tūineena.

**A**ME NGAI Mwene vinya w’onthe, ndwī mwambī-līlyo kana mūminūkīlyo, Asa waitū wa itunī, ithyī twī maūnī maku twīūtūngīa mūvea kwondū wa ūlau waku ūla ūtwītīte naw’o mūvaka ūmanyi wa īnee yaku na mūkīkīo nthīnī waku: twongele ūmanyi ūsu na ūtwīkie vinya mūkīkīo ūsu mavinda onthe. Syana ii ūinenge Veva Mūtheu, itonye kūsyawa ūsyao ūla mweū, na kūtwīkīthw’a andū ma kūtiīwa wovosyo ūte na mūminūkīlyo, kwondū wa ūla Mwīaīi waitū Yesū Klīsto, ūla wīkalaa na kūsumbīka vamwe naku na Veva Mūtheu, yuyu na kūvika tene na tene. *Ameni.*

*Itina wa ūu Kasisi namatavye andū ala maūngamūe syana ūu.*

**A**LĪLĪI inywī ala mwendetwe mūno, nīmūetete twana tūū vaa nī kana tūvaatiswe: nīmūvoyete kana Mwīaīi waitū Yesū Klīsto etikīle kūtwosa na kūveta naī syatwo, kūtūthesya na Veva Mūtheu, na kūtūnenga ūsumbī wa matunī na thayū ūtathela. O na īngī nīmweew’a ūndū Mwīaīi waitū Yesū Klīsto waneenie nthīnī wa Ūvoo Mūseo kana nūkanengane maūndū asu mwavoya. Na ūtīanīo ūsu wake mwene we ndakalea kūwīanīīsyā, nūkeka ūndū waneenie, na nūndū wa ūtīanīo ūsu wa Klīsto, twana tūū nītwaīle kūneena na makanywa menyu, inywī aūngamīi matw’o (kūvika yīla tūkeana tūtūwīke nītūtonya kwīneena e two) tūtavan’ye kana



nītwalea Satani na mawīa make onthe, na tūkeetikilaa mavinda onthe Ūvoo Mūseo wa Ngai, na tūkeew'aa mīao yake, o na twīkae o tondū wathanīte nayo.

Kwondū wa ūu nīngūmūkūlya o mūdū vandū va kaana kala ūetete,

**A**LILII, kwa syītwā ya mwana ūū, nūūmūlea Satani na mawīa make onthe, na maūdū mate na vata ma kūū nthī īno, o na kwīlīlīla maūdū ma mwīi, ndūkatongoew'e nīmo?

*Ūsūngio.* Ninamalea oonthe.

*Kasisi.* We nīwītīkīlīte Asa Mwene vinya w'onthe, Mūmbi wa itu na nthī? O na īngī nīwītīkīlīte Yesū Klīsto Mwana wake mūsyawa weka, Mwīaīi waitū? Na kana asyaiwe nī mwīitu Meli, wekiīwe īvunī nī Veva Mūtheu, na athīnw'a īvinda ya Vondio Vilato, na ambwa mūkelan'yoni, na akw'a, akīthikwa, akīlīka vala maveva ma ala akw'ū mekalaa: na mūthenya wa katatū akīthayūka kuma akw'ūnī, akyambata ītunī, nīvo ūilyī ngalī ya kwoko kwa aūme kwa Īthe Ngai Mwene vinya w'onthe; nīvo ūkauma asilīle ala me thayū na ala akw'ū? Nīwītīkīlīte Veva Mūtheu, īkanisa ītheu yīla yī nthī yonthe, mūamba wa atheu, ūkeo wa mavītyo, ūsyūko wa mwīi, na thayū ūtathela ītina wa kīkw'ū?

*Ūsūngio.* Maūdū asu onthe nīnīmetīkīlīte naw'o.

*Kasisi.* Nūkwenda ūvaatiswe wītīkilonī ūū?

*Ūsūngio.* Īi, nīngwenda.

*Kasisi.* We nūkwenda kūatīia mīao mītheu ya Mwīaīi Ngai na mawatho make, ūmaatīie asu tū mīthenya yonthe īla wīthīwa thayū?

*Ūsūngio.* Ūu nīw'o ngwenda.

*Ītina wa ūu Kasisi nīasye ūu,*

**N**GAI wusūitwe nī tei, ītikīla kūtuma mūdū wa tene ūla wī nthīnī wa syana ii akw'e, nī kana nthīnī wasyo vaume mūdū ūngī mweū. *Ameni.*

Ītikīla mawendi onthe ma mwīi makw'e nthīnī wasyo, na maūdū onthe ma kīveva mekale na meane nthīnī wasyo;

Ītikīla syīthīwe na vinya nī kana itonye kūkīlya Satani vinya, o na maūdū ma nthī īno, o na maūdū ma mū yasyo. *Ameni.*

Ītikīla kīla ūmwe ūkwīa kyuu kyake kwaku kwondū wa ūthūkūmī witū, na ūthengeesyō witū ithyī, avw'īkwe mumo waku wa ītunī, na kūnengwe mūthīnzīo wa tene na tene, ame Mwīaīi wikalaa na kūsumbika maūdū onthe, tene na tene. *Ameni.*

**A**ME NGAI Mwene vinya w'onthe, we ūla wikalaa thayū tene na tene, ūla Mwana waku mwendwa Yesū Klīsto kwondū wa kūtūkeka naī sitū, aumiw'e nī mūnyū-lūlo wa manzī na nthakame vau mbaunī syake sya vata mūno; na amanengīe amanyīw'a make mwīao wa kūthī kūmatwīkīthya andū ma mbaī syonthe amanyīw'a, na maivatiswa katī wa syītwā ya Asa na ya Mwana na ya Veva Mūtheu; twīūvoya ūtee matū maku kwitū ūmbano ūū waku, naku ūkīthesye kīw'ū kīī kīthīwe nzīa ya kūthambya naī kwa kītumī kya nthīnī; ītina syana ii ikūvaatiswa nthīnī wakyo syīthīwe ikyosa ūathimo waku mūtheu; na kwīkala mavinda onthe vamwe na ana maku ala ene kīthito, anyuve maku, kwondū wa Yesū Klīsto, Mwīaīi waitū. *Ameni.*

*Nīvo īndī ūla Kasisi wosaa kaana kamwe mokonī make, na aimatavya ala aīngamīi,*

Nenga kaana kaa Syītwā.

*Nake Kasisi awetaa syītwā yako aatīie yīla watavwa. Ītina—meethīwa memūtavya w'o kana kakatonya vate nzīka—akekīaa vau nthīnī wa manzī na kūkasūvia kaikakwatwe nī mūisyō, akyasya,*

**N**GAN'YA, nye nī ngūūvaatisa kwa syītwā ya Asa, na ya Mwana, na ya Veva Mūtheu. *Ameni.*

*Īndī moonan'ya kana kaana kaiī na vinya ūkeethīwa kwīanīe kūketīkīsyā kīw'ū, kūitūngīlīlīwa kūneena ndeto īla īneenīwe vu mbee.*

**N**GAN'YA, nye nī ngūūvaatisa kwa syītwā ya Asa, na ya Mwana, na ya Veva Mūtheu. *Ameni.*

**I**THYĪ nītūūkosa kaana kaa katī wa nguthu ya Klīsto, naitū twīkekīa ūla ūvano wa ngelan'yo, nayo nī ya kwonanya kana ītina kaikona nthoni kakyumbūla mūikīo wa Klīsto ūla wambiwe, na kūkita naī, na nthī, na Satani, na ūkūmbaū e ungu wa kivevelo kyake, na kūendee kwīthīwa mūsikalī na mūthūkūmi wake wī kīthito, kūvika kamina thayū wake kūū nthī. Amenī.

*Nivo indī ūla Kasisi waasya,*

**A**NA-A-IA makwa ala mwendetwe mūno, nūndū wa kwīthīwa twana tūū nītwasyawa īngī na twakwatanw'a na mwī wa Īkanisa ya Klīsto, nītūmūkathei Ngai Mwene vinya w'onthe nūndū wa maūndū asu matheu na tūimūvoya na ngoo īmwe nī kana twana tūū twīkale matukū onthe na mīendele īilyī īno ya mwambililyo ūū.

*Ītina wa ūu andū onthe nīmatulye ndu na mayasya,*

**A**SA waitū ūla wī ītunī, syītwa yaku yīthīwe ītheu. Ūsumbī waku wūke, wendo waku wīkwe kūū nthī tondū wīkawa ītunī. Tūnenge ūmūnthī kandū kaitū keanū. Naku ūtūeke mawathe maitū, ūndū naitū tūmaekeaa kīla mūndū mavītyo make. Ndūkatūtwaē katī wa ūtatwa, īndī twovosye kwa ūthūku. Nūndū ūsumbī na vinya na ndaīa nī syaku, tene na tene. Amenī.

*Nivo indī ūla Kasisi waasya,*

**T**WĪŪTŪNGĪA mūvea mūno, ame Asa wī na tei mwingī, nūndū wa kūinenga syana ii ūsyao mweū kwa Veva waku Mūtheu, na kūsyītikīla kwīthīwa syana syaku kwa ūei waku wasyīkīa katī wa Īkanisa yaku yīla ītheu. Naitū ūu twī maūnī maku twīvoya kwaku kwa wīnyivyo kwīthīwa syana ii, syī mwīkalīle wa kūkw'a na kumana na naī, na kwīthīwa thayū kwa kūatīa ūlūngalu, na kwīthīwa nī andū athike vamwe na Klīsto nthīnī wa kīkw'ū kyake: ūine kūmwamba ūla mūndū wa tene, na kūmina vyū mwī w'onthe wa naī: na kwa kwīthīwa ūu īnengetwe kwīthīwa osanī ma kūkw'a kwake Mwanau, na syīthīwe ūu osanī

ma kūthayūka kwake, mūvaka mūminīo, vamwe na ala matiala nthīnī wa Īkanisa yaku ītheu, mo nao methīwe andū ma kūtiīwa ūsumbī ūte na mūminūkilyo: kwa Mwīaīi waitū Yesū Klīsto. Amenī.

*Nivo indī maiūngama onthe, Kasisi aimatavya ala aūngamū motao aa,*

**A**LĪLĪI, nūndū twana tūū nītwaneena na makanywa menu inywī aūngamū ala matw'o mwī vaa mwasya kana nītūmūlea Satani na mawīa make onthe, na twīkwatasye Ngai na tūmūthūkūmae, nīmwaīlwe nī kūlīlikana kana nūndū wenyu kūsisya twana tūū o īmwe tweana twīke kūmanya maūndū, tūmanyīw'e maūtao ma ndeto īla tūmanyīaw'a na makanywa menu, ūndū mūnene nī kana tūmanyīw'e maūndū asu mūno. Nūseo mūtūtae tūendae kwīw'a yīla Ūvoo Mūseo ūūtavanw'a, na mūno mūno mūsyāīsyae tūmanyīaw'e Wītikīlo wa Atūmwa na Mboya ya Mwīaīi na Mīao Īkūmi, na maūndū ala angī onthe ala mwītikīli waīle kūmanya na kwītikīla kwondū wa ūtandīthyo wa ngoo yake; o na īngī twana tūū tūewe na mīendele mīseo ya kūkīa Ngai na kwīkala ta mwītikīli; na tūlīlikanae mavinda onthe kana kūvaatiswa nīkūūtwon'ya ūndū twaīle kūkīa, naw'o nī kūatīa ngelekan'yo ya Mūtangūi waitū Klīsto na kūtwīkīthw'a take; nī kana, o tondū wakw'ie na athayūka kwondū waitū, o ūu naitū ala tūvaatisītwe, nītwaīlwe nī kūkw'a ūvoonī ūsu wa naī tūekane nasyo; na tūthayūke ūvoonī wa maūndū ma ūlūngalu, nī kana maūndū maitū onthe ala mathūku, na ala mate maseo makw'e na tūendeeae kīla mūthenya na mīendele ya maūndū maīle na kūatīa Ngai.

*Ītina wa ūu Kasisi akyasya ūu,*

**S**ŪVĪAI twana tūū, mūvaka tūkatwawa kwa Mūvisovu Satwīlīle moko īvinda yīla tūkatonya kūneena Wītikīlo wa Atūmwa na Mboya ya Mwīaīi na īla Mīao Īkūmi tūineena maūndū asu e two na kīthyomo kya nthī īla twīkalaa, o na īngī nītūmanyīw'e maūndū ma ūvoo wa Ngai nesa tondū maandīkītwe nthīnī wa Mosūngīo ala maītwe kwondū woo.



## KŪVAATISA SYANA

*Nitwisi nesa nündü wa Ūvoo wa Ngai kana twana tũla twavaatiswa na tũkkw'a tũtanamba kũvitya kwa meko, nitũtangũe vate nzika.*

*Mboya ya kũvaatisa kaana kamwe no ūndũ ūmwe na ya kũvaatisa twana twingi. Vandũ va kũweta twana mũvaatisi nũtonya kũweta kaana.*

*Kasisi nũtonya ūmina na ūathimo ūũ:*

**M**WĪAĪI namũathime na akimũsũvia, Mwĩaiĩ natume ūthyũ wake ūtise iĩlũ wenyu, amũnenge mũuo; Mwĩaiĩ amũkililye kyeni kya ūthyũ wake, amũnenge mumo yuyu na kũvika tene na tene. *Ameni.*

## MOKŪLYO NA MOSŪNGĪO (KATĪKESIMO)

NAMO NĪ MOMANYĪSYO MA KWĪMANYĪW'A  
NĪ KĪLA MŪNDŪ MBEE WA KWILĪĪLWA  
MOKO NĪ MŪVISOVU KANA ETĪKĪLĪTHW'E

*A. amũkũlasya B.*

Īsyitwa yaku nue ata?

*B. aimũsũngĩa A.*

Īsyitwa yakwa nĩ (akĩweta syitwa yake ya Kiklĩsto).

*A. Wanengiwe syitwa yũ nũũ?*

*B. Nanengiwe syitwa yũ nĩ aũngamĩi makwa ivinda yĩla navaatisiwe; ivinda yũ nĩw'o natwikie mutha wa Klĩsto na natwika Mwana wa Ngai, na ivindani yũ now'o neethiwe na ūtiwa wa ūsumbĩ wa itunĩ.*

*A. Īvinda yũ aũngamĩi maku makwikie ata?*

*B. Aũngamĩi makwa nĩmawetie maũndũ atatũ na meevita nũndũ wa maũndũ asu vandũ vakwa. Wa mbee nĩ ūũ—nĩmũlee Satani na mawĩa make onthe, na maũndũ ma nthĩ ĩno ala mate na vata, o na motanu ma nthĩ, na mawendi ma mwĩi ala ma nai. Wa kelĩ nĩ ūũ—nĩtikile maũndũ onthe ala metikilawa nĩ Aklĩsto. Wa katatũ nĩ ūũ—ngeeka tondũ Ngai ūkwenda nĩke, na nĩw'e mĩao mĩtheu ya Ngai, na nĩmĩkwatae matukũ onthe ma thayũ wakwa.*

*A. Atĩi, nũkwona nĩwailwe nĩ kwitikila na kwika o ta ūu mawetie vandũ vaku?*

*B. Īĩ, na ngeeka ūu kwa ūtethyo wa Ngai. Na nĩ ngũtũngĩa mũvea Asa waitũ wa itunĩ nũndũ nũmbĩtite nĩtangĩiwe kwondũ wa Yesũ Klĩsto Mũtangĩi waitũ. Na ngavoya Ngai anenge ūseo wake nĩkalae naw'o kũvika matukũ makwa mathele.*

A. Alilī, neena maūndū ala wītikilite.

B. Nye nīngwītikīla Ngai Asa Mwene vinya w'onthe, Mūmbi wa itu na nthī.

Na Yesū Masia, Mwana wake e ūmwe, Mwīaii waitū, ūla wekiīwe ivunī nī Veva Mūtheu, asyaiwe nī mwīitu Meli, nīwathīniw'e yīla Vondio Vilato waī mūsumbī, nīwambiwe na akw'a na athikwa, akilika vala maveva ma ala akw'ū mekalaa. Na mūthenya wa katatū akīthayūka kuma akw'ūnī, akyambata itunī, nīvo ūilyī ngalī ya kwoko kwa aūme kwa Ithe Ngai Mwene vinya w'onthe; nīvo ūkauma asilile ala me thayū na ala akw'ū.

Nye nīngwītikīla Veva Mūtheu, īkanisa itheu yīla yī nthī yonthe, mūamba wa atheu, ūekeo wa mavītyo, ūsyūko wa mwīi, na thayū ūtathela. Amenī.

A. Nī maūndū maū ūkwīmanyīsyā mūno nthīnī wa Wītikīlo ūū waku?

B. Mbee, nīmanyīsyā kūmwītikīla Ngai Asa, ūla wambūmbie nye, na nthī yonthe Kelī, nīmwītikīle Ngai Mwana, ūla ūndangīite nye, na andū onthe. Katatū, nīmwītikīle Ngai Veva Mūtheu, ūla ūntheasyā nye, na anyuve onthe ma Ngai.

A. Alilī, nīwasyā kana aūngamīi maku nīmaisye vandū vaku atī nūkew'aa mīao ya Ngai na ūmīatiīae. Yuyu ndavya ūndū mīao īsu yūana?

B. Nī Ikūmi.

A. Nayo nī yīva?

B. Nī īla Ngai wawetie ivukunī ya Kuma, kīlungu kya mīongo īlī, akyasyā, Nīnye Yeova Ngai waku, ūla waku-mīsyē nthī ya Misilī, kuma nyūmbanī ya ūkombo.

1. Ndūkethīwe na ngai ingī ate o nyīe.

2. Ndūkeseūvisye mūvw'anano mwasūvye, o na mūvw'ano o na wīva wa kīndū kī itunī īlūlū, kana kīla kī kūū nthī, kana kīla kī manzīnī ītheo wa nthī: ndūkamī-kunamīe, o na ndūkamīthūkūme; nūndū nye Yeova Ngai waku nī Ngai wī kīwīu, ngīivanīsyā kwa syāna ūthūku wa aathe, kūvika nzyāwa ya katatū o na ya kana syā ala

mamēnaa, na ngyonan'ya ūseo wī wendo kūvika ngilī na ngilī syā ala mambēndaa na kūkwata mīao yakwa.

3. Ndūkawete syītwā ya Yeova Ngai waku mana; nūndū Yeova ndakasyā ūsu nde ivītyo ūla ūwetāa syītwā yake mana.

4. Lilikana mūthenya wa savato, ūwīkalyē wī mūtheu. Tethya wīa mīthenya thanthatū, wīke wīa w'onthe: īndī mūthenya wa mūonza nī savato wa Yeova Ngai waku: mūthenya ūsu ndūkatethye wīa o na wīva, we, o na mwana waku, o na mwīitu waku, o na mūthūkūmī waku mūndū mūūme, o na mūthūkūmī waku mwīitu, o na īndo syaku, o na mūeni waku ūla wī kwaku; nūndū mīthenya thanthatū Yeova nīwombie ītu na nthī, na ūkanga, na syonthe īla syī nthīnī wasyo, na athūmūa mūthenya wa mūonza: kwondū wa ūu aathīma mūthenya wa mūonza, na oovathan'ya wīthīwe mūtheu.

5. Taīa au na mwenyu, nī kana matukū maku maingīve nthī īla Yeova Ngai waku ūkūnēngae.

6. Ndūkoae.

7. Ndūkalaalae.

8. Ndūkoye.

9. Ndūkamūkūsīe mūtūi waku ūvūngū.

10. Ndūkew'ie nyūmba ya mūtūi waku itomo, ndūkew'ie mūka wa mūtūi waku itomo, o na mūthūkūmī wake mūndū mūūme, o na mūthūkūmī wake mwīitu, o na ng'ombe yake, o na īng'oi yake, o na kīndū o na kīva kya mūtūi waku.

A. Nī maūndū meva manene ala ūkūmanyīw'a nī mīao īno?

B. Nīmanyīw'a maūndū elī; ūndū nailwe nī kwīkaa mbee wa Ngai, na ūndū nailwe nī kūmwīkaa mūndū ūla ūngī.

A. Yu wailwe nī kūmwīka Ngai maūndū meva?

B. Maūndū ala nailwe nī kūmwīkaa Ngai nī kūmwītikīla, kūmūkīa na kūmwēnda, na gnoo yakwa yonthe, na ūī wakwa w'onthe, na thayū wakwa w'onthe, o na vinya wakwa w'onthe: kūmūthāitha, kūmūtūngīa mūvea, kūmwīkwatasyā we e weka, kūmwīkaīlaa, kūtaīaa syītwā

yake itheu, na kŭmŭthŭkŭmaa na w' o matukŭ onthe ma thayŭ wakwa.

*A.* Namu maŭndŭ ala wailwe nŭ kwika mŭndŭ ũla ũngi nŭ meva ?

*B.* Maŭndŭ ala nailwe nŭ kwikaa andŭ ala angŭ, nŭ kŭmenda o ũndŭ nŭyendete mwene, na kwikaa andŭ ala angŭ onthe o tondŭ nye mwene ngwenda mambikae: kwenda, kŭtaia na kŭtethasya asyai makwa; kŭtaia Mŭsumbŭ na kŭmwŭw'a o na andŭ onthe ala manengetwe watho nŭwe: na kwinyivya kwa andŭ ala anene kwŭ nye, amanyŭsya, na ala masyaasya maŭndŭ ma kŭveva, na ala mambathaa onthe: kŭendaa na mŭendele ya mŭndŭ ũla wŭnyivŭtye kwa andŭ onthe ala me iŭlŭ wakwa; ndike-wŭthye mŭndŭ woo o na wŭva ndetonŭ ila nŭneena, o na maŭndŭnŭ ala nŭkaa: ndwike mŭndŭ waw' o na mŭlŭngalu maŭndŭnŭ makwa onthe: ngoonŭ yakwa ndikethŭwe na ũthŭ na mŭndŭ kana kŭmena andŭ, o na kŭsŭvia moko makwa maikose kindŭ na kŭya, na kanywa wakwa ndŭkaneene naŭ kana maŭndŭ ma ngŭi, kana kŭweta andŭ naŭ: na kŭsŭvia mwŭi wakwa ndikanywe ũkŭ kana kŭlaalaa na ndikelilile syŭndŭ sya andŭ angŭ; mŭno mŭno nŭmanyŭsye maŭndŭ ala maw' o na kŭtethya wŭa nde na ngŭi, nŭ kana nŭkale na thayŭ nye mwene na nŭkae maŭndŭ makwa onthe o tondŭ kwaile mawŭanŭ onthe ala Ngai ũnŭkŭnenga.

*A.* Mwanaakwa, manya kana ndŭtonya kwika maŭndŭ asu kwŭ vinya waku mwene, kana kŭthi na mŭendele yosene na mŭiao ya Ngai, o na ndŭtonya kŭmŭthŭkŭma ũte na mumo wake mwene: na nŭndŭ ũsu nŭwimanyŭsye kŭmŭvoya Ngai na ũthangaau mavinda onthe. Nŭndŭ ũsu kwaeka nŭ'we kanŭ nŭtonya kŭneena Mboya ya Mwŭiaŭi.

*B.* Asa waitŭ ũla wŭ itunŭ, syŭtwa yaku yŭthŭwe itheu. ũsumbŭ waku wŭke, wendo waku wŭkwe kŭŭ nthŭ tondŭ wŭkawa itunŭ. Tŭnenge ũmŭnthŭ kandŭ kaitŭ keanŭ. Naku ũtŭekee mawathe maitŭ, ũndŭ naitŭ tŭmaekeaa kŭla mŭndŭ mavŭtyo make. Ndŭkatŭtwae katŭ wa ũtatwa, ŭndŭ twovosye kwa ũthŭku. Nŭndŭ ũsumbŭ na vinya na ndaia nŭ syaku tene na tene. Amenŭ.

*A.* Nthŭnŭ wa mboya ŭno nŭ maŭndŭ meva ũvoyaa Ngai ?

*B.* Nthŭnŭ wa mboya ũsu nŭvoyaa Mwŭiaŭi Asa waitŭ wa itunŭ, ũla ũnenganae ũseo w' onthe, anenge nye o na andŭ onthe ũseo wake, nŭ kana tŭmŭtulŭlasye ndu na kŭmŭ-thaitha, na tŭmŭthŭkŭmae na kŭmwŭw'a, na kŭmŭatŭiaa o ta ũndŭ twailwe nŭ kwika. Nakwa nŭvoyaa Ngai atŭnenge syŭndŭ syonthe ila twŭ na vata nasyo nŭndŭ wa mathayŭ maitŭ o na mŭi yaitŭ; na atwŭw'ie tei na atŭekee naŭ sitŭ; na etikile kŭtŭtangŭia na kŭtŭsŭvia katŭ wa mŭisyo yonthe ya ngoo na mwŭi: na atŭtangŭie matatwanŭ maitŭ onthe, o na ũthŭkunŭ w' onthe, o na nthŭ ya mathayŭ maitŭ, o na kŭkw' ũ kŭla kŭtakathela. Maŭndŭ asu nŭmo nŭna wŭkwatyo namo, kana akatŭsŭviaa nŭndŭ wa tei wake na ũseo wake, nŭndŭ wa Mwŭiaŭi waitŭ Yesŭ Klŭsto, na kŭu nŭkyo kŭtumaa nasya "Amenŭ", na ũalyulo wa kwasya ũu, nŭ kwasya, ũu nŭwŭthŭwe.

*A.* Klŭsto eeaŭe ũkanisa yake yŭthŭwe na Sakalamendi syŭana ?

*B.* Nŭ ilŭ, nasyo nŭsyo imaile andŭ onthe kwa ũtangŭio: nasyo nŭ ũvatiso na Mesa ya Mwŭiaŭi.

*A.* Wŭona ata, kŭtumi kya syŭtwa yŭu ya Sakalamendi ni kyaŭ ?

*B.* Nye nŭona syŭtwa ya Sakalamendi ũalyŭlo wayo nŭ ũvano wa na ũla wonekaa, wa mumo wa nthŭnŭ, wa thayŭnŭ, ũla twanengiwe ithŭi: naw' o ũvano ũsu nŭw' o weeaŭiwe nŭ Klŭsto mwene, wŭthŭwe nŭ taw' o nzŭa ya kŭwosa ũla mumo, na kwŭthŭwa ũndŭ wa ũtŭmanyŭthya na w' o ũvoo waw' o.

*A.* Maŭndŭ ala me nthŭnŭ wa Sakalamendi nŭ meana ?

*B.* Nŭ maŭndŭ eli: ũndŭ ũmwe nŭ kŭtŭmanyŭthya maŭndŭ ma nza ala matonya kwoneka, na ũndŭ ũla ũngŭ wŭ nthŭnŭ wa ngoo.

*A.* Nthŭnŭ wa ũvaatiso kindŭ kya nza kŭla kŭtonya kwoneka nŭ kŭva ?

*B.* Nŭ manzŭ ala mŭndŭ ũvaatisawa namo "Na syŭtwa ya Asa na ya Mwana na ya Veva Mŭtheu".

A. Naw'o ūathimo wa nthini wa ngooni ni wiva ?

B. Ni mūdū kūkwīa na na kūsyaiwa ūlūngalu: nūdū ithyonthe twikiawa mavuni na kūsyaiwa naini; naitū twi syana sya kūmo, na kwa ūu nītūtūwīkaa syana sya ūseoni wa Ngai.

A. Andū ala mendaa kūvaatiswa mailwe ni kwika ata ?

B. Andū ala mendaa kūvaatiswa nīmailwe ni kwilila nūdū kwilila nīkw'o kūtumaa maekana na nai; na kwithiwa na mūikiō, nūdū naw'o nūtumaa metikila na w'o maūdū ma Ngai ala mevītīwe nthini wa Sakalamendi isu.

A. Natwo twana tūnini tūvaatisawa nūdū wa ki, nūdū tūitonya kwika maūdū asu nīkwithiwa ni tūnini ?

B. Twana tūnini tūvaatisawa nūdū nūtumasya ūkūsi kwa aūngamii matwo kana nītūkeka kwianana na ūtianio ūsu yila tūkeana tūtūwe andū aima.

A. Nayo Sakalamendi ya Mesa ya Mwiaii yathaniwe inenganawe nūdū wa ki ?

B. Nūdū wa kūlikana kīkw'ū kya Klisto mavinda onthe, o namo maūdū ala maile ala tūnengawe nūdū wa nthembo yake.

A. Naw'o ūndū ūla wa nza, kana ūmanyisyo wa kūthengeea Mesa ya Mwiaii ni wiva ?

B. Ni Mūkate na Mbinyu, ila Mwiaii weaie syoswe.

A. Naw'o ūndū ūla wa nthini, kana kindū kila kyonanaw'a ni kiva ?

B. Ni mwii wa Klisto na nthakame yake, ila syosawa na kūiwa naw'o, na ti kūiwa na ngūi ni andū ala metikilite naw'o kūthengeea kyathini kiu kya Mesa ya Mwiaii.

A. Namu maūdū ala maile twonaa ūndūni ūsu ni meva ?

B. Ni kwithiwa na vinya mathayūni maitū, o na kūlaūkw'a waūni ni mwii wa Klisto na nthakame yake, tondū mii yaitū yithiawa na vinya na kūlaūkw'a ni Mūkate na Mbinyu.

A. Andū ala mathengeea Mesa ya Mwiaii mailwe ni kwika ata ?

B. Nīmailwe ni kwisisya ene, kana nīmelilite naw'o ūndū wa mavityo moo ala methiawa mekite kūvika ivinda yiu, na kwithiwa mesūvūite mūno na miendele myeū, na kwikwatya na w'o tei wa Ngai nūdū wa Klisto, makalilikanaa kīkw'ū kyake na kūmūkathaa na ngoo syoo, na kwendana na andū onthe.

*Nthini wa kila ikanisa ūla Kasisi nīwithangaasya mūno mīthenya ya syumwa na mīthenya mītheu ila ingi kati wa Mboya ya Wioo mūminūkil-yoni wa isomo ya keli, aimamanyithya na kūmakūlya ala ma mūika mūnini mokūlyo o vau e ikanisani, namo methiwe o ala ma ikanisa yake mwene, na kwianana na ūndū wiona we mwene ūtalo woo wianie, amakūlye ndeto sya ilungu imwe sya mokūlyo na mosūngio asu.*

*Na aaithe na aanyinyia, na aume na aka onthe o ala me vo, nīmaeke syana syoo, na athūkūmi na amanyisya moo, ala mataaimanyisya Mokūlyo na Mosūngio asu, monew'e ūthei wa kūthi ikanisani, iwinda ya saa ūla wūitwe kwondū wa ūmanyisyo ūsu, mathi makamwithukisye ūla Kasisi, mena wīnyivyo, mūwaka memanyisye naūdū onthe ala maitwe kwimanyisya.*

*Na syana syeana ūndū itonya kwineenea na kithyomo kyoo kila syisi Ndeto sya Mūikiō na Mboya ya Mwiaii na ila Miao Ikūmi, na mamanya kūsūngia maūdū angī ala makūlaw'a nthini wa ndeto nguvi sya Mokūlyo na Mosūngio asu, nivo indi nīmatwazwe kwa Mūvisovu. Na kila imwe mīethiwe na mūdū imwe wa kūkūsiia kwilūlwa moko kwake.*

## MŪSEŪVĪLYE WA KWILĪLWA MOKO

*Momanyithyo onthe me vata mawetwe mbee wa kyathi kwambiāa.*

Wathi Nūtonya Kwinwa

### KŪTHENGEEW'A KWA ALA MEKWILĪLWA MOKO

*Amanyiw'a nimaūgame na andū ala angī mekale nthi.*

*Mūmanyīsyā.* Asa mūtaiīwa nthinī wa Ngai, nīngūkūetee andū aa mailīlwe moko.

*Mūvisovu.* Ūsūvie ūsisye kana andū aa ūkūete nimesi Witikilo wa Atūmwa, Mboya ya Mwīāi, Mīao Īkūmi na Katikisimo, na maūndū ala angī ala Mūklīsto wailwe nī kūmanya na kwitīkila na kwika kwondū wa ūseo wa ngoo yake.

*Mūmanyīsyā.* Nīmaminite ūmanyiw'a nesa na nīni-makūlitye mokūlyo; na nūsilya nīmaile vyū kwilīlwa moko.

*Mūvisovu.* Ana-a-ia, nīngūmetikila andū aa maetwe mūmavoyee.

### WAMBĪLĪLYO

*Mūmanyīsyā ūnyuvitwe nī Mūvisovu asome wambililyo ūū ūatīe, andū vamwe na amanyiw'a mailyi nthi.*

**E**NDWA kati wa Mwīāi, nthinī wa kyathi kya kwilīla moko īkanisa yatīāa ngelekan'yo ya Atūmwa ma Klīsto. Nūndū nthinī wa Meko ma Atūmwa kilungu kya nyaanya tūsomaa:

Kwondū wa ūu asu ala manyāikītw'e maendaa maitavan'ya ūla ūvoo mūseo. Na Vilivu atheea alika ndūanī ya Samalia, na amūtavan'ya Klīsto kw'o. Īndī meetikila Vilivu aitavan'ya ūla ūvoo mūseo wa ūsumbī wa Ngai na syitwa ya Yesū Klīsto, mavaatiswa, aūme na aka. Na atūmwa ala maī Yelusaleme meew'a kana Samalia nīwosete

## MŪSEŪVĪLYE WA KWILĪLWA MOKO

ndeto ya Ngai, mamatūma Vetelo na Yoana kw'o: nao, matheea kw'o mamavoyea, nī kana mose Veva Mūtheu: na īndī mamailīla moko moo na moosa Veva Mūtheu.

Maandīko matheu vaa nīmeūtūmanyīsyā kana nthinī wa Kwilīlwa Moko ve ūvano wa nza, ūla wī kwilīla moko vamwe na mboya, na mumo wa nthinī, ūla nī mūthinzio wa kwongeleka vinya wa Veva Mūtheu. Na o tondū mūthinzio ūū wumaa kwa Ngai mwene, tūmūvoyei Ngai Mwene, vinya w'onthe, o tondū Atūmwa meekie, nī kana amatheesyē Veva wake andū aa ala īvinda ya ūvaatiso matw'ikīthisw'e syana syake kwa kūewa nthinī wa mumo.

Na mūno mbee, nī kana wūmbano ūū ūmanyīthw'e kana inywī ala mūkwilīlwa moko mwīthing'īsyē kumbūla mūikīio wa Klīsto ūla wambiwe na mūmūthūkūme na wīw'i uungu wa kivevelo kyake, na nī kana inywī ene mwilūlūmīlye kilīlikanonī kyenyu wito wenyu na ūndū mūkwenda mūno ūtethyo wa kīla īvinda wa Veva Mūtheu, Īkanisa nīyonete wī ūseo kwalan'ya kana, mbee wa kwilīlwa moko kwenyu, mwītikile vate nzika kwīanīsyā maūndū ma Kīklīsto ala meaitwe kwenyu nī Ūvaatiso Mūtheu.

### KWĪTĪKĪLĪTHW'A ĪNGĪ KWA MAWĪVĪTO MA ŪVATISO

*Mūvisovu nūtonya ūneena kwī amanyiw'a na itina wa ūu nīmaūgame, nao andū ala angī mailyi nthi, na Mūvisovu ayasya,*

**W**E, mbee wa Ngai na ūmbano ūū, nūkwītikila kūmūlea Satani na nthi na maūndū ma mwīi nī kana ndūkamaatīe kana kūtongoew'a nīmo?

*Ūsūngio.* Nīngwītikila.

**N**ŪKWĪTĪKĪLA Witikilo wa Kīklīsto tondū ūilyi nthinī wa Witikilo wa Atūmwa?

*Ūsūngio.* Nīngwītikila.

**N**ŪKWĪTĪKĪLA ta ūmwe mwīw'i wa Īkanisa itheu ya Klīsto kwīanīsyā wende wa Ngai na mīao yake na kūendeeaa o ūu mavinda ma thayū waku onthe?

*Ūsūngio.* Nīngwītikila.

## MŪSEŪVĪLYE WA KWILĪĪLWA MOKO

*Kana Mūvisovu nūtonya kwasya,*

**I**NYWĪ, mbee wa Ngai na ūmbano ūū, nīmūkwitīkīla īngīa mawatho ala meevītiwe na masyītwā menyu īvinda ya ūvaatiso wenyu, mūkīīneenea na kwitīkīla inywī ene kwīthīwa mwailwe nī kwitīkīla na kwīka maūndū asu onthe ala aūngamīi menyu meekie kwondū wenyū ?

*Na kila ūmwe nasūngie na wasya ūkwīw'īka,*

Ningwītīkīla.

*Na indī onthe matulye ndu na mavoye mavindītye, na ītina wa ūū nīkūtonya kwīnwa Wathi ūkūneena ūndū wa Veva Mūtheu, o onthe matulītye ndu.*

## KWILĪĪLWA MOKO

*Mūvisovu.* Ūtethyo witū syītwanī ya Mwīaīi.

*Ūsūngio.* Ūla wombīe ītu na nthī.

*Mūvisovu.* Syītwā ya Mwīaīi yīathimwe.

*Ūsūngio.* Kuma yu na kūvika tene na tene.

*Mūvisovu.* Ame Mwīaīi, īw'a mboya sitū.

*Ūsūngio.* Na kīio kitū kīūvikie we.

*Mūvisovu.* Tūvoyei.

**N**GAI Mwene vinya w'onthe na ūla wī thayū mavinda onthe, ūla ūtw'ite kūmatūnga eū athūkūmi aa maku kwa kīw'ū na Veva Mūtheu, na nūmanengete mo ūekeo wa naī syoo syonthe: ūmanenge vinya mo, nītūūkwīsūva Mwīaīi, wa Veva Mūtheu Mūkiakīsia, na ūmaingivīsye kīla mūthenya mīthīnzīo yaku ya kīla mūthemba ya mumo waku; veva wa ūī na ūmanyi, veva wī ūtao na vinya wa kīveva, veva wa ūmanyi na ūngai wa w'o, na ūmausūsye, Mwīaīi, na veva wa kīkīo kyaku kītheu, yu na tene na tene. *Ameni.*

*Na onthe maatianie na kūtulya ndu mbee wa Mūvisovu, Mūvisovu amailīle moko mūtwenī kīla ūmwe, ayasya,*

**S**ŪVĪA, ame Mwīaīi, kaana kaa kaku (kana mūthūkūmi ūū waku) na mumo waku wa ītunī, nī kana aendee kwīthwa waku tene na tene; na aendee kwīana katī wa Veva Mūtheu waku kīla mūthenya, mūvaka aūvikie ūsumbī waku wa tene na tene. *Ameni.*

## MŪSEŪVĪLYE WA KWILĪĪLWA MOKO

*Na onthe mamina kwilīlwa moko, onthe nīmaūngame na Mūvisovu nīamatawye ūū.*

**E**NDWA, inywī yu, mbee wa Ngai ūla wīsī na wonaa syonthe, nīmweetikīla īngī, nawīvīto ma Ūvaatiso wenyu, na nī ngwītīkīla nīmwanengwa kuma kwa Ngai mūthīnzīo wa Veva Mūtheu wake.

Kwondū wa ūū nīngūmwīa mwī etikile kūthengeea Ngwatanīo Ntheu ya Mwīi na Nthakame ya Klīsto nayo nīyo Mesa ya Mwīaīi: nthīnī wa syītwā ya Asa, na ya Mwana na ya Veva Mūtheu.

Mwīaīi amūne inywī mumo wake amūtheasye mathayū menyu na motonyi menyu onthe kwa wende wako na ūthūkūmi nthīnī wa Klīsto Yesū.

*Ītina Mūvisovu ayasya,*

Mwīaīi ethīwe nenyu.

*Ūsūngio.* Na ethīwe vamwe na ngoo yaku.

*Andū matulītye ndu Mūvisovu nongelelee,*

Tūvoyei.

*Mūvisovu na andū*

**A**SA waitū ūla wī ītunī, syītwā yaku yīthīwe ītheu, ūsumbī waku wūke. Wendo waku wīkwe kūū nthī tondū wīkawa ītunī. Tūnenge ūmūnthī kandū kaitū keanū. Naku ūtūekee mawathe maitū, ūndū naitū tūmaekeaa kīla mūndū mavītyo make. Ndūkatūtuae katī wa ūtatwa; indī twovosye kwa ūthūku. Nūndū ūsumbī na vinya na ndaīa nī syaku, tene na tene. *Ameni.*

*Ītina Mūvisovu niongele mboya ii,*

**N**GAI Mwene vinya w'onthe ūla wī thayū mavinda onthe, ūla ūtūtūwīkīthasya ithyī kwenda na kwīka maūndū onthe ala maseo na matonya kwītīkīlwa mbee wa ūtonyi wa ūngai waku: twīūvoya we na wīnyivyo mūno kwondū wa athūkūmi aa maku, ala, tūkīatīia ngelekan'yo ya Atūmwā atheu maku, nītwamailīla moko yu, kūmetīkīlīthya mo vyū, kwa ūvano ūū, wendo na ūseo waku kūla maī. Eka kw'oko kwaku kwa kī-ū-Asa, nītūūkwīsūva,

kwikale iŭlŭ woo; Veva Mŭtheu waku ekale nao. Na tondŭ meevĭta kwĭthĭwa athŭkŭmi maku, ŭmatongoesye, ame Mwĭaĭi, kŭmanyani kwa kwenda kwaku, na ŭmatethye mo mekale mavinda onthe makŭikĭite we. Na mathengeea syĭmbithĭ syaku ntheu, Mŭtangĭi waitŭ Yesŭ Klĭsto amanyike kwoo nthĭnĭ wa kŭtilanga Mŭkate, nĭ kana mathayŭ moo methĭwe na vinya kwondŭ wa thayŭ wa Ūngainĭ. Ūu twiŭkŭlya kwondŭ wa Syĭtwa yake, ŭla vamwe naku, ame Asa, na Veva Mŭtheu mwikalaa na kŭsumbĭka, Ngai ŭmwe, tene na tene. *Ameni.*

**A**ME MWĪAĪI Mwene vinya w'onthe, ŭla wĭ thayŭ mavinda onthe, itikĭla, nitŭŭkwisŭva, kŭtongoesya, kŭthesya, na kŭsumbĭka ngoo na mĭi yaitŭ, nzĭani sya mĭao yaku, na mawĭani ma mĭao yaku, nĭ kana kwa ŭsŭvĭo waku mŭnene yuyu na tene na tene, tŭsŭviwe mĭi na ngoo; kwondŭ wa Mwĭaĭi na Mŭtangĭi waitŭ Yesŭ Klĭsto. *Ameni.*

*Itina Mŭvisovu namaathime ayasya,*

**E**NDAI nthĭ yonthe na mŭuo; ithĭwai ene kŭthangaa nesa, atĭai ūndŭ ūsu ŭla nĭ ŭseo, mŭikeyĭivanĭsye mŭndŭ o na wĭva naĭ kwa naĭ, mathangaasyei ala onzu, tethyai ala mate na vinya, tethyai ala me na kiŭŭyŭ, taĭai andŭ onthe; mwendei na mŭthŭkŭmei Mwĭaĭi, mŭkitana nthĭnĭ wa vinya wa Veva Mŭtheu.

Na ŭathimo wa Ngai Mwene vinya w'onthe, Asa, Mwana na Veva Mŭtheu, wĭthĭwe nenyu na wĭkale nenyu tene na tene. *Ameni.*

WATHI

*Vaa vaatĭiaa ŭwoo kuma kwi Mŭvisovu*

ŪATHIMO WA WŪMBANO

## MŪSEŪVĪLYE WA MŪTWAANO

*Andŭ oonthe ala makatwaana na kŭtwawa mambililasya kŭnyaĭkya ŭwoo wa mŭtwaano woo ikanisani mĭthenya ya syumwa itatŭ kivathŭkan'yo, ivinda ya Mboya ya Kioko kana (ethĭwa kŭi mboya ya kioko) ivinda ya mboya ya Wĭoo: Kasisi ūsu aneenaa ūndŭ mŭsŭvĭlye ūilyi ivinda yŭ,*

Nye nĭngŭweta ŭwoo wa mŭtwaano wa Ngan'ya mŭndŭ wikalaa vandŭ vana, na Ngan'ya mŭndŭ mŭka wikalaa vana. Veethĭwa ve mŭndŭ kwenyu wĭsi kĭtumi kana kĭsiĭi kya w'o kya ŭmasiĭa andŭ aa elĭ maikew'anĭthwe nthĭnĭ wa mŭtwaano mŭtheu nĭwailwe nĭ kŭweta. Yĭi nĭyo ivinda ya mbee (kana ya kelĭ, kana ya katatŭ) ya kŭmŭkŭlya ta ŭu.

*Na ethĭwa andŭ ala makatwaana mekalaa makanisani me kivathŭkan'yo maumiawa makŭlyo ma ŭwoo woo nthĭnĭ wa makanisa elĭ, Kasisi ūsu wa ikanisa yĭi ndakamatwaanĭthye atambĭte kwosa ŭwoo kuma ikanisani yĭla yĭngĭ, kana nĭmaminĭte kŭkŭlw'a mokŭlyo kŭndŭ kŭratŭ, naw'o mwanya ūsu wosawa kwa Kasisi wa ikanisa yŭu ya kelĭ.*

*Mŭthenya ŭla wiĭtwe wa kŭtwaanĭthya asu elĭ wavika saa waw'o, ŭla ŭkŭtwaana na ŭla ŭkŭtwawa malikaa ikanisani vamwe na anyanyae moo na andŭ ma kwoo, maĭngame vamwe asu elĭ, ŭ mŭndŭŭme ngalĭ ya kw'oko kwa aŭme, na ŭ mŭndŭmŭka ngalĭ ya kw'oko kwa aka: nĭvo indĭ Kasisi ūsu waasya,*

**I**NYWĪ mwendetwe mŭno, twakomana vaa mbee wa Ngai na ikomano yĭi nĭ kana tŭmew'anĭthye mŭndŭŭme ŭŭ na mŭndŭmŭka ŭŭ nthĭnĭ wa mŭtwaano mŭtheu, naw'o nĭ mwikalile ŭmwe waiiwe nĭ Ngai tene yĭla andŭ matavitĭtye, na ĭngĭ ŭitwon'ya ĭla ngwatanĭo ya kimbithĭ wĭ nayo Klĭsto na ĭkanisa yake: naw'o mwikalile ūsu mŭtheu mŭno Klĭsto nĭwaŭtaiĭe na kŭwikĭa ŭseo, kwa ūndŭ waendie mŭtwaanonĭ we mwene, na kwa kyama kyake kya mbee kĭla weekie mŭsyĭ wo Kena wa Kalilii: na ĭngĭ wĭtaiwa mwikalile ūsu nĭ Vaulo kwĭthĭwa nĭ mwikalile wa kŭtaiwa nĭ andŭ onthe; na kwondŭ wa ŭu kŭtwikĭte kŭyaĭle kwĭyĭkĭa kana kwĭlikya kwa mĭtŭkĭ vate



kwamba kūsūania mo ene, nī kana meanīsyē itomo na mea moo ma mīi yoo, methīwe mūvwanano wa nyamū ite kiliko. Īndī ala meūlika malike kwa wīnyivyo na ūi na maūndū ma kŭlilikana mūno na kŭmŭkia Ngai, maililikana nī kwondū wa kī maiīwe nī Ngai maūndū aa ma mūtwaano.

Mbee, waiīwe kwondū wa kŭsyaa syana, iewe nthīnī wa kīkio kya Mwīaii na ūei wake, na kŭyīkusīsyā ngatho syītwā yake yīla ītheu.

Kelī, waiīwe nī kana ūtonye kwīthīwa mūiito wa naī, nī kana andū mevathane na ūlaalai, na asu namo mate na ūla mŭthīnzio wa kwīsiīa matonye kŭtwaana, na kwīyīkalya mwīkalīle wa kwīthīwa mamutha mate mavuku ma mwīi wa Klisto.

Katatū, waiīwe kwondū woo ene kŭkwatana na kŭtheanīsyā na kŭsŭvīana, ūndū mŭndū waiīwe kwosa kwake ūsu ūngī nthīnī wa maūndū ma īvinda yoo, nthīnī wa kŭathimwa na nthīnī wa thīna: namo andū aa elī me vaa oyu mooka kŭkwatanīthw'a nthīnī wa mwīkalīle ūsu mŭtheu: īndī ethīwa mŭndū nŭtonya kwonan'ya kītumi kya w'o ethīwa nīvai kītumi o na kīva kītunya kŭmasiīa kŭtwaanīthw'a vamwe kwa w'o, nīaneene oyu, kana kuma yu kŭvika tene na tene nīavindye.

*Na īndī itina aneena na ala meŭkwatanīthw'a, akyasya,*

**N**YE nīngŭmwon'ya na kŭmwīaiā inywī mwī elī o ūndū mŭkasīlīlwa nthīnī wa mŭthenya mŭnene wa ūsili, naw'o nī wa kŭtelemya mŭno, navo nīvo kaumīlw'a syīmbithī syā ngoo syā andū onthe, ethīwa ūmwe nthīnī wenyu nīwīsī kīsīiī kīmŭsiīa inywī elī kŭkwatanīthw'a nthīnī wa mūtwaano wa w'o, umbūlai oyu kīsīiī kīu na kŭkyumīlya. Nŭndū manyai mŭno kana ala makwatanīthaw'a kwa nzīa itetikīlītw'e nthīnī wa Ndeto ya Ngai, maitonya kŭkwatanīthw'a andū asu nī Ngai, o na mūtwaano woo ti wa w'o.

*Na mŭthenya wa mūtwaana ūsu, veethīwa mŭndū o na wīva ūkŭkŭsiīa na kwonan'ya kīsīiī o na kīkū, kītunya kŭmasiīa maikatwaanīthw'e nthīnī wa mūtwaano o ūndū weaiīwe nī mwīao wa Ngai kana wa ūsumbī ūi, nake mŭndū ūsu nīwīyūmbanītye kumya ūkŭsi na ngŭsi ingī vamwe*

*nake, nasyo nī syā kwianīsyā nthīnī wa ūu, kwa asu meūtwaana; kana aie mŭvunga kwa thooa wīanie wasyo ūla monete ala meūtwaana, nī kana etikīlīthye kwīthīwa w'o ūndū wakŭsiīe, īvo īndī kwaiīle kweteekwa kŭmanyike kana ve ūndū ūsiīa kŭtwaana kwa andū asu elī, mŭvaka kŭthele kŭsiw'a ūla w'o. Na ethīwa vainawetwa kītumi o na kīmwe kīsīiīa, nīvo īndī ūla Kasīsi ūmŭkŭlasya ūla mŭndūūme,*

**W**E Ngan'ya, nīwendie wīthīwe nake mŭndūmŭka ūi, kwīthīwa mŭkau wa kŭmŭtwaa, mwīkale we wī nake tondū mīao ya Ngai yaītye nthīnī wa mwīkalīle mŭtheu wa mūtwaano? Ūkamwenda, ūkamŭsŭvīa ngoo yake, na kŭmŭtethya, na kŭmŭsŭvīa e mŭwau na e mŭima, na aka angī onthe ūkeevathana nao, wīyīkalye we kwīthīwa nake īvinda yonthe yīla mwī thayū vamwe īlū wa nthī?

*Ūla mŭndūūme aisŭngīa,*

**Nīngwītikīla.**

*Nīvo vau Kasīsi ūmŭkŭlasya ūla mŭndū mŭka,*

**W**E Ngan'ya, nīwendie wīthīwe nake mŭndūūme ūi kwīthīwa mŭimŭu wa ūkŭtwaa, mwīkale vamwe tondū mīao ya Ngai yaītye nthīnī wa mwīkalīle mŭtheu wa mūtwaano? Ūkamwīw'aa na kŭmŭtethasya, ūkamwendaa na kŭmŭtaaiāa na kŭmŭsŭvīaa, e mŭwau na e mŭima, na aūme angī onthe ūkeevathana nao, wīyīkalye we kwīthīwa nake īvinda yonthe yīla mwī thayū vamwe īlū wa nthī?

*Ūla mŭndū mŭka aisŭngīa,*

**Nīngwītikīla.**

*Nīvo vau ūla Kasīsi waasya,*

Nŭi ūla ūkŭmŭnengane mŭndū mŭka ūi atwaanīthwe na mŭndūūme ūi?

*Nīvo mevītanīaa ta ūu: ūla Kasīsi amumasya ūla mŭndū mŭka mokonī ma ithe kana mŭnyanyae, na kŭmŭkwata ūla mŭndūūme kw'oko kwake kwa aūme, amŭkwate ūla mŭndūmŭka kw'oko kwake kwa aūme, nake mŭndūūme asye,*

**N**YE Ngan'ya, nīngŭkwosa we Ngan'ya, kwīthīwa mŭka wakwa wa ūkŭtwaa, nīthīwe naku ngŭkwate kuma mŭthenya ūi wa ūmŭnthī, kwa ūseo na kwa ūthŭku, kwa wīngī wa syīndū na kwa ūnini wa syīndū, nthīnī wa



ūwau, nthīnī wa ūseo wa mwīi, ngwende na kūūsūvīa, kūvikīa kūkw'a, kwīanana na mīao yake mītheu Ngai. Nakwa kwondū wa ndeto isu nīngūkwiavīthya kwakwa.

*Itina wa ūu mailekan'ya moko, na indī ūla mūdūmūka aimūkwata mūdūūme na kw'oko kwake kwa aūme, aikwata kw'oko kwa aūme kwa mūdūūme, na aineena na kūatīania na wasya wa Kasisi,*

**N**YE Ngan'ya, nīngūkwosa we Ngan'ya, kwīthīwa mūūme wakwa wa kūdwwa, nīthīwe naku nīūkwate kuma mūthenya ūū wa ūmūnthī, kwa ūseo na kwa ūthūku, kwa wingī wa syīndū na kwa ūnini wa syīndū, nthīnī wa ūwau, nthīnī wa ūseo wa mwīi, ngwende na kūūsūvīa na kūkwīw'a kūvika kūkw'a, kwīanana na mīao yake mītheu Ngai. Nakwa kwondū wa ndeto isu nīngūkwiavīthya kwakwa.

*Nivo indī mailekan'ya moko ya kelī, ūsu mūdūūme aimūnenga Kasisi ngome, aimūlīla iūlū wa iwuku. Nake Kasisi akyosa ngome aimūnenga mūdūūme ūsu nake aimūkīa kyaa kyake kīla kīatīe kya mwela kya kwoko kwa aka kwa mūdū mūka, na Kasisi aineena maūdū onthe ala ūkūneena, aneene ūu o akwete kyaa na ngome,*

**N**YE kwondū wa ngome īno nīngūūtwwa, kwa mwīi wakwa ngakūtaīa, nakwa naūnenga isamū syakwa syonthe sya kūū nthī: kwa syītwa ya Asa, na ya Mwana, na ya Veva Mūtheu. *Ameni.*

*Nivo indī ūla mūdūūme ūmīekaa ūla ngome kyaani kya kana kya kwoko kwa mūdū mūka, na maitulya ndu me elī, nake Kasisi akyasya,*

Tūvoyei.

**A**ME NGAI, ndwī mwambīlīlyo kana mūminūkīlyo, Amūmbi wa andū onthe nue, naku nue ūmasūvīaa, naku ūtūnengae mumo wa ngoonī na nue mwambīlīlyo wa thayū ūtathela: ūmatheesyē ūathimo waku athūkūmi aa maku, mūdūūme ūyū na mūdūmūka ūyū ala tūūma-athima kwa syītwa yaku; nī kana, o tondū Isaka na Laveka mailyī vamwe kwa kīthito; niw'o namo andū aa malilikane w'o mekae maūdū ala maīkīanīe mo ene, nayo ngome īno nīyo ūlīlikan'yo woo, na īngī mekalanasye mavinda onthe mendene vyū na mūuo, na maatīe mīao yaku, kwondū wa Yesū Klīsto Mwīaii waitū. *Ameni.*

*Nivo indī ūla Kasisi ūmakwatanīthasya moko ma aūme, ūyū na ūyū, na kwasya,*

Ala makwatanīthiw'e nī Ngai, mūdū ndakamavathūkan'ye.

*Nivo vau ūla Kasisi ūneena na ala andū,*

**K**WA kwīthīwa Ngan'ya na Ngan'ya nīmeetikīlana nthīnī wa mūtwaano mūtheu, nayo ndeto īno nīmamyumbūla mbee wa Ngai na ikomano yīi, na īngī nīmaīkīanīa ene kwa ene, naw'o nīmeevīta ūtheinī mbee wa andū kwa kumya na kwosa ngome na kūkwatana moko; nye nīneena kana aa nī mūūme na mūka vamwe, kwa syītwa ya Asa, na ya Mwana, na ya Veva Mūtheu. *Ameni.*

*Ūla Kasisi ongela ndeto īi sya ūathimo,*

**N**GAI Asa, Ngai Mwana, Ngai Veva Mūtheu, nīamūathime, amūsūvīe na kūmwīa nesa; Mwīaii namūsīsye na īnee yake na kūmwīw'īa tei, na ūndū mūkusūwa nī moathimo na īnee kwake we, mwīthīwe andū ma kwīkala vamwe kwa ūseo nthīnī wa īvinda yīi, ene kwa ene, kūvika nthī īla yūkite mwose thayū ūte na mūminūkīlyo. *Ameni.*

*Nivo vau ūla Kasisi kana ala me na ūtonyi maendaa Mesanī ya Mwīaii na kūneena kana kwīna Savulī īno īatīanīe vaa.*

BEATI OMNES

Savulī 128

**N**Ī mūathime kīla mūdū ūla ūkīaa Yeova: ūla ūkīnyaa nzīanī syake.

Nūdū ūkaīsaa wīa wa moko maku: ūkeethīwa wī na ūtanu, na kūkeethīwa ūseo kwaku.

Kīveti kyaku kīkeethīwa ta mūsavīvu wī ūsyao: nthīnī wa nyūmba yaku.

Syana syaku ta mīmea ya mīthata: kūthyūlūlūka mesa yaku.

Sīsyā, ūu now'o mūdū ūkaathimwa: ūla ūkīaa Yeova.

Yeova nakūathime a Saioni: naku ūkyona ūseo wa Yelūsaleme mīthenya yonthe ya thayū waku.

Īi, wone esūkūū: mūuo nīwīthīwe īlū wa Īsilaeli.

Ndaia yithiwe kwa Asa, na kwa Mwana, na kwa Veva Mũtheu: o tondũ kwaili mwambililyoni, na yuyu: kũvika tene na tene. Amen.

*kana Savuli ino,*

DEUS MISERATUR  
Savuli 67

**N**GAI natwiw'iae tei, na kũtũathimaa: na kũtũtisiasya ũthyũ wake.

Nĩ kana nzia yaku imanyike kũũ nthĩ: ũtangĩo waku katĩ wa mbaĩ syonthe.

Ngo sya andũ nikũtaie, we Ngai: ngo syonthe sya andũ nikũtaie.

I mbaĩ syithiwe na mũyo na kwina ũndũ wa ũtanu: nũndũ ũkasilila ngo sya andũ na ũlũngalu, na kũsumbikaa mbaĩ ila syĩ iũlũ wa nthĩ.

Ngo sya andũ nikũtaie, we Ngai: ngo syonthe sya andũ nikũtaie.

Nthĩ nyingivitye ũsyao wayo: Ngai, o Ngai waitũ, akatũathima.

Ngai akatũathima: na itulu syonthe sya nthĩ ikamũkiaa.

Ndaia yithiwe kwa Asa, na kwa Mwana, na kwa Veva Mũtheu: o tondũ kwaili mwambililyoni, na yuyu: kũvika tene na tene. Amen.

*Itina wa ũmina Savuli, ũla mũũme na ũla mũka matulye ndu mbee wa Mesa ya Mwĩaii, na ũla Kasisi aũngame mbee wa Mesa na kũmelekela, na akyasya,*

Mwĩaii, twiw'ie tei.

*Andũ.* Klĩsto, twiw'ie tei.

*Kasisi.* Mwĩaii, twiw'ie tei.

**A**SA waitũ ũla wĩ itunĩ, syitwa yaku yithiwe itheu. ũsumbĩ waku wũke, wendo waku wikwe kũũ nthĩ tondũ wikawa itunĩ. Tũenge ũmũnthĩ kandũ kaitũ keanũ. Naku ũtũeke mawathe maitũ, ũndũ naitũ tũmaekeaa kila mũndũ mavityo make. Ndũkatũtwae katĩ wa ũtatwa, indĩ twovosye kwa ũthũku. Nũndũ ũsumbĩ na vinya na ndaia nĩ syaku, tene na tene. Amen

*Kasisi.* Ame Mwĩaii, ũmũvonokye mũthũkũmi waku wa mũndũũme na wa mũndũmũka.

*Andũ.* Ala makwikwatasya we.

*Kasisi.* Ame Mwĩaii, ũmaetee ũtethyo kuma vandũ vatheu vaku.

*Andũ.* ũmasũvie tene na tene.

*Kasisi.* Wĩthiwe kwoo mwako mũlũmu.

*Andũ.* Kũmasiĩa na ũthyũ wa amaitha moo.

*Kasisi.* Ame Mwĩaii, twithũkũsye mboya sitũ.

*Andũ.* Kĩio kitũ kũvikie kũla ũi.

*Kasisi.* Ame Ngai wa Avalamu, naku wĩ Ngai wa Isaka, na ingĩ wĩ Ngai wa Yakovo, ũmaathime aa athũkũmi maku, naku ũmivande mbeũ ya ũtũa tene na tene ngoonĩ syoo, nĩ kana ũndũ meĩmanyĩsya nthĩnĩ wa ndeto yaku ntheu, mamianĩsye nesa. Naku kũũ ũi itunĩ ũmasĩsye kwa ũseo ũmaathime. Naku o ũndũ wamatheesye moathimo Avalaamu na Sala na kũmavindithya mũno, na aa athũkũmi maku namo ũmew'ie inee na kũmatheesya ũathimo waku o ta ũu; o na, ũndũ meũkwata wendo waku we, na kwĩkala nesa kila ivinda nthĩnĩ wa ũsũvĩi waku, kwĩthiwe mo kũlũma vau nthĩnĩ wa kwendana naku, kũvika thayũ woo kũũ ũthele, kwa Mwĩaii waitũ Yesũ Klĩsto. Amen.

*Mboya isu iatiani nitiawa ethiwa ũla mũndũ mũka ti mũndũ wa kũkua ivu ingĩ.*

**A**ME MWĨAĨI Mwene inee, Ithe waitũ wa itunĩ, nĩ kwa mũthĩnzio yaku ya inee, andũ mongeleke: ithyĩ nĩtũũkũvoya ũmatethye andũ aa eli, kwa kũmaathima kũvika methiwe mo andũ ma ũathimo nthĩnĩ wa kũsyaa syana, na methiwe andũ ma kwĩkala vamwe na kwendana na kũikiani, nao methiwe makyona syana syoo syĩ ũeinĩ wa mũuo wa Klĩsto na kiliko, kwa kũũkatha na kũũtaia; kwa Yesũ Klĩsto Mwĩaii waitũ. Amen.

**A**ME NGAI, we kwa vinya wa ũtonyi waku watw'iki- thisye syindũ syonthe vate kindũ o na kĩmwe, na ingĩ (itina wa kũmina kũseũvya ala angĩ) wecaa kwa ũla mũndũũme (ũla wamũmbie na mũvwanano waku we)

kwoneke ūla mūndūmūka, naku nūndū wamakwatanīthisye asu elī wamanyīsyā kana asu wakwatan'ya vamwe kwa mūtwaano, ndūkethīwa wī ūseo kūmavathūkan'ya o na va vonthe: ame Ngai waūtheisye mwikalile ūsu wa mūtwaano weethīwa nī kimbithī kītheu mūno kwa ūndū kūilyī nthīnī waw'o nūvw'ananītw'e na kumīlw'a mūtwaano na ngwatanīo imwe ya ngoonī ıla yī katī wake Klīsto na İkanisa yake, ūmasisye kwa tei athūkūmi aa maku, nī kana ūyū mūndūūme amwende mūka kwa ngelekan'yo ya ndeto ya Ngai (o ūndū Klīsto wamwendie Mūtwaano wake, nayo nī İkanisa, eeyumya we mwene kwondū wayo, kwa kūyenda na kūyīea o tondū mūndū wendete mwīi wake), na ingī ūū mūndū mūka nake ethīwe mwene kwenda na kwendeesyā kwa kīthito na wīw'i, kwa mūūme, kwa kūmaatīā aka onthe ala mamūkīāa Ngai, kwa ūuu na īī na mūuo. Ame Mwīāī, ūmaathime mo elī, ūmane na kūtīā ūsumbī waku wa tene, kwa Mwīāī waitū Yesū Klīsto. Amenī.

*Nīvo indī ūla Kasīsi waasya,*

**A**ME NGAI Mwene vinya w'onthe, ūla wamombie au mbee asyai maitū ma mbee Atamu na Eva, amathesya na kūmakwatan'ya vamwe na mūtwaano, namwonoesyē īlū wenyu ūthwīi wa ūathimo wake, amūthesye na kūmūathima nī kana mwendeesyē kwake, katī wa mūi yenyu vamwe na mathayū menyū, nenyu mwīkalan'ye vamwe katī wa wendo mūtheu kūvika nūminūkīlyo wa mathayū menyū. Amenī.

*İtina wa mboya ūi syathela ethīwa nīvekwa ūndū ūneenwa wa kūvuan'ya ūndū ūmaīle mūndū na mūka, ūla Kasīsi asome:*

**I**NYWĪ inywonthē ala mūtwaanīte kana mūtwaītwe, İkana ala mwī weteelonī wa kūlīka katī wa mwīkalonī ūū wa mūtwaano mūtheu, İthukīseye ūndū Maandīko matheu maītye, kwondū wa ūla ūmaīle aūme kwa aka moo, na aka kwa aūme moo.

Mūtheu Vaulo katī wa valūa wake ūla wamatwaīe Aeveso, kīlungu kya kataano, nūmeaīe aūme ala matwaīte

aka maūt'w'io aa, "Aūme, endai iveti syenyu, o ūndū Klīsto wendie İkanisa, na eenengane mwene kwoondū wayo; nī kana ayīvathan'ye, ayītheetye ūndū wa kūthambya na manzī nthīnī wa ndeto, nī kana atonye kwīnenga mwene İkanisa itaīe, yīte na ilanga kana ikūnzānu kana ūndū ūngī ta asu; indī nī kana yīthīwe İtheu yīte na ūndū ūtaīle. O ta ūu aūme namo nīmailwe nī kūsyenda iveti syoo o ūndū mendete mūi yoo ene. Ūla wendaa kīveti kyake eyendaa mwene: nūndū vaiī mūndū waamena mwīi wake o na indīi; indī nūwūnengae līu na kūwūsūvīa, o tondū Klīsto ūyīsūvīāa İkanisa; nūndū twī mamutha ma mwīi wake. Kwoondū wa ūu mūndū akatia İthe na inyia, na akalūman'ya na kīveti kyake; na me elī makatw'īka mwīi ūmwe. Nzama īno nī nene: indī nīneena ūvoo wa Klīsto na İkanisa. İndī kīla mūndū wenyu nīakyende kīveti kyake o ūndū wiyendete mwene."

Nake o ūla Mūtheu Vaulo, aimaandīkīa Akolosai, eneena ūū kwa aūme ala matwaanīte, "Aūme, endai iveti syenyu, na mūikasyīw'īe woo."

Mwīthukīseye ūndū waneenie Mūtheu Vetelo, mūtūmwa wake Klīsto, nake nī mūndū waī na mūka, aimatavya ala matwaanīte: "Inywī aūme, İkalai na iveti syenyu kwīanana na ūmanyi, mūkīmūnenga mūndū mūka ndaīa, ta mūio ūte na vinya, ta mwī atīwa vamwe ma mumo wa thayū; nī kana mboya syenyu İtikasīīwe."

Maūndū asu mweew'a yu, nī ala mamwaīle mūndūūme kwa mūka. Kwoondū wa ūu, nenyu aka no ta ūu, İthukīseye ūla ūmwaīle kwa aūme menyū, tondū kūandīkītwe vate nzika nthīnī wa maandīko matheu.

Mūtheu Vaulo, valūanī o ūsu wamatwaīe Aeveso ūla tūwetie mbee, nūmūmanyīasya inwī ta ūū: Inywī iveti, İnyīvīseye aūme menyū ta mwīnyīvīsyē Mwīāī. Nūndū mūndū mūūme nī mūtwe wa kīveti, o tondū Klīsto nake nī mūtwe wa İkanisa, nake nī Mūtangīi wa mwīi. İndī o ūndū İkanisa yīmwīnyīvīasya Klīsto, o ta ūu iveti nasyo nīsyīnyīvīasye aūme masyo maūndūnī onthe." Nake eneena ingī "kīveti kīmūkīe mūūme".

Nake valūanī wake ūla wamatwaīe Akolosai, Mūtheu

## MŪSEŪVĪLYE WA MŪTWAANO

Vaulo nŭkŭmŭmanyĩsya maŭndũ aa manini; “Iveti, inyivĩsyeyi aũme menyu, ũndũ waile nthĩnĩ wa Mwĩaii”.

Mũtheu Vetelo nake nŭmŭmanyĩsya nesa mŭno yĩla ũkũneena ta ũũ; “Inywĩ iveti, inyivĩsyeyi aũme menyu; nĩ kana ethĩwa ve amwe mate ew’i ma ĩla ndeto, matonye kwonw’a nĩ mwĩkalĩle wa iveti syoo vate ĩla ndeto; makyonya mwĩkalĩle wenyu mũtheu wĩ na w’ĩa. Kwĩse-ũvya kwenyu kũikethĩwe kwĩseũvya kwa ũtheinĩ kwa kwokotha nzwĩ, na kwĩkia mĩio ya wanake ya thaavu, kana kwĩkia ngũa; ĩndĩ nĩkwĩthĩwe mŭndũ ũla ũtonekaa wa ngoo, kwĩvw’ikanĩ kũla kũtanangĩkaa kwa veva wa wĩnyivyo na wa ũuu, ũla wĩ vata mŭno mbee wa Ngai. Nŭndũ ũu nĩw’o aka atheu ma tene ala meekwatĩtye Ngai meeseũvisye, makĩnyivĩsya aũme moo: o tondũ Sala wamwĩw’aa Avalaamu, akĩmwĩta vwana: nenyu mwĩ syana syake, ethĩwa mwĩkaa nesa, mũteũtĩsw’a nĩ w’ĩa o na wĩva.”

*Nikwaile ala meũtwaana mathengeee mesa ya Mwĩaii ĩvinda ya mũtwaano, kana mwanyani wa mbee ĩtĩna wa kũtwaana.*

*Ethĩwa vaii Mesa ya Mwĩaii kana kũneena kwa kwonan’ya maŭndũ ala maile mŭndũũme na mũka, nĩkisomwe kĩlungu kya maandĩko matheu, kana ũla kasisi aneene motao ala me ĩvukunĩ ya mboya. Nivo ĩndĩ ũla Kasisi ũmombũũkasya andũ ala meĩkomanĩte akyasya,*

Nĩtũvoyei.

**A**ME MWĨAĨI Ngai Mwene ũtonyi w’onthē, Ngai wa tene na tene, twĩũvoya nĩ kana wone ũseo kũtũtongoesya na kũtũthesya na kũtũsumbĩka mathayũ maitũ na mĩĩ yaitũ, nzianĩ sya mĩao yaku, na mawĩanĩ ma matho maku; nĩ kana kwa kũsũviwa na vinya waku w’onthē, vaa nthĩ na kũvika tene na tene, tũsesewe mĩĩ yaitũ na mathayũ maitũ, kwondũ wa Mwĩaii waitũ Yesũ Klisto. *Ameni.*

**Ū**ATHIMO wa Ngai Asa, na Mwana, na Veva Mũtheu, nĩwĩthĩwe nenyu, wĩkale kwenyu tene na tene. *Ameni.*